

(4)
S Y N O D I
F E R R A R I E N S I S

CONSTITVTIONES, ET DECRETA

Sub Eminentissimo, & Reuerendissimo Domino
D. LAVRENTIO TIT. SS. IOANNIS, ET PAVLI
S. R. E. PRESBYT. CARD. MAGALOTTO
S. FERRARIEN. ECCLESIAE EPISCOPO

ANNI M. DC. XXXVII.

Iussu Eminentissimi, & Reuerendissimi Domini
D. FRANCISCI MARIAE BIVSDEM TITVLI
S. R. E. PRESBYTERI CARD. MACHIAVELLI
Eiusdemque Ecclesiae Episcopi in lucem edita.



FERRARIAE, M. DC. XXXIV.

APVD IOSEPHVM GIRONVM
Typographum Episcopalem.

FRANCISCVS MARIA

SS. IOANNIS ET PAULI S. R. E.

PRESB. CARD. MACHIAVELLVS

Dei & Apostolicæ Sedis gratia Sanctæ Ferrariensis
Ecclesiæ Episcopus.

Vniuerso Clero Ferrariensi salutem in Domino.



*V*M primùm ad Ecclesiæ Ferrariensis gubernacula Dei consilio, nutuq; admodum fuimus, eò studia, & cogitationes omnes conuertimus, ut Christianus populus nostræ fidei, tutelæq; concreditus, quam maximè tuto, & expedito virtutum cursu portum salutis attingeret, & dum teneremur anxij sollicitudine, animaduertimus, magna nos cura huius parte liberatos ab Eminentiss. Laurentio Cardinali Magalotto, præstantissimo Antecessore nostro; qui cum non ingenio solum, doctrinaquè splendidus, sed ardens in primis pietatis Ecclesiasticæ zelo, dies, noctesq; pro Republica vigilaret, celebrem etiam egit præstabilium clericorum de morum correctione conuentum, quam deinde Synodum certis capitibus in codicem digestam reliquit. Eam nos, cum optimis in omnem Christianæ vitæ partem monitis, ac præceptis instructam, ornatamq; inuenerimus, necessarium duximus in lucem edi, palamq; proponi omnibus, ut ad eius normam vitam ab integro dirigant, & officiorum suorum momenta perpendant.

Enigitur Ecclesiasticas nostras leges in lucem tandem prolatas, radios, inquam, diuinae lucis apertos, & obuios illustrandis veritate mentibus, & inflammandis voluntatibus ad honestatem: eas quicumque inspicere, ac custodire defugerint, verum solem patrem luminum ignorantes, filios se tenebrarum ostendent, ipsa ethnicorum hominum cecitate miseries. Hi enim Platone admonente in Protagora, satis didicerunt, admonitiones, ac praeceptiones, quae ad bene, beatèque viuendum mortales inducerent, longe altioris humanae originem primam habere, celsitumque satius potius, quam hominum industria esse prognatas. Quid de hac igitur sacrosancta morum disciplina docendum erit non? nè ipso diuinae lucis ex fonte Christo Domino hausta est? de quo illud legitur in prisci Vatis oraculis. Qui emittit lumen, & vadit: stellae autem dederunt lumen in custodijs suis. Quid stellarum nomine suis in custodijs intelligere par est, nisi sacerdotes in Ecclesia Calo principes, custodiae populorum suorum intentos? quoniam autem modo, vel tempore dari ab eis lumen dixerimus opportunius, quam cum editis optimis legibus, viam in hac nocte mortalitatis ostendunt, qua sine ambage subiecti homines, perueniant ad virtutem, & gloriam.

Sed magna pars hominum, & lucem veritatis oderunt, & à tergo viam virtutis relinquunt; in quos
Cap. 12. illustre dictum illud legitur apud Iob. Ipsi fuerunt rebelles lumini, nescierunt vias eius, nec reuersi sunt per semitas eius. Vagari siquidem amarè per amena
illa

illa spatia deflorescentis voluptatis, & opum marcescentiū, honorumq; fugaciū, solent repetentes verbum illud insipientium apud Sapientiam Coronemus nos ro- Cap. 1.
 sis antequam marcescant, nullum pratum sit, quod non pertranseat luxuria nostra, id est, morum omnium aperta solutio. Sed qua ratione Deus constringendam illam duxerit, viæ similitudinem seruans, observari potest apud Oseam prophetā, cuius in effatis illud habetur Domini oraculum ad impios habitum. Ecce ego sepiam viam tuam spinis. Spinae sunt non incommoda solum, & ærumna, quibus vana sæculi felicitas infeliciter affluit; sed præscriptiones etiam, ac leges moderatorum, quæ vitæ solutioris hominibus spinarum instar duræ videntur, & asperæ, non sine pœnis adiunctis, quæ contumaciam figunt, & compungunt. Ad Magistratus quippe, ac Pastores populorum pertinet illud Ecclesiastes. Verba sapientum sicut Stimuli, & quasi clavi in altum defixi, quæ per magistrorum consilium data sunt à Pastore vno. Cap. 12.
 Affirmat ergo Sapiens (ut Hieronymi eum locum exponentis verba ponamus) verba sua, esse verba sapientum, quia in similitudinem stimulorum corrigant delinquentes, & pigros mortalium gresus aculeo pungente commoueant, sicq; sint firma, quasi clavi in altum, soli tumq; defixi, nec auctoritate vnius, sed consilio, atq; consensu magistrorum omnium proferantur. Quibus verbis quid proferri poterat in rem nostrā accommodatius? per magistrorum consilium, inquit Salomon, data sunt, quod Hieronymus vertit, quæ ab habentibus certum

tradita sunt siue, ut nos vertere possumus, à Sacra Synodo constituta. Vnus nimirum gregis humani Pastor Episcopus hac omnia imperat, & euulgat, quæ tamen non vnius consilio tantum inuenta, & statuta sunt, sed magistrorum habentium cætum, totius, inquam, Synodi auctoritate comprobata fuerunt.

Quæ res momentum non leue populis afferre debet ad obediendi alacritatem, cum videant salutaria hæc virtutum opera non vnius, aut alterius præcipiti arbitrio decerni, ac præcipi, sed constitui solum, quæ post accuratam deliberationem necessaria huic Ecclesiæ iudicarunt esse tot sapientes viri, qui ciuium nostrorum mores in omni fortuna cognitos habent, nè dicam, statum etiam interiorem animorum exploratum, penitusq; perspectum.

Neq; multitudine legum, neq; rerum difficultate deterreri ullus ab obsequio debet: quamuis enim videntur non pauca, non omnes tamen omne genus hominum adstringunt, sed per varios Reipublicæ ordines singillatim vagantur, & alia quidem ex decretis Pontificum, alia de Conciliorum generalium sanctionibus, alia sacris & canonibus accepta, vel necessario deductæ sunt, quæ nobis tacentibus tenenda, & vsurpanda fuerant; nec nouam in obligationem à nobis vocata, sed reuocata potius in memoriam fuerunt. Si quæ verò condita recens in recentium morborum sanationem, & curam, duriores imbecillo alicui pectori videbuntur; meminerit humana natura, quæ instar syluestris agri est, nihil ferme ferens nisi cultura, & labore quaesitam,

quo nimirum alia quotidie refecari, inferi alia debent, nonnulla etiam stirpitus euelli, ne succrescant in perniciem meminerit agritudinum nostra mentis ex primorum parentum intemperantia contraharum, quibus remedium facere sine acerbis aliquo medicamentorum sensu non possumus; meminerit diuinæ gratiæ, quæ instar olei suauissimi iugum obedientiæ quantumvis durum, & asperum, mitigare una potest, & emolli-
 lire; de qua intelligunt propterea Patres dictum illud Isaia, computrescet iugum à facie olei; & ob quam Cap. 10 Christus gratiæ largitor adiecit. Iugum meum suauis est, & onus meum leue. Meminerit denique Christiana virtutis coronam, & palmam in empyreo Calo, hoc est, in arduo rerum omnium apice sitam esse, ad quam non nisi obedientiægressibus, & per sacrarum legum semitas peruenire fas est. Ea propter magni
 Praesulis Augustini vocibus omnes vos extrema hac Ex serm. p. in fest. omnium sanctor. oratione compello. Agite, inquam, nunc fratres, aggrediamur hoc iter vitæ: ad hanc operum salutarium palmam libenter, ac promptè certemus: omnes in hoc agone iustitiæ Deo, & Christo spectante curramus: nusquam Dominus meritis nostris ad præmium deerit remunerator, qui coronam in persecutione purpuream pro passione donauit, ipse in pace uiuentibus candidam, iustitiæ meritis dabit.

L A V R E N T I V S,
TITVLI SS. IOANNIS, ET PAVLI,

DEI, ET APOSTOLICAE SEDIS GRATIA,
SANCTAE ROMANAE ECCLESIAE

Presbyter Card. Magalottus nuncupatus, & Sanctae
Ferrariensis Ecclesiae Episcopus.



*Q*uoniam primum ad Sanctae huius Ecclesiae
regimen Dei, & Apostolica Sedis Gra-
tia nos vocauit; Diuino pariter illustra-
ti lumine intelleximus, quale, ac quan-
tum susceperimus onus, vel cum ipsius
Dei Principatu commune, qui nomen
Pastoris, & officium non est dedignatus, dum B. Petro di-
cens: Pasce Oves meas, illud ipsum imitatione quadam, &
reliquis Episcopis Petro subiectis insinuauit. Propterea, non
Vicariis, sed nostris ferendum humeris arbitrati, quam ex-
peditissime curis ceteris, quibus detinebamur, excussis, proti-
nus itineri nos dedimus, & ad omium nostrarum procuran-
dam salutem, animum, viresq; conuertimus.

Verum, cum minime nobis licuisset Dominicum hunc
agrum, quod exoptabamus, circumire, excusabilem moram
Coagricolarum nostrorum adiumento purgauimus, effecimus-
q; ut quisq; agelli sui conditionem, & statum per episto-
lam significaret.

Ita planè accidit, ut nostrae sollicitudinis sitim toto as-
sino tempore tantisper restinxerimus.

Ineunte porro Autumno, feriari nos pudebat, memores
indi-

indignationis Domini super Pastores, qui gregem suum visitare cunctantur.

Inde ab Ecclesia Cathedrali visitationis primordia de more sumpsimus. Paracias omnes, Pratrias, Oratoria, Monasteria sanctimonialium, piasq; reliquas domos adiunimus.

Interea imminenti belli, & belli affeclarum pestilentie, famisq; in finitimis Diœcesis nostra Transpadana regionibus rumor cum percrebuisse, illuc properè aduolauimus, & priusquam pars illa ditionis hîce calamitatibus affligeretur, & Dei singulari beneficio rem totam absoluiamus, subindeq; Diœcesim vniuersam circumlustrando peragranimus.

Nunc (venerabiles Fratres, & Filij dilectissimi) quo post illam visitationem, ceterasq; extemporaneas, ut nostis, in annos singulos peractas, animaduersione digna censuimus, Vobis ad præscriptum Sacrosancti Oecumenici Tridentini Conc. in hac prima nostra Synodo aperimus, proponimusq;. Nam sicut per communionem gratiæ regiones iunguntur, ita ut vna deferat fructus, quos altera non profert; Deus, qui dat suis spiritum consilij, id egit in cordibus fidelium, ut conferant, quæ acceperunt, & fructus sibi inuicem exhibeant, vnaq; charitate iungantur.

Hinc more vetustissimo, & summo perè ab ipso Ecclesiæ exordio laudabili, Vniuersalia Concilia, Prouincialia, Diœcesana quoq; conuocantur, non ad corrigendos mores tantum, verum etiã ad illa solemnitus instituenda, quæ pro animarum salute, pro Ecclesiæ cultu, pro fidelium instauranda disciplina, & pietate desiderantur.

Eodem & nos consilio Synodum hanc indiximus celebrandam, ut nimirum Ecclesiastica Hierarchia, quantum
nobis

nobis immeritis licet ; effulgeat in vniuersa Diacesi nostra .

Interim norint omnes , ingenij nostri non esse cum seueritate potestatis inbere , legesq; dicere , quippe qui semper arbitrati fuimus virtutem nullam lenitate humaniorem , nullam Clementia dignorem Episcopo .

Pastores facti sumus , non percussores ; pascendas suscepimus Oves , non premendas ; immo veriùs adiuuandos liberos , quos Dominus Patria nostra spiritali tradidit Potestati .

Sed quotusquisq; inficietur in agro Domini nos positos esse , vt noxias herbas , & arbores euellamus , vt insidiantes gregi lupos procul arceamus , latrones propulsemus , & improborum morum , impuraq; doctrina cultores eliminemus .

Disciplina , & misericordia , nimirum eneruantur , nisi mutuo se fulciant . Vtramq; Moyses miscuit in regimine populi , ne huic illa , hac illi deesset .

Acerba medicina , si non deletat , sanat .

Qui imperia libens excipit , partem acerbissimam seruitutis effugit , facere , quod nolit .

Plurima circa nos omnes lux est , qui alios regimus ; non aliunde fere , ad quod sese componant , exemplum sumpturos , non aliunde obsequendi voluntatem .

Certe beata gens , cuius Dominus Deus eius ; qua nimirum Sacerdotes bonos , sua esse propugnacula , suas Turres , sanctorum Virorum sancta consilia , sua esse circumuallata Mena intelligit , ac Dominum in Sanctis suis custodire Civitatem .

Nostro igitur (fratres , & filij) relinquitur studio , vt

per

per omnes vias in nobis sit, iuvante Deo, virtutis constan-
tissimus tenor, & pietatis nitor, & splendor eluceant, ut non
minus sanctorum operum, & spiritualium laborum socij si-
mus, quàm suaves.

Tu Domine, à quo omne datum optimum, & omne donum
perfectum, qui dixisti, effundam de spiritu meo super vos,
qui predestinasti nos in adoptionem Filiorum per Iesum Chri-
stum, secundum diuitias gratiæ tuæ, notum fac nobis Sacra-
mentum voluntatis tuæ & beneplaciti tui, ut possimus in-
flaurare omnia in laudem gloriæ tuæ, & Ecclesiæ Sanctæ, in
qua habitas cum Filio, & Spiritu Sancto, per sæcula.



I N D E X

Rubricarum hoc libro contentarum

P A R S I.

I NDICTIO Synodi.	De Bonis Ecclesiasticis.	101
Prolocutio a Synodo.	De Legatis Pijs.	106
De Constitutionibus.	De Eleemofynis, & Quæſtibus Parocho-	108
De Fide Catholica.	rum.	109
De Fidei rudimentis, & Doctrina Chriſt.	De Primitijs, & Decimis.	111
De libris contra Fiden, & Religionem.	De Eccleſiaſtica Immunitate tuenda.	112
Catholicam.	De Laicis intra Presbyterium non admit-	
De Verbi Divini prædicatione, & habenda.	tendis.	
Concionibus.		

P A R S II.

De Blaphemis, hæreſibus, maleficijs, & Astrologis.	15
De Sacris Reliquijs.	17
De Sacris Imaginibus.	20
De Veſſibilibus cuſtodiendis.	22
De Jeunijs, & Quadrageſima.	24

P A R S III.

D E Sacramento Baptiſmi.	27
De Sacramento Confirmationis.	32
De Sacramento Eucharistiæ.	35
De Sacrificio Miſſæ.	41
De Sacramento Penitentiæ.	47
De Caſibus reſervatis.	52
De Sacramento Ordinis.	54
De Sacramento extreme unctionis.	58
De Sacramento matrimoniij.	60
De Aqua Benediſta.	67
De Exorcismis.	69
De Indulgentijs.	71
De Divinis Officijs, & eorum Ordine.	73
De Chori Diſciplina.	77
De Paſſatoribus.	81
De organis, & Cantibus.	83
De Proceſſionibus.	84
De Funeribus, & Sepulturis.	88
De Campanis, & ſignis dædis.	92

P A R S IIII.

D E Sacroſanctis Eccleſijs.	95
De Conſecratione Eccleſiæ.	100

De Canonicijs.	114
De Canonico Pœnitentiaro.	117
De Canonico Theologo.	119
De Maſſonarijs.	120
De Capellanis.	124
De Sacris Ritibus, & Cœremonijs.	126
De Vicarijs foraneis.	128
De Parochijs.	131
De Iudicijs Synodalibus.	137
De Examinatoribus Synodalibus.	138
De Vita, & honeſtate Clericorum.	140
De ſeminario, & educatione Clericorum.	144
De Sanctimonialibus.	148
De Pijs Caſibus ſeu ſodalitatibus, quas Confraternitates laicorum vocant.	158
De Tertiarijs, Domibus Puellarum, & Societatis Sanctæ Virginitatis.	160
De Puerorum educatione.	162
De Mulieribus in Eccleſia degentibus.	164
De Domibus Hoſpitalibus.	165
De Monte Pietatis.	167
De Cura miſerabilium perſonarum.	171
De ludæis, & Iudæorum conſuetudine.	172
De Iudæorum ad Fidem conuerſione.	174
De Uſuris, & foeneratoribus.	177
De Notarijs, & Cancellarijs Curie Episcopalis.	181
De Tranſgreſſoribus ſynodi, & pœnitentis.	183

F I N I S.


In Nomine
SANCTISSIMÆ, ET INDIVIDVÆ
TRINITATIS,


PATRIS, ET FILII, ET SPIRITVS SANCTI
AMEN.

NOS LAVRENTIVS, Tituli Sanctorum Ioan-
nis, & Pauli; Dei, & Apostolicæ Sedis Gratia,
Sanctæ Romanæ Ecclesiæ Presbiter Cardinalis Ma-
galotus nuncupatus, & Sanctæ Ferrariensis Ec-
clesiæ Episcopus.



*Divina ope, ac Deipara Virginis, Sanctorumq; Georgij,
& Maurelij Ecclesiæ nostræ Patronorum
humiliter implorata.*

VÆ inferiùs adscripta, & definita sunt
in prima hac nostra Diocæsana Synodó,
ad Ecclesiæ Disciplinæ morumque inte-
gritatem instaurandam, nec non pro fi-
deliùm nostrorum salute, & conuer-
sione ad Pastorem animarum Dominum Iesum Chri-
stum: & demùm ad Christianæ, & Catholicæ Reli-
gionis amplitudinem, annuntiamus, decernimus,
& statuimus.



PARS PRIMA

DE

CONSTITVTIONIBVS.



LEgum copia vastatur plerumq; magis Ciuitas, quam corrigitur; Satius itaq; existimamus in pluribus, leges iam conditas seruare, quam recentes proferre, & iuxta Apostoli dictum in ijs permanere quæ dicta, & credita sunt.

Initia quippe legum, & semina ab ipso Deo fluxerunt in hominum pectora, & satis abundè Pontificum Canones, Concilia, ac plures subinde secundum tempora Apostolicæ editæ constitutiones, Fidelium Pascua, Orthodoxæ doctrinæ præceptis, ceu purissimis vndis irrigarunt salubremq; in vitam æternam salientis aquæ potum exhibuerunt.

His nos delectamur, ac saturamur, Talia decreta reuerentè accipimus, ijsq; obedientiam pollicemur, vnde iucundissimos nostræ Synodi latices hausimus, quos nunc Dilectissimi ori vestro purissimo propinamus.

Vti-

Vtinam (quod speramus) proficiant ad spiritualem valetudinem, ad erudiendum, & corripiendum in iustitia, ut perfectus sit homo in Deo, ad omne opus bonum instructus.

Inuiolabiliter hæc seruari præcipimus.

Constitutiones etiam Synodales Prædecessorum nostrorum post Sacrum Tridentinum Concilium editas; quæ sacris constitutionibus Apostolicis, & his nostris non aduersantur, censurarum pœnis exceptis confirmamus, & approbamus; perinde ac si à nobis editæ fuerint, & earum tenor hic esset insertus; has quidem, una cum præsentibus, & Pontificijs diplomatibus, & sacrarum Romæ Congregationum Decretis, & ordinamentis authenticis pro temporis ratione promulgatis, promulgandisq; ad Ecclesiæ nostræ negocium, quoquo modo facientibus; in Archiuum nostrum referri iubemus.

DE FIDE CATHOLICA.

Fides (ut aiebat Apostolus) est substantia rerum; quas speramus, indexq; rerum, quas non videmus; per quam iustificati, pacem habemus ad Deum per Dominum nostrum Iesum Christum. Huius luce virtutis fugantur animi vitia, & impietatis obices animosè superantur.

Quæ igitur ad Catholicam fidem Sanctè, & fideliter retinendam conducere videntur, Sacrorum Canonum, & Conciliorum, ac Tridentini præcipuè tenen-

tes vestigia; proponenda censuimus.

Iubemus itaque, vt dignitates omnes, & Canonici, in Cathedrali Ecclesia pro tempore futuri, infra duos menses à die acceptę possessionis, tum coram nobis, vel nostro Vicario Generali, tum etiam in Capitulo nostro fidei faciant professionem.

Nec non de beneficijs Ecclesiasticis curam animarum habentibus prouisi, & alij omnes beneficiati, ante adeptam possessionem, vel postea infra duos saltem menses, idem in manibus nostris, vel Vicarij Generalis præstent, & adimpleant, scientes aliter se non facturos fructus suos, nec acquisitam possessionem sibi profuturam.

Eidem subeundę Professioni subiciantur Confessarij ac Prædicatores, tam Sæculares, quam Regulares, illi quidem antequam audiendi veniam cõsequantur; hi verò ante concionandi facultatem impetratam, nisi aliud nobis visum fuerit.

Item, & cuiusq; scientiæ Professores antequam suę facultatis munus exerceant, seu ad Doctoratum promoueantur,

Procuratores quoq; ac Notarij Sanctę Inquisitionis Impressores, & Bibliopole.

Medicinam denique, & Chirurgiam exercentes non solum fidei, vt supra Professionem faciant, sed etiam speciatim iure iurando promittant seruaturos se Constitutionem Sanctę Mem. Pij V. incipientem *Supra Gregem Dominicum*.

De his omnibus rogetur Cancellarius, profitem-

*Professio
fidei
Beneficentia*

*Confessarij
Prædicatores*

*Professores
Scientiæ*

*Procuratores
Notarij
Inquisitionis*

*Medici
Chirurgi*

tiumq; nomina, & cognomina in libello particulari describat.

Ad hæc nemo ad hæreticorum regiones siue mercandi, siue alterius negotij gratia se transferat, nisi prius nobis, seu R. Patre Inquisitore consultis, causaq; serio examinata, vt salutaribus documentis, & cautionibus instruat; Cum illuc peruenerit singulis annis authenticam fidem de sacramentorum debita receptione aliorumq; obseruatione iuxta Clem. VIII. S.M. Constitutionem ad nos transmittat.

Nemini etiam fas sit, in vlllo virorum, seu Mulierum congressu concionari, aut spirituales Repræsentationes publicè habere vel (si Laicus fuerit) Sacram Scripturam exponere aut de fide disputare, nisi prius à Nobis facultatem fuerit assequutus.

Sit porrò fides, vt costans; sic clemens, & humilis Diuini credula amoris, diuinæ famulatrix Omnipotentæ. Cæcus ferè sit oculus mentis, vt videat oculus fidei, nam, & excæcatis Pauli corporis oculis, confestim menti Cœleste fidei lumen illuxit.

Diuina, ac Cœlestia, libentiùs charitati inclinantur quàm studio; cedunt magis virtuti, quàm ingenio.

Exaltantur autem quoties ascendit homo ad cor altum, & ab audacibus euolant oculis, soli nimirum Petro, hoc est Ecclesiæ dictum est, duc in altum.

Præterea quoniam Sanctissimæ Recordationis Gregorius xv. Clementinæ prædictæ constitutioni adiecit, vt ne cui Hæretico in Italæ locis sub quouis prætextu domicilium ponere, aut domum habere, & commorari

rari liceat; sin secùs vt contrauenientes seuerè puniantur, vna cum illorum receptatoribus, veluti Hæreticorum fautoribus. Nos pro iniuncti Pastoralis muneris debito volumus, & mandamus, districteq; præcipimus, vt Curia nostra Ministri, Parochi Ciuitatis, Vicarij, & Parochi Foranei, si cognouerint, aut suspicati fureint in Vrbe, vel Diœcesi Hæreticum aliquem, aut alterius non Catholicæ, Apostolicæ, & Romanæ Religionis hominem commorari, ludæis exceptis, quibus à Summis Pontificibus indultum est Ferrariæ domicilium, sedulò ac diligentèr inquirant, num in Episcopali Curia, siue in S. Inquisitionis officio statim ab aduentu se se præsentauerint, ac præfinitæ ad certam diem, commorationis facultatem descriptam obtinuerint.

Insuper decernimus, vt non liceat Cauponibus, hospitibus, aut Infidelibus vt supra per Diœcesim nostram iter facientibus hospitium præbere diutius quam vnica noctis, vel horæ prandij absq; licentia nostra vel R. Inquisitoris scripta. Eoq; tempore suos familiares, vxorem, liberos, exceptis seruis vitæ probatioris, cum prædictis aduenis hæreticis conuersari non permittant, cibos vetitos ab Ecclesiastico præcepto minimè parent, Sacras Imagines inde ammoueant, vbi prandere, cœnare, somnum capere, hæreticum, & Infidelem hominem oportuerit.

DE FIDEI RVDIMENTIS, ET DOCTRINA
CHRISTIANA.

Vix explicari potest, quantum emolumentum ad Fidei Catholicæ propagationem, & confirmationem afferat Doctrinæ Christianæ exercitatio, quæ quidem circa duo versatur, illud nimirum, quod credendū, & quod faciendū est, ut ipsa fides in operibus viuat.

Hanc pretiosissimam panis speciem à Parochis frangendam paruulis exhibemus piorumq; vtriusq; sexus Fidelium opere ministrandam; Et vere hæc diuina sapientia est quæ sicuti Philosophorum mundi dogmata excedit, ita nos omnes supra Mundi sapientiam constituit.

Itaq; singulis diebus Dominicis, dato signo, ante vespertas in Ecclesijs Ciuitatis à nobis deputandis, in Diœcesi vero in vnaquaq; Ecclesia Parochiali, vel alia à nobis, aut Vicarijs nostris foraneis bene visa vtriusq; sexus Pueri Fidei Rudimentis erudiantur.

Non aliam edocendi formulam sequentes, quam quæ à recolendæ memoriæ Domino Cardinale Bellarmino composita, & promulgata fuit, ea scilicet facile Pueri percipiunt, quæ salua Religione ignorari non debent, ut cum crescente illorum ætate, pietas etiam, pietatisq; disciplina adolescant.

Monemus præterea Parochos, ut sepe alta voce recitari faciant Pater, Ave Maria, & Credo, & præcepta Decalogi.

Et

*Manual Sacerdotum
Et verbo
De conno*

Et amplius vt pueros ad cultum Dei, ad obedientiam Parentum, ad reuerentiam Sacerdotum, ac seniorum accendant.

Inter sint Parochi omnes Ferrariæ, intra fines suæ Parochiæ in ea Ecclesia in qua Pueri Christianam Doctrinam edocentur, sintq; validi Duces huius dignissimi ministerij.

Patres, & Matres familias studiosè curent, vt filij, & famuli ad Doctrinæ Christianæ rudimenta percipienda accedant, sciantq; transgressores grauissimas pœnas subituros.

Clerici sub vna quaq; Parochia degentes, huic obsequio adscripti, vel adscribendi opem Patro, & Operarijs ferant, ne quod in laicis studium desideramus, in Clericis deesse videatur.

Societati Humilitatis in hac Ciuitate erectæ aggregari volumus (pro vt aggregamus Scholas quascunq; Christianæ doctrinæ) tam hucusq; erectas, quàm in posterum erigendas.

Demùm Parochi studeant non solum Pueros, sed etiam adultos indoctos omnes in ijs, quæ ad salutem & Religionem spectant, edocere, eosq; maximè, quos torpere ad res spirituales agnoscunt.

In reliquis singulis annis quantum quisq; profecerit nobis significant iuxta præscriptum Epistolæ nostræ Pastoralis, easq; seruari curent regulas, quæ summo-pere colendus Prædecessor noster b. m. Reuerendissimus Fontana constituit.

DE LIBRIS CONTRA FIDEM, ET RELIGIONEM CATHOLICAM.

Qui non permanet in Doctrina Christi, Deum non habet. Si quis venit ad vos; inquit S. Ioannes, & hanc non affert doctrinam nolite eum recipere in Domum, nec Aue ei dixeritis.

Eorum itaq; nomina ab hominum recordatione delenda sunt, eorum Volumina, & scripta reiicienda, & cōdemnanda, quæ Catholicam Fidem, & bonos mores quoquo pacto peruertunt.

Videtur hæc quidem, dulces plerumque sed venenatae sunt iniquorum dapes, quibus Christiani corporis membra corrumpunt.

Infana sunt arma illa, quibus Ecclesie castra, & acies terribiles inuadere Ducesq; frangere tentant.

Infideles ac Hæretici nouo hoc dementiae, ac feritatis genere in Ossa sanctorum gloriososq; cineres scruerunt.

Horum igitur fama, vna cum scriptis abolenda, & proscribenda est.

Quod ut assequamur facilius, præcipimus ne aliquis librarius imprimere, vel publicè venum exponere audeat libros, qui huiusmodi prauitatem, ac feditatem redolebunt. Nemo etiam ijs priuatim vtatur, nullus eos retineat, commodet, euulget, sub pænis à Pontificijs Constitutionibus irrogatis.

Impressores librorum, manuscripta sub prælo ponere

*Exemplum
Manual.
in Libris
catholici
125*

nere non audeant, nisi à nobis, vel alijs de mandato nostro deputatis recognita, probataq; fuerint.

Præterea libros de quauis materia tractantes, & vbi-
cumq; compositos, nemo nostræ Diocæsis deferre
aliò, vel mittere imprimendos poterit, sine nostra, &
R. Patris Inquisitoris licentia.

Libros autem huiusmodi contra huius decreti teno-
rem impressos; præter alias pœnas arbitrio Sanctissimæ
Domini Nostri Urbani VIII. infligendas, prohibitos
esse annuntiamus.

Pariter prohibita dicimus officia quædam parua SS.
Ioseph, Angeli Custodis, Sancti Caroli, & similia, ex
decreto Indicis, Sacræ Congregationis consensu editi.

Intelligent tandem omnes nobis subditi mortiferè
peccare, & Episcoporum arbitrio se puniendos fore,
quoties libros legerint, comprehensos in Indice libro-
rum prohibitorum.

Nec non legentes libros hæreticorum, vel tenentes,
excommunicationis pœnam incurrere, iuxta Constitu-
tionem Pij IV. Summi Pontificis.

Nec facultatibus fortè datis fidem habeant, quia
libros prohibitos habendi, legendiq; facultates om-
nes reuocatas esse admonemus; ita vt sola suprema
Congregatio Sancti Officij in Vrbe illas concedat, iux-
ta Constitutiones fel. recor. Gregorij XV. & Sanctis-
simi D. N. Papæ Urbani VIII.

DE VERBI DIVINI PRÆDICATIONE, ET
DE HABENDIS CONCIONIBVS.

Vbi quis insigne sacri, & Euangelici præconis munus susceperit, viuendo prius illuminet, quæ loquendo suadere intendit, eloquij quippe perditur auctoritas, quando vox opere non adimpletur.

Non luceat, non ardeat solum, sed luceat simul, & ardeat.

Valdè dedecet, legem Domini ædificare, & destruere; amicum esse, & inimicum erroris; animarum raptorem, & Custodem; alijs prædicare, & ipsum, qui prædicat reprobum effici.

Abstineat deinde à fabulosis Poetarum deliramentis, nisi huiusmodi figmenta ad correctionis fructum, speret detorquere, oblectamenta scilicet inanum fabularum, mentem plærumq; excitant illecebris libidinum.

Caueat quoq;, nè Sacræ Scripturæ Verba, & oracula ad prophana, & scurrilia conuertat, temerarius etenim verbi diuini censeretur violator, & pænis à iure, & Tridentino Concilio illatis subijceretur.

Non nisi explorata afferat miracula.

De Mundi vniuersitatisq; interitu, & supremo illo Iudicij die, futurum aliquando affirmet quidem; tempus autem edicere abstineat, summæ enim est vanitatis, & impudentiæ ea præscire velle, quæ Deus in sua esse voluit Potestate.

*Caueat q;
Mammi. J.
V. P. J. J. J.
P. 65.
m. B.
p. 193.*

Nominatim quemquam ignominia, aut reprehensione notare non audeat.

Quoties Sanctimonialium Monasterijs concionandi causa deligetur, ea in dicendo gravitate, modestia, & circumspectione utatur, quæ muliebri captui, & talium Virginitatis pudori convenire videtur.

Optamus etiam vehementer, ut Evangelica hac legatione Concionatores honorificè fungantur, & quamvis ab ipsius nascentis Eccl. primordijs. spiritualia. Serenti temporalia metere concessum fuerit; quæque tamen sordida, & nimia cupiditate redolentia rejicimus.

Animadvertant itaq; Concionatores, ut eleemosynas non suis, sed pauperum vñibus petant, nullo autem pacto pro certis personis, vel operibus sine licentia, vel Vicarij Generalis in Civitate, vel Vicarij foranei in Diœcesi.

Res amplius quasq; deperditas minimè denuncient, indignum putantes, Apostolicum Præconem temporalia quæq; vilissima pertractare.

Ad hæc nullus siue Sæcularis, siue Regularis in Ecclesijs nostræ iurisdictionis, sine nostra licentia, prævio examine audeat concionari.

In Ecclesijs autem sui ordinis Regulares concionaturi, post maiorum suorum obedientiam, benedictionem prius à nobis petant.

In Ecclesijs aliorum ordinum, licet Regularium, concionari non audeant, nisi prævio examine approbati, & cum licentia nostra, vel Vicarij Generalis scripto data.

Et nè omittamus de temporibus agere, quibus conciones habendæ sunt. Decernimus in Cathedrali Quadragesimæ toto tempore de rebus diuinis concionandum, in Aduentu, quibusq; diebus festis. Item, & quotiès, aut Iubileum editum fuerit, aut supplicationes ab Episcopo indictæ, aut uisitatio, aut Synodus habebitur, & demum quotiès nobis videbitur:

Nocturnæ certè Conciones vetamus haberi, & similiter, dum rem diuinam Sacerdotes faciunt, aut dum horæ Canonicae, ac alia diuina officia recitantur.

Amplius quod Clemens v. P. M. in Viennensi Concilio fanciuit, ad usum reuocare consentaneum ducimus, ut scilicet, habente Concionem Episcopo, nemini in Ciuitate (Parochis exceptis) eodem tempore concionari liceat, ne Regularibus quidem, in eorum Ecclesijs, nisi ex iusta aliqua causa ab ipso Episcopo id eis permittatur.

Demum Clerici, & Sacerdotes Cathedrali Ecclesie addicti, dum Concionibus intererunt, super pollicibus induantur.

Omnes autem, qui audiunt Verbum Dei, re dum Auditores maneant, sed etiam eiusdem factores verbi. Euangelicam quidem libenter edificent doctrinam, sed moribus quoq; vitaq; exprimant.

Aliud est enim (inquit Diuus Bernardus) multas diuitias scire, aliud possidere, neq; scilicet notitia diuitem facit, sed possessio, nec sapientem cognitio, sed timor Domini.

Aliud

Et quoniam occasione concionis, de locis sedilium controuersia oriri solent; Præcipimus nè quis de cætero, tam in Ciuitate, quam in Diœcesi, in Ecclesijs sub Ordinarij iurisdictione positis, locum, vbi subsellia, siuè banchæ reponuntur, tam alienum, quam à nemine adhuc occupatum propria auctoritate sibi vſurpare tentet, & ideo in Ecclesijs dicta Subsellia, aut cuiusuis generis sedilia, alicubi collocare non audeat, sinè nostra licentia, hucusq; apposita, nemo turbet, in alterius præiudicium sub pœnis arbitrio infligendis.

Rectores, & Parochi, aut qui Ecclesiæ præsunt; vbi hac de re quæstio oriretur (quod sæpè accidere solet) nos illicò certiores reddant, nostrūq; expectet iudiciū.

Sedilia verò vniformia sint, & quam minimum spatij occupent, fiantq; si per opes Ecclesiæ, vel Populi licuerit communi expensa, aut si priuata peculiaris alicuius personæ sumptu fiant, in omnibus cæteris similia, nullo gentilitio signo, nullo inscripta sint nomine, nisi aliter habita Ecclæsiarum, & personarum ratione Nobis visum fuerit. Mandamus propterea, tam Vicarijs foraneis, quam Ecclesiarum singulis Rectoribus Ciuitatis, & Diœcesis, vt sedilia ad præscriptum huius decreti infra annum componi curent omninò, & non parentes Vicario Generali renuncient, qui re ad Nos delata prouidebit.

DE BLASPHEMIS HÆRETICIS, MALEFICIS;
ET ASTROLOGIS.

Qui linguæ procacitate in Deum grassari non ventur, cui ad referendas gratias, & celebrandas laudes nullum humanum sufficit eloquium summæ impietatis, & Insaniæ crimen committunt.

Quicunq; ergò ore sacrilego Deo maledicere ausus fuerit, vel obsecris verbis Domini nostri Iesu Christi, seu Beatissimæ eius Matris nomen usurpare, & expressè blasphemare, pœnis à Constitutione S. M. Pij Quinti inflictiis feriatur.

In hoc genere perfidiæ præcipuum locum obtinet detestandum hæresis crimen, quod sui etiam contactu pestifero cæteros inficere solet, & contaminare.

Hæreticum itaq; hominem, nè dùm euitandum, quia subuersus est, ac proprio iudicio damnatus, sed aduersus eum, veluti communem veritatis, & fidei hostem irruendum censemus, pœnis à Sacris Canonibus, ac Pontificijs Constitutionibus Sancitis.

In Maleficos pariter, & veneficijs sæuientes durissimas leges Sûmi Pontifices meritò protulerunt, illosq; nec non Magos, Incantatores, vanosq; rerum obseruatores, Ecclesia perpetuò damnauit.

Astrologi etiam iudicarij, super astra se inaniter efferentes, perturbationes arroganter, & pericula prædicentes, nè non qui in grave Reipublicæ Christianæ scandalum, artem quamlibet diuinatorem.

*Euano Jov.
Blasphemia
filii.
Hæresis 104.
Astrologia 13*

profidentes consulere ausi fuerint, pœnis acerbissimis à Constitutione Santissimi Domini Nostri Urbani VIII subiiciuntur. Maximè de statu Reipublicæ Chr stianæ, vèl Sedis Apostolicæ seù vita Romani Pontificis, aut eius consanguineorum iudicia facientes, seù facta pœnes se retinentes, vel alicui cistendentes, aut verbis tractantes, qui ne dum excommunicationis maioris latæ sententiæ, sed etiam vt læsæ Maiestatis rei, vltimi supplicij, & confiscationis bonorum suorum, & beneficiorum, & officiorum ex præscripto eiusdem Bullæ, si Clerici fuerint pœnam incurrunt.

Hoc igitur pessimum, & exitiale hominum genus, nos quoq; à Diœce si nostra eijcere cupimus. Ideoque mandamus, & Parochis omnibus, & singulis Christi Fidelibus districte præcipimus, vt tam nefarij flagitij non solùm crimina, sed indicia ad nos statim deferant, delinquentium enim improbos ausus progredi non sinemus, pœnisq; statutis eos affici curabimus, tum ex Constitutione S. M. Sixti V. tum Gregorij XV. tum demùm Santissimi Domini nostri Urbani VIII.

Et quia frequentius sortilegia à vilibus personis committuntur, Vicarijs foraneis, Archipresbiteris, cæterisq; Rectoribus, & Parochis curam animarum habentibus injungimus, vt à suo Grege studeant huius generis homines, nec non Mulieres, striges, lamias, & quascunq; personas superstitionibus, incantationibus, & Sortilegijs, quibuscunq; deditas arcere.

Et propterea, quos nobis, vel Sancto Officio denunciandos iudicauerint pro sui muneris debito, quàm

quàm primum denunciari curent.

Et si quos etiam suspectos habuerint, nobis illicò scripto aut viua voce significant.

Laicis quoq; & Ecclesiasticis hosce nefarios denunciandi debitum ad memoriam reuocamus, sub pænis à Sacris Canonibus, Pontificijs Constitutionibus, & S. Officij Edictis constitutis.

Volumus insuper, eos vtriusq; sexus à Parochijs præsertim obseruari, & ad nostram Curiam deferri, qui simulant se habere arcana remedia, & medicamenta, eaq; vel docent, vel exercent signis, & verbis superstitiosis; Inde .n. Deo permittente morbi interdum scaturiunt, & saltem rudes, simplices, & incauti decipiuntur.

DE SACRIS RELIQUIIS.

Religionis est, & pietatis insigne, Martyrum, & Sanctorum Reliquias pretioso operire velamine, & luminibus rutilantibus custodire, & venerari, imò illorum Basilicas ingredi, & illustrare. Non quia his indigeant Beati, sicut non indiguit Christus Vnguento; sed in honorem, & decus Sanctorum, & ad ipsius met Dei gloriam; & quia pretiosa est in conspectu Domini mors Sanctorum eius.

Huiusmodi venerationem, idem ipse Dominus sæpe signis commendauit, dum latentia quandoq; sub ignobili cespite, aut etiam sub vndis Sanctorum Corpora, & Reliquias Ecclesiæ suæ reuelauit, vt eos for-

*Sinod. 8. Aug. 24.
Cap. Roman. 2.
Erm. 120.
Quod. 14*

tassè constitueret Principes Populi sui, quos Principes statuit in Cœlis, vel ut spirantia fere Beatorum Corpora, & mirabiles reliquias offerendo, quasi vniuersalis resurrectionis locupletissima pignora humano generi consignaret.

Bene itaque veneratione coluntur hæ Victimæ triumphales in Vasis, & arculis; bene succedunt in locum, ubi Christus hostia est. Ille nimirum super Altare qui pro omnibus passus est, isti sub Altare qui pro illo passi sunt, illiusq; redempti sunt passione, & sanguine.

Has itaq; sacras Reliquias, & nos venerandas proponimus, sic tamen ut illis nihilo plus honoris, quam quantum beatis spiritibus debetur, tribuamus, cum mirifica, & innumerabilia beneficia satis constet per Sanctos à Deo hominibus præstari.

Omnibus etiam Ecclesiarum Diœcesis nostræ Rectoribus, & Superioribus quibusque, etiam exemptis præcipimus, ut si quas habent Sanctorum Reliquias, de ijs quàm primùm, litterarum monumenta, annalium, Tabularum, Lapidum, quibus illæ nituntur, & quibus de illarum translatione, donatione, recognitione, collocatione aliquod percipi possit, recolligant, & ad nos deferant.

In recognitijs verò Reliquijs procurent, ut etiam cerni cum opus fuerit, viderique possint, quæ autem sub Altaribus vel alijs subterraneis locis conditæ, per fenestram inspicere, inde autem sine licentia nostra minime extrahi, & auferri.

Reliquiæ porro nudæ nunquam, sed in decoris vasculis,

culis, velo contextæ sub Cryſtallo pellucida, ſue ſtatuſ collocatę exponantur, dato pridie cum omnibus campanis ſigno, ſi tamen à nobis, vel à prædeceſſoribus noſtris probatę fuerint, ac recognitę.

Clathrjs ferreis, ſub duabus firmis clauibus cuſtodiantur, quarum altera apud Rectorem Eccleſiæ, altera penes Vniuerſitatem, ſeu alium, arbitrio noſtro permaneat.

Omnino autem in Tabernaculo Sanctiſſimi Sacramenti non aſſeruentur.

Quoties producuntur, duo ſaltem Cerei luceant, non tamen paſſim oſtendântur, non omnibus feſtis diebus, ſed ſolemnibus, & præſertim eo die, qui dicatus eſt in honorem illius Sancti.

Ab eis efferantur; qui in Eccleſia Sacerdotalis dignitatis locum obtinebunt. Hymni cantentur, dum proferuntur, & Antiphonæ, & poſtremo loco, Orationes ipsis Sanctis, quorum ſunt reliquię congruentes,

Ipla quoquẽ die officium duplex celebrari poterit de Sancto, cuius eſt reliquiã, dummodo ſit inſignis, nimirum corpus, caput, brachium, crus, aut ea pars, in qua paſſus eſt, ſi Martyris.

Incertas autem, vel nouiter deductas, & repertas reliquias, nullus etiam exemptus, vel Regularis, niſi à Nobis examinatas ad præſcriptũ S. Concilij Tridentini Populo colendas proponat.

Item præcipimus, ne quis reliquias ab vno in alium locum transferat, niſi ſcriptam eius rei facultatem à nobis acceperit.

E' suis Receptaculis, vbi sunt reconditæ, minimè amoueantur, & multo minus huc, & illuc etiam ad Infirmos deferantur, sine eadem nostra licentia.

Et si quando ab vna in aliam Urbem, vel ab vna in aliam Ecclesiam corpora Sanctorum, & Reliquiæ, præsertim insignes transferendæ erunt, non nisi celebri pompa id fiat, ex antiquissimo Ecclesiæ instituto.

Processiones tamen in reliquijs exponendis minimè fiant, & quæstus omnes arceantur.

Laici procul ab ijs maneant, neque eas audeant contrectare, cuiusuis sint ordinis, & conditionis.

DE SACRIS IMAGINIBVS.

EX oriente Ecclesia Sacrarum Imaginum cultus, & veneratio frequentissima fuit, sic tamen, vt non ad ipsam Imaginem, sed ad ipsum, cuius est Imago, veluti ad prototypum perpetuo relata fuerit.

Quæ nimirum de vanis simulacris suis infani sibi effixerint Idolatræ; Catholica merito damnavit Ecclesia, gesta tamen Sanctorum, religionisquæ nostræ mysteria, hominum oculis subijci concessit, vt imitandi studium fidelium in pectore facilius excitaret, præcipuaquæ redemptionis nostræ opera intuentibus obijciens, eorundem in animis firmiorem adstrueret eruditionem. Vt deniquæ homines, Cælestibus victi beneficijs, miraculis saturati, Deum effectorem vniuersorum agnoscerent, qui Sanctos suos voluit gloria decorare, ac per illos magis gloriosum se reddere.

Coercenda est quidem nonnullorum, vel simplicitas, vel audacia, qui pro libito quamlibet Imaginem in Ecclesia ponere audent. Nos enim Tridentini Concilij Decretis, parentes, mandamus ne quis in Ecclesia aliqua, etiã exempta, aut vlllo alio loco insolitam, nouamquẽ tabulam, vel Imaginem, nisi auctoritate nostra retineat, vel apponat.

Imago quæquẽ Sacra, vel sculptile simulacrum non antea in Ecclesia exponantur, quàm à nobis benedicta fuerint; multo minus extra Ecclesiam deferantur solemnialiqua Pompa

Tunc autem illius Ecclesiæ Rector, vel alius superior edocebit Populum, quæ Sacrosancta Synodus in hanc rem edocenda proponit.

Imago Crucis humi nullo modo ponatur, & multo minus, inter loca infima, & sordida pingatur, sub pœnis arbitrio nostro.

Concedimus tamen, vt Crucis Imago lapidea, vel lignea erigatur, vbi triuia sunt frequentiora.

Demum abstineant omnes à prophanis imaginibus, publicè in Ecclesia, vel locis Sacris exponendis, multoque magis si tales Imagines ad lasciuiam, aut peccatum prouocare possent, sub pœnis arbitrio. Has easdem turpes, & obscenas Imagines huius omnes à suis domibus amouere cureat.

Imagines in Altaribus, vel parietibus Ecclesiarum nequẽ pingantur, neq; exculvantur, nisi Nos, aut Vicarius noster Generaliscarum saltem in papyro typum prius inspexerimus; Quæ autem Imagines
ad

ad peccatum excitare possunt, nullo modo effingantur, vel pingantur, sub ponis arbitrio nostro irrogandis.

Nullus Ecclesiasticus superior etiam exemptus in sua Ecclesia votivas tabellas appendi, arculas quæstuosas apponi, cereos accendi ad Imagines, easquæ ad infirmos sub quouis prætextu deferri permittat, sin secus arbitrio nostro puniatur.

DE FESTIS DIEBUS CVSTODIENDIS.

Festorum dierum cultum, in Dei Optimi Maximi, Sanctorumque suorum honorem Catholica instituit Ecclesia, malæ autem consuetudinis corruptela, ab hominibus (contrarijs, plerumquæ rebus) nefariè violatur.

Sed veh illis, qui festos dies non custodientes, dixerunt in corde suo.

Quiescere faciamus omnes dies festos Dei à terra.

Sanè enim, qui festos dies sceleribus, vel prophanis rebus maculant, sinè vllò vindice ruinis maximis, & calamitatibus exponuntur.

Nos igitur, nè muneri Nostro Pastoralis in re tanta deesse videamur, ex veterum Patrum traditione, Sacrorumquæ Conciliorum iussis, & autoritate, Summorumq; Pontificum pro tempore Constitutionibus statuimus, atquæ edicimus, ne festis diebus, quicquam seruilis operis fiat, sed omnes in templa conueniant,

niant, ac piè Diuinis Officijs operentur, sintquè sibi mutuo exemplo ad colendum Deum, & propitium habendum, vt qui Christiana gaudent nuncupatione, consonantia etiam opera agere videantur.

Monentes porrò omnes, vt diebus festis Sacro, Diuinisquè Officijs piè incumbant, nequè ethnicorum exemplo vanis, & ludicris rebus dent operam.

Urgeant autem valde Parochi, vt in festo Beati Martini Episcopi, nec non Kalendis Ianuarij, Maij, & Augusti inania, & turpia solatia remoueantur.

Saltationes, ebrietates, ludi, & cætera deprauati vsus, aut quæ peccandi materiam, & occasionem præbere solent, penitus reiiciantur.

Circulatores omnes, & Histriones prohibemus præcæteris, diebus festis, scamna maxime in conspectu Ecclesiarum conscendere, & maximè tempore quo Diuina Officia celebrantur.

Nihil ematur, aut vendatur, præter id, quod ad victum illius diei, seu ad infirmos, vel iter agentes pertinet, Certa tamen hora, & aliæ Regulæ à Nobis populi indigentia consulentibus præscriptæ seruentur.

Tonfores præcipuè, Pistores, Sutores, Calcearij, & similes à suis se abstineant exercitijs.

Exceptos tamen volumus Tonfores, & Aromatarios, si quæ tamen eorum opera infirmis debeatur.

Coloni, Bubulei, & quilibet Agricultores, boues aratro ad seruire opus ne iungant, aut curribus; segetes, aut faenum, vuas, alieque Terræ fructus minimè colli.

colligant, aut asportent, nisi necessitas aut periculum ne pereant, vel pietas aliter suadeat arbitrio nostro, seu Vicarij nostri Generalis.

Et quia abusu quodam introductum comperimus, in nonnullis Nostrę Diœcesis Locis, sub Kalendis Martij, commestationes, ebrietates, tripudia, & inanes obscœnasquę vociferationes exerceri. Nos qui huic scandalo mederi volumus, & Mulierum honestati cōsulere, nec non quę Paganorum mores redolent omninò remouere, prohibemus, ne quis impoſterum audeat talia committere, sub pœnis carceris, & alijs grauioribus arbitrio, & in subsidium etiam Interdicti. Pro quorum executione Parochis iubemus, vt in casu inobedientię trāsgressores ad Nos fideliter deferāt.

Et vt pietatem Populi Nobis commissi in dies augeri constet, in maiori hebdomada diem Cænæ Domini festum, ac solemnem (vt iam cæptum est) celebrari laudamus, quo, scilicet, tempore, Christus Dominus (ab humana licet morti traditus prodicione) hominibus tamen clarissimam Sacri sui Corporis, & Sanguinis mensam præ nimia charitate voluit instruere.

DE IEIUNIO, ET QVADRAGESIMA.

A Nimis certè æquę, ac corporibus salubriter prodest ieiunium. Hoc Christus Dominus exemplo suo nobis tradidit, & commendauit, & subinde ab Ecclesiæ exordijs sancta quadam consuetudine sancitum est, atquę imperatum.

Ita-

Itaque ut Parochi huius Sanctæ obseruantia virtutem in suorum fidelium animis valeant inferere, nos, quæ sequuntur, præcipere censuimus.

Quolibet die festo, iisdem Parochi subsequens ieiunium Populo indicare, & imperare debent, iuxta Sanctum Ecclesiæ præceptum.

Imminente præsertim quadragesimali tempore vim præcepti repetant, & aperiant,

Doceant ieiunij tempore ab omni carnis genere, & ab omnibus, quæ à carne gignuntur, illecebris abstinendum esse.

Non dies modo, sed dierum tempora seruanda, ita ut non nisi semel, & circa meridiem cibus capiatur, isquæ simplex, & moderatus, & ab omnibus gulæ irritamenti remotus ad sustentandum corpus, non ad explendum.

Vespere quoque si cibi, aut vini aliquid prandio adijcere velint, parcè admodum, & tenuiter supplendum esse.

Instruant omnes, Quadragesimæ diebus omnibus etiam festis, exceptis Dominicis, ieiunandum esse.

Animaduertant ad sonum Campanæ maioris pulsatae ad mediam noctem postremi diei Bacchanalium ieiunium incipere, ut post signum illud, à vetitis cibis sit omninò abstinendum.

Non obliuiscantur quatuor anni temporibus Populum inducere ad ieiunandum, Deumquæ etiam deprecandum pro ijs, qui eo tempore Sacris initiandi erunt, nec non ad agendum Deo gratias pro commodis,

dis, quæ vertente anno Diuina assequimur benignitate.

Demonstrent summopere à prohibitis non tantum cibis temperandum, sed etiam à culpis, & peccatis, ideo appetitum rationi subiiciendum, malas premedas cupiditates, voluptates frændas, pietatis, & misericordiæ officia exercenda.


Animi ergo, & corporis imperent ieiunium, & cui-libet dicant, cum Diuo Bernardo.

Totus Ieiuna, quia totus peccasti.

Qui valetudine à ieiunij religione excluduntur, doleant saltem, nec suo exemplo quempiam ad violandam ieiunij legem prouocent, imo seorsum à ieiunantibus cibum capiant.

Nullus ieiunij adstrictus legibus audeat se ipsum eximere suo proprio iudicio, sed sui Parochi, aut Confessarij sententiam sequatur, habito etiam Medici Corporalis testimonio, vbi id haberi commodè poterit.

Atqui cum iam hac de re edicta à Nobis emanauerint, in quibus plura in Medicos, & Parochos præcepta continentur, quæ iam, Deo dante, in viridi manent obseruantia, ea cuncta hic pro repetitis haberi volumus, & omnino huius etiam Synodi Nostræ auctoritate, in futurum inuiolabiliter obseruari.



PARS SECVNDA

DE

SACRAMENTO BAPTISMI.



DE Sacramentorum Ecclesiæ dignitate, ac virtute non est, quod cum fidelibus Nostreis multum agatur, aut ad illorum memoriam quidpiam reuocetur, norunt siquidem omnes, ut opinamur, ea ex pretiosissimo Christi Domini latere profluxisse, eorumquè omnem vim ex ipsius venerabili passione prodijisse.

Quanto porrò noua ab antiquæ legis Sacramentis differant, quantoquè maiorem virtutem, & gratiam in se habeant, præstantissimè prosequutum fuit Sacrum Tridentinum Concilium.

Cæterum, sicut Ecclesia digna fuit semper omnium Sacramentorum sedes, ita maximè Baptismi, à cuius fonte salus nostra fluit, & à primordio Natiuitatis contractæ animi nostri sordes abluuntur, & expiantur, à cuius etiam fundamento totius cælestis ædi-

ficij celsitudo sese erigit mirabiliter, & extollit.

Porro Clemens V. in Concilio Viennen. statuit, vt in Ecclesiarum fontibus, non priuatis Aulis, vel domibus, baptizandi officium exerceatur, nisi aut filij Regum baptizandi sint, aut ad Ecclesiam absquè graui periculo deferri baptizandi non possint.

Quoties autem extra Ecclesiam hoc Ministerium obeundum erit; meminerint Parochi, non alibi quam in Sacellis, vel Oratorijs priuatis, si commode fieri possit, peragendum esse.

Si quis ergò Parochus alibi, quàm in Ecclesijs, vbi sunt fontes baptismales, sine iussu nostro baptizauerit, ipso facto à Diuinis suspensionis pœna, non nisi à Nobis relaxanda, se sentiat innodatum.

Parentes quoquè, Nurrices, seu alij quicumquè, ad quos cura baptizandi pertinet, sub pœna excommunicationis vltra dies octo non differant baptismum eius, qui natus est, nisi infanti vitæ periculum imminet, tunc enim Domi baptizari, (seruatis seruandis) omninò iniungimus, qui si conualuerit ad Ecclesiam deferatur pro Catechismo.

Caueant præcæteris Obstetrices, nè baptizandi munus, vbi permissum est, exerceant, nisi prius à Parochis edoctæ, sapiusquè probatæ fuerint, & à Nobis, vel Vicario Generali facultatem scriptam retulerint gratisconcedendam.

Sed cum ad Ecclesiam Infans adducitur, & cum licet, extra Ecclesiam baptizatus asseritur. Volumus, Parochum ab ipsamet Obstetrice, vel alijs diligenter

in-

inquirere, quæ verba, & qui actus singillatim adhibiti fuerint, vt exinde de veritate Sacramenti iudicari possit.

Ad hæc quàmuis Parochos Nostros satis instructos in ministrandis Sacramentis existimemus, non ab re tamen fore putamus, si nonnulla obseruanda commemoremus.

In primis, vt Baptizans verba formæ consuetæ distinctè proferat cum intentione efficiendi, quod Sancta tradidit Ecclesia.

Vt exactè notet, an quid superstitiosum baptizandi corpori adiectum fuerit, eodemquè temporis momento, quo aquam infundit, verba pronuntiet.

Vt baptizando nedum capillos, sed cutem abluat.

Vt humanum Monstrum figuram non exprimens hominis minimè admittat.

Quod si dubium oriretur, an rationem haberet, seu an viuens, sub conditione baptizetur, dicendo.

Si homo. Si viuens. Ego te baptizo.

Pariter si quis deferat plura capita humana, pluràquè pectora habeat, singulis capitibus aqua fundatur, eadem forma singulis repetita:

Et si capita, aut pectora non secernantur, vno absolute, ac rite baptizato, super alio quoquè aqua effundatur sub conditione.

Si homo, & non baptizatus. Ego te baptizo.

Histamen, & similibus portentis Nos priùs consulant, nisi periculum mortis aliud suadeat.

Vas, & labrum Bapt. smi, vel marmoreum, vel æneū sit,

fit, stanno intus illitum, habeatquè intermedium eiusdem materiæ, itaut in vna parte iugiter asseruetur aqua infundenda, in aliam recidat infusa, & per fistulam defluat in Sacrarium. Aqua illius quolibet saltem anno renouetur, si ob aliquam causam bis, Sabbatho nimirum Sancto, & in Vigilia Pentecostes, id fieri nequeat quolibet veid mense expurgetur à sordibus, quas aqua solet contrahere.

Locus Baptismi, cancellis aditum prohibentibus, sit circumseptus.

Vasa, quæ Sacris Oleis continendis sunt destinata, argentes sint, vel stannea, locisque distinctis seiuncta, & ne per errorem commutentur, vnumquodquè Vas perspicuis characteribus indicet, quale sit oleum, quod continet.

Aqua infusa capiti, non recidat in fontem, sed aut in Sacrarium per fistulam, aut in peluim ad vsum hunc destinatam statim in idem Sacrarium proijcienda.

Non alius seruetur vsus, quam laudabilis huius Diœcesis, baptizandi per infusionem aquæ.

Et quoniam ex antiquo Ecclesiæ instituto Patrini, ac Susceptores adhibentur, eos non minores annis quattuordecim esse volumus gnaros earum rerum, quæ Christianum hominem decent, & tales, qui vitam cū honestate traducant.

Si quis autem Sacerdos homines publicè ac notoriè criminosos, aut infamia notatos, ad hoc Ministerium admiserit, sciat se grauissimis pænis à Nobis fore afficiendum.

Post

Post baptismum non deponantur vlllo pacto baptizati super Altare, vt oblationibus, seu eleemosinis quodammodo redimantur, sub pænis arbitrio.

Non ignorent Patrini vtriusquè sexus eam in Baptismo contrahi Spiritualem cognationem, qua impediatur inter eos matrimonium, & cum eo quem de Sacro fonte leuauerint. Sicut enim (inquit Diuus Thomas) per carnalem propagationem homo accepit esse naturæ, ita per Sacramentum accepit esse spirituale gratiæ, & sicut vinculum, quod excarnis propagatione contrahitur, est homini naturale, in quantum est res quædam naturæ, ita vinculum, quod contrahitur ex Sacramentorum susceptione, est aliquo modo naturale alicui, in quantum est membrum Ecclesiæ.

Plures Patrini, aut Susceptores in Baptismo non admittantur, sed vnus tantum, siuè vir, siuè fæmina, vel duo ad summum, vir, scilicet, & mulier. Masculi inermes accedant, vtriquè sine vlla pompa, sine vlllo apparatu, ne quod verbis ædificant, Infantum nomine Diaboli pompis renunciare profitentes re ipsa euertere videantur.

Cerei cum Infante ad Baptismum ornati non deferantur, sed delati Sacro ritu inflammentur, & ad Ecclesiæ vsum à Baptizante retineantur, quod & de linteolis, qui abstergendo Infantum Capiti adhibentur, dictum volumus. Sale, quod ad vsum Sacri Baptismi in Ecclesia retineri iubemus, vtatur Parochus baptizans, reiecto deforis illato, neque alijs illud commodet.

Ethni-

Ethnicorum, & damnatorum nomina baptizandis imponi nullo modo permittat, & sinat.

Sacerdotes baptizantes curent Sanctorum nominibus vocari baptizandos, ut inde ad vitæ sanctitatem alliciantur.

Habeat Parochus proprium librum, in quo nomina, & cognomina Baptizatorum, Parentum, ac susceptorum describantur iuxta Constitutiones à Prædecessoribus Nostreis promulgatas, & Decreta Nostra, in Visitatione præsertim Edita.

DE SACRAMENTO CONFIRMATIONIS.

Sicut ex gemino liquore, oleo scilicet, & balsamo materia constat Sacramenti confirmationis, quæ ab Episcopo solemniter ritu consecrata, Chrisma appellatur, ita in olei pinguedine plenitudinem gratiæ, quæ a Christi capite in alios fluit, ac redundat, agnoscimus, & in balsami odore iucundissimo virtutum suauitatem ex Sacramento egredientium, imputrescentisque gratiæ donum.

In superliminari verò fronte, videlicet domus nostræ terrestri, Sacri huius Chrimatis imprimit vnctionem, Consecrata manus Episcopi; qui tanti mysterij est minister, super cuius caput (ait Petrus Damianus) fusum est vnctionis oleum, & cuius ditioni subditur Sacerdotalis multitudo.

Hoc itaque Sacramento nouo cūmulantur homines beneficio, ut in Christianam militiam adscripti, for-

fortiter armati, firmitus suis hostibus obstant, faciliusquè pro fide pericula subire possint, imo etiam gaudentes, pro nomine Iesu contumeliam pati.

Hinc fronti Crucis signum imprimitur, ut quæ pudoris est sedes, sit etiam fortitudinis.

Hinc maxilla ceditur, ut infracto animo in malorum Demonum, hominumquè conflictu fideles perdurent, ut visibiles inimicos etiam diligere assuescant.

Intelligentquè à Christiano milite, pietatis non furoris arma esse tractanda sub eo Duce, qui palmis faciem non negavit, & pro se crucifigentibus Deum Patrem exoravit.

Ita in Baptismate, spiritus datur ad veniam, in confirmatione ad pugnam; ibi mundamur ab iniquitatibus, hic virtutibus præmunimur.

Verum ubi Sanctum hoc Sacramentum suscipiendum erit; proposito Edicto, dies, locusquè statuendus erit, ut convenire populus possit. Tum Parochus quisquè suum gregem de ea re admonēbit, & de ipsius Sacramenti vi, & ratione edisseret.

Et si ab exteris, seu aduenis, qui in Diœcesi domicilium non habuerint, confirmatio petatur, Parochi de illorum moribus, ætate, ac alijs necessarijs prius certiores reddantur, & an aliàs fuerint confirmati.

Et quamquam nulla ætas à suscipiendo hoc Sacramento excludatur, tamen usu recto receptum est, ut annus septimus expectetur, quod si adultiore ætate quis ad illud accesserit, convenit, ut prius per confes-

sionem , ac penitentiam à peccatis expietur .

Verum si ab ægrotis expetatur , intelligant Nos benignè illos inuisuros , & qua decet charitate hoc Sacramento confirmaturos .

Confirmandi , vt animo , sic corpore mundo , & curato , nullo cultu ornati , sed simplici , armisque depositis adulti ad confirmationem accedant .

Fæminæ quoquè cincinnos tollant , & ab ornamentis abstineant .

Omnes caput mudent , crinesquè à fronte remoueant .

Patrini aduocentur , iuxta Sanctum Ecclesiæ institutum , sic tamen vt nec fæminis mares , nec maribus fæminæ officium præstent .

Nullus præsentet plures , quam vnum , aut alterum , & non sit patrinus in confirmatione is , qui tenuit eundem in Baptismo .

Quem Episcopo confirmandum obtulerint , dexteram manum dextro eius humero imponant , nec dimittant prius , quam à Sacerdote frons absterfa fuerit , & à Clerico in Sacris , abluta .

Arma & ipsi Patrini deponant , nec suscepti munera præbeant .

Intelligant omnes , spiritali cognatione iungi , quemadmodum fit in Baptismo .

Post susceptum Sacramentum , Confirmati , non nisi data solemnî benedictione discedant .

Describantur deniquè nomina , & cognomina Confirmatorum , & parentum eorum , nec non Patrinorum

in li-

in libro apud Parochum seruando.

Patres familias quoquē liberorum, & familiarium, qui confirmabuntur, nomina, & cognomina, diemq; Confirmationis describant.

DE SACRAMENTO EVCHARISTIÆ.

Quemadmodum ex omnibus Iesu Christi Domini misterijs, & adiumentis, quæ ad huius mortalis vitæ præsidium, & æternæ beatitudinem consequendam reliquit, nullum cum Sancto Eucharistiæ Sacramento, aut dignitate, aut fructu conferendum est, ita nulla dicendi facundia, aut eius virtus prædicari, aut celsitudo explicari potest.

Sufficiat autem sub fide, ac silentio vnumquemque recogitare, hoc esse maximum illud, & excelsum Christi corporis donum, in quo Deus se totum integrè nobis tradidit, vt in nobis in totum permaneret, in quo est tota Dei plenitudo, & saturitas, ex quo nutritus homo, non in se manet, sed in Deo, & quasi exutus hominem se transfert in Deum, in quo & Angeli sua ol sequia, & Deus sua omnia posuit beneficia, in quo deniquè, quod solis Angelis concessum videri poterat, id nobis etiam insigni liberalitate donatum agnoscimus, vt conuiuiamus cum Christo, non solum in præsens animæ gaudium, & alimentum, sed in pignus futuræ gloriæ.

In hoc conficiendo Sacramento, quamuis gemina consecratio panis scilicet, & vini, à Sacerdote adhi-

beaturn, quia sic Domini passio magis exprimitur, per quam, & diuifus à corpore fanguis exiuit, tamen vetuftiffima Ecclefie confuetudine receptum eft, Laicis fub fpecie panis tantum miniftrari, fic enim, & periculum (præmultitudine) effundendi fanguinis, euitatur, & illorum hærefis reuincitur, qui totum eſſe fub folius panis fpecie Chriſtum negabant.

Verum vt Populus commodè, & condignè hoc Sacramento potiatur; die Paſchæ, atquè alijs celebrioribus feſtis, oblonga ſcamna à Parochis extendantur, lineis velis, mundisquè mappis contecta ad quæ quiſquè genibus conſiſtere poſſit.

Si fortè Epifcopus Sacro illo munere fungatur, ſinguli prius eius porrectam manum oſculentur, quam hoſtiam ſumant. Sacerdos ſuperpellicio, ac ſtola indutus ſit, Clerici ſeruientes ſuperpellicio. Cereæ faces duæ ſaltem ardeant.

Ambitu expleto, aſcendat ad Altare Sacerdos, & ad Populum conuerſus, quibus miniftrauit benedicat, vt in Rituali Romano.

Quoties Euchariſtia præbenda erit Eccleſiaſticis, prope Altare magis quam laicis miniftratur.

Omnes pariter ſuperpellicio induantur, & Sacerdotes ſtolam præterea adhibeant.

Nemo item accedat ad hoc Sacramentum peccati mortiferi conſcius, & non niſi aliqua ante expleta oratione, vel meditatione Sacra.

Nullus aut gladio ſuccinctus, aut telo, ferroquè armatus.

Viri

Viri omnem ornatum, & cultum; fœminæ fucos suos, & calamistram abijciant, velatum sicillorum pectus, velatum caput, nullæ aliæ in eis appareant vniões, torques, aut lapilli, quam munditiæ, deuotionis, ac modestiæ per omnia ad religionem compositi.

Fœminis etiam seorsum à viris, si commodè fieri potest, ministretur.

Nec pueri admittantur, nisi expleuerint annum duodecimum, saluo tamen Parochi, vel Confessarij arbitrio, spectato cuiusquæ ingenio, captu ac pietate.

Excommunicatis denunciatis, aut notorijs percussoribus Clericorum, Meretricibus, Concupinarijs, Blasphemis, alijsquæ palam per scelera cum scandalo vitam traducentibus denegetur.

Ad hæc vnusquisque, sub pœnis à iure sancitis in sua Parochiali Ecclesia quolibet anno à Dominica Palmarum, vsquæ ad Dominicam in Albis inclusiue Sanctam sumat Eucharistiam.

Et quidem ieiunus à dimidia anteceditis noctis, nisi lethalis morbi vis vrgeat.

Satis enim panis hic, si dignè manducetur impinguat, non ventrem, sed mentem.

Pereat physicale nutrimentum (ait D. Bernardus) cibus iste non est ventris, sed mentis, qui nescit putrescere, tendensquæ in excelsum, illuc reducit hominem, vnde traxit imaginem.

Abstet etiam, vt aliquis refugiat Sanctum hoc Sacramenti ferculum, vno hoc scilicet clarissimo inditio extremam ruinam sibi potest auspicari.

Talis siquidem abſtinentia læthalis.

Qui autem recumbit cum Domino in hac cæleſti menſa, viuet in æternum.

Præterea vt omnis in re tanta diligentia adhibeatur, volumus Parochos ſingulis annis Paſchate imminente, domos ſuæ Parochiæ circum ire, vultumquæ ſui pecoris agnoſcere, ſtatumquæ animarum perſpicere, nec non aptos ad confeſſionem, & communionem deſcribere, peractaquæ communionem ſchedulam impreſſam tituli Parochialis Eccleſiæ vniciquæ conſignare.

Caueant autem Regulares, ne ipſo Dominicæ Reſurrectionis die, pro adimplendo Eccleſiæ præcepto, Sacramentum miniſtrent, niſi Eccleſia iunctam habeat curam animarum, ex Decreto Sacræ Congregationis Concilij, Tunc verò Regularis Parochus, quæ ſuperius relata ſunt præſtet.

Nullus quoquæ, ſiue Sæcularis, ſiue Regularis palam exponat Sacramentum extra Tabernaculum, etiã ob cauſam publicam, ſine licentia noſtra.

Non ſeruetur in aliqua Eccleſia, vel Oratorio extra Parochiales, niſi de licentia S. Pontificis.

Si fiat concio, Sacramento in Altari expoſito, audiant fideles aperto capite, & Sacramentum velo tegatur.

Ad hæc fideles omnes poſt ſuſceptum Sacramentũ ad menſam minimè feſtinent, ſed piè, gratoquæ animo ſpatium ſibi ſumant ad recolendam tanti beneficii magnitudinem.

Non

Non prætereat amor Diuinus, ne Diuina quoque largitas deficiat, teneat anima, quem dilexit, & adhuc diligat, vt possit tenere.

Denique Parochus in hoc Sacro ministerio omnis sordidæ cupiditatis suspicionem euitabit; peluiculas minimè proponat, nec locum aliquem elemosine præparet, itaut his veluti tacitis monitionibus, populus ad stipem conferendam inuitetur.

Redemit nos Deus sine auro, & argento in sanguine suo, & vnus Amoris erga nos studio admiranda, clementia, & liberalitate, Sanctissimi corporis sui cibum & potum, in eoque omnia nobis donauit.

Cum hoc Sacramentum ad ægrotos deferendū fuerit, ipsemet Parochus ad eosdem visendum moram sibi non faciat, & decuranda anima, vt inde salus corporis redeat, prudenter, & suauiter agat, & si periculose, ac præcipiti spe laborantem inuenerit, vt humanis curis posthabitis, vel quamprimum peractis, ad celestium cogitationem se totum conuertat, admonebit.

Tunc penitentiae Sacramento diligenter expiatum ab omnibus peccatis etiā reseruatis, & ab Ecclesiasticis censuris absoluat, fide tamen accepta, si conualuerit, quod debet, impleturum, eoque aditurum quibus censuræ sunt reseruata.

Deinde pia oratione ægrum soletur, horteturque, vt ad Sanctissimum Sacramentum suscipiendum se ipsum comparer, vt salutari viatico instructus ad eternam patriam, prosperum iter perficiat.

Atque inde ad eum animo adhunc modum præparato

rato Sanctam Eucharistiam afferat.

Adsit autem omninò umbella cum luminibus, campanula pulsetur.

Et ipse Sacerdos saltem in Ciuitate, adhibeat pluuiale.

Duæ ferantur particulæ, altera pro reditu, nisi loci distantia, aut alia causa aliud suadeat.

Non deferatur ad ægrotos Sacramentum, vt adorent tantum.

Domestici curent Domum apparari, vel Saltem cubiculum, vbi Infirmus decumbit, omni forde, ac prophanis imaginibus ablatis.

Familia, cum luminibus adueniente Sacramento occurrat, illudquè venerata, antecedat, postea Sacerdos domum ingressus, corporali in mensa explicato, ac deposita Pixide, Sacram hostiam præuijs precibus præbeat ægro, & consuetis postea habitis orationibus eodem ordine, quo venerat, ad Ecclesiam reuertatur.

Ad hæc hortamur Sodales Societatis Corporis Christi, & fideles omnes, præsertimquè nobiles viros, vtpulsata Campana ad obsequia erga tantum Sacramentum properent aperto capite, & cum accensis luminibus (si fieri poterit)

Qui equo, vel Rheda vehuntur, statim viso Sacramento desiliant, & sequantur, vel saltem procumbant genibus, donec Sacerdos præterierit.

Tandem vt omnia, quæ ad hoc Diuinum Sacramentum pertinent attingamus, in quacumque Ecclesia

ſia Parochiali, volumus Euchariftiam aſſiduè ſeruari in aurea, vel argentea Pixide intus deaurata.

E regione colluceat perpetuò Lychnus ex oleo puriſſimo alendus.

Præter Pixidem Tabernaculum aliud geſtatorium habeat, quod exponendæ Sacræ hoſtiæ uſui inferuiat pellucido, & nitido vitro circumdatum.

Eccleſiæ Tabernaculum panno ſerico veſtiatur ritu Romano.

Clauis ſit penes Rectorem tantum.

Ibi nihil aliud aſſeruetur.

Renouentur particulæ octauo quoq; die Æſtate, Hyeme verò xv, & quinquè ſaltem ſint in Pixide, non plures decem.

Eo anni die, quo ſolemnitas Sacramenti huius ab Eccleſia Vniuerſa celebratur, vt omnes aliqua iuſta cauſa non impediti Sacris proceſſionibus interſint pij, deuoti, humiles, ex intimis præcordijs hortamur.

Prophanæ fabulæ, & imagines, ac ludrica omnia nitroſi pulueris præſertim, eo die, ac tempore pænitus omittantur.

Ornentur verò viæ omnes auſeis, & tapetis decentibus, floribusque aſpergantur, Pannis coeſtenſis ſuperiora contegantur, vbi id fieri comode poterit.

DE SACRIFICIO MISSÆ

IN qua nocte tradebatur Dominus Noſter Ieſus Chriſtus, accepit panem, & gratias agens, fregit,
F & di-

& dixit: accipite & manducate, hoc est Corpus meū, quod pro vobis tradetur, hoc facite in meam commemorationem.

Hoc igitur est mysterium fidei, & amoris, quod subobscurè, ac veluti inter tenebras comprehenditur suis quamquam irradians nitoribus.

Porro sicuti tantum Sacrificium ad lenitatem, & misericordiam Dei flectendam, & ad memoriam antea Passionis Domini seruandam necessarium fuit, sic, & Sacri Ordinis institutum; ne decissent ministri, qui illud ritè, castequè perficerent, sine quibus peragi non potest.

Hęc Sacerdotum ita eminent dignitas, vt quod nulli Regum, nulli mortalium, nulli Angelici Ordinis creaturæ consecrandi & offerendi Diuinam Hostiam ius datur, id ijs tantum concedatur.

Et si quis forte eò insanix & audaciæ perueniat, vt minimè promotus missam celebret, dummodo vigesimum ætatis annum compleuerit, Curix sæculari traditus subijciatur pænis inflictis à varijs Summorum Pontificum Constitutionibus, ac præsertim Sanctissimi Domini Nostri Urbani Octauii.

Ex hoc etiam recogitent Sacerdotes suę dignitatis, & nobilitatis speciem, & ad hanc cælestem mensam vocati, omni ignobilitate culpæ, sordiumquè, ac luctri deposita, summo honore, ingentiquè gloria se candidatos agnoscant (iuxta illud Apostoli) seminatur in ignobilitate, surget in gloria, (& benè Diuus Hieronymus) comedentes, & bibentes Corpus, & Sanguinem

nem

nem Christi vertuntur in Principes Ecclesiæ.

Videant hinc quoque, qua charitate, fide, & solertia Sacerdotis munus subire debeant, caueantquæ, ne in eis impleatur Prophetæ dictum. Sacerdotes contaminant sancta, reprobant legem. Vnde mereantur Dominum indignatum audire. Vos Sacerdotes, qui fallitis Nomen meum offerentes ad Altare meum panem pollutum.

Ad tanti igitur officij explicandas partes manum plenam admouentes, ne Pastoralis nostro muneri in re maximi momenti defuisse videamur.

Præstare non parum iudicamus, vt antequam Sacerdos ad hoc magnum conuiuium accedat, sacra se, prius expiet confessione, quod peccatorum mortalium reo necessarium est, necesse est enim (inquit Diuus Gregorius) vt cum hæc agimus, Nos metipsos Deo in cordis contritione mactemus, quia, qui Passionis Dominicæ mysteria celebramus, quod agimus, imitari debemus.

Sciant autem fideles, nihil obesse Sacramentorum virtuti, Sacerdotis improbitatem. Absit hoc à fide Catholica (ait Diuus Ciprianus) Vna nobis fides, vnus Dominus, per quemcumquæ fiat, idem semper est Sacramentum, suumquæ Dei Omnipotentia retinet effectum. Nequæ enim gloriamur in Paulo, sed in Cruce Domini Nostri Iesu Christi, cuius virtus omnia peragit Sacramenta. aliud est, baptizari per ministerium, aliud per potestatem. Baptisma tale est, qualis est ille, in cuius potestate datur. Obsunt quidem

acrSamenta indignè tractantibus, profunt tamen semper dignè sumentibus.

Expiatis peccatis, corporis etiam curam habeat, vt cultum, & munditiam exterius referat.

Caueat autem præcipue, vt manus sint lotæ, & purgatæ, nè lutulenti sint calcei, vt vestis ad talos vsquè dimittatur, vt ieiunus ad sacrificandum accedat iuxta Sanctum Ecclesiæ præceptum.

Deponat annulum, quicumquè ille sit, siue Doctor, siue Canonicus, siue Prothonotarius Apostolicus.

A' Pileolo quoquè abstineat, nisi à Summo Pontifice facultatem obtinuerit, & tunc deponat à consecratione vsque ad sumptionem sanguinis.

Deinde Sacerdotalibus vestibus, non ad Altare, sed in Sacristia congruenter, & decore corpori aptatis, modesto cultu, incessu graui exeat ad celebrandum, & ad Altare perueniens, missam ea, qua decet, actionis grauitate, & religione celebret, memor semper, nullum esse cultum, nullum ritum, qui non aliqua recolendæ vitæ, & Passionis Christi mysteria referat.

Nunquam autem obliuiscatur in ea esse mente, & voluntate, vt id agere, & conficere velit, quod Ecclesia agi, & confici instituit.

In consecrando autem præfertim eius debet esse consilij, vt illum panem, illudquè vinum in verum Christi Corpus, & in verum sanguinem vertat, eodem prorsus modo, quo Dominus Iesus nobili illa, ac suprema Cæna vertit, & præbuit Discipulis suis.

In-

Inter missam quoquē, nec alloquatur aliquem, nec audiat, alio ne oculos auertat, aut mentem; legentem nulla motio capitis, nulla actio, aut volutatio manuum, nullus corporis gestus deformet, nec molestē remoretur, nec verba inuoluat indecorē. Vox non sit elata nimis & concita, sed pressior, sonans grauitē, & religiose.

Et quod ad audientes missam pertinet. Nullus audeat imperio, aut minis Sacrificantem adigere, vt ad Altare consistens, incipiendi Sacri tempus differat, aut ceptum abruptat, hic enim si Clericus fuerit, Ecclesiastici beneficij, si quod habet, fructibus priuetur ad decennium, si non habet, ne habere quidem per quinquennium possit; si laicus, eum statim re ipsa excommunicatum decernimus.

Nemo etiam audeat Sacro interesse, nisi aperto capite; submissis genibus, & cum silentio.

Nullus propius, quam par sit, ad Altare, & Sacerdotem accedat. Nemo contra, ita longe absistat, vt ne audire vocem precantis possit, quasi sacrificio praesens non esset.

Multo minus extra Ecclesiam vel in foribus, nisi necessitate subsistat, & tandem ante minimē discedat, quam Euangelium, quod vltimum pronuntiatur, Sacerdos absoluerit.

Illorum demum morem damnamus, qui procaciter, & irreliciose interfunt huic sacrificio, & non solum colloquijs inanibus, sed ludicris, ac turpibus tempus illud conterunt, quo peccatorū suorum veniam persequere deberent.

Hi

Hi sciant, se Ecclesiæ præceptum non implere, & grauius peccare, & Nos de hoc pessimo hominum genere commonefacti pro iure Nostræ potestatis aduersus eos seuerè animaduertemus.

Præterea interdicti, & notorij Clericorum percussores, Iudæi, & Infideles omnes abire omninò iubeantur & à Sacris discedere.

Sclopis quoquè, & hastis armati procul absint, aut talia arma extra Ecclesiam deponant.

Postremò, quoniam non ignoramus, Sacerdotes quandoquè à celebrando abstinere debere, præcipue eos missam celebrare vetamus, quoties ita se habeant.

Scilicet si Crimine si fuerint, nec priorem vitam nouis correxerint moribus.

Si peregrini fuerint, nec ab Episcopo suo litteras attulerint, & à Vicario Nostro facultatem acceperint, itaut nec in Ecclesijs Regularium celebrare possint.

Similiter, & noui Sacerdotes prius quam de eis Cæremoniarum magister retulerit, quod satis instructi, & versati fuerint.

Volumus autem, vt cuncti, qui Sacerdotes ritè designabuntur, antequam Sacrum fecerint, domi, aut apud probatissimos Religiosos aliquot dies se se piè contineant, totiusq; vitæ labes accurate confessi excutiant.

In Ecclesijs pariter Sanctimonialium nullus celebrabit sine Nostra, aut Vicarij Generalis scripta licentia.

Nec.

Nec pariter in Sacellis, seu Oratorijs priuatorum sine auctoritate Apostolica.

Demum nullus audeat (etiam Regularis) celebrare super Altaribus in aperto constitutis, seu in Claustris, vel alijs locis, ad id a Nobis non deputatis.

Et quod pertinet ad onera celebrationis Missarum, seruentur Decreta Sacre Congregationis Concilij, auctoritate Sanctissimi D. Nostri Urbani Octauj edita, ac promulgata die xi. Iunij 1625.

DE PÆNITENTIÆ SACRAMENTO.

Pænitentia prout est detestatio offensę erga Deum, etiam ante Christi aduentum omnibus necessaria fuit, vt & hodie adultis, qui ante Baptismum grauitur peccarunt.

Sed prout est Sacramentũ à Christo Domino institutum in remissionem peccatorum ad solos fideles pertinet, quos Dominus Iesus Sacro Baptismatis lauacro regenerauit, si postea tamen crimine aliquo contaminati sunt.

Sic multiplex Dei misericordia, humanis voluit lapsibus subuenire, vt mediator Dei, & hominum homo esset, qui nostris sciret calamitatibus compati, suoque iudicio remissionem peccatorum nobis concedere.

Contritus tamen, vel attritus esse debet Pænitens, cum dolore de peccatis præteritis, & cum proposito vitandi futura, itaut habeat odium, & displicentiam pec-

peccati super omnia detestabilis, quatenus illud Divinam offendit Maiestatem, & Bonitatem.

Sic Deus expectat lacrymas, ut tribuat oscula, expectat dolorem, ut profundat pietatem.

Non ad alios, quam ad Episcopos, & Sacerdotes, hoc clauium ministerium extenditur, etiam si peccato mortali teneantur; operantur enim per virtutem Spiritus Sancti, tanquam Christi Ministri, recteque remittendi peccata, functionem exercent.

Hi tamen siue Sæculares, siue Regulares à Nobis examinandi, & approbandi erunt.

Per Litteras, aut per Internuntium à peccatis absentem absolvere non audeant.

Cum ad præsentis examen accedunt, obseruent præ omnibus. an Pœnitens aliquo excommunicationis vinculo constrictus sit, & à quo.

An vere sit contritus, & ad satisfactionem paratus.

An eius peccata sint ex reseruatiss Summo Pontifici, vel Nobis.

Adeuntem non desinant fiducia adiuuare ad sua crimina apertè patefacienda.

Nullum conuictijs abigant, sed Diuinæ Misericordiæ magnitudine animos erigant, & solentur.

Stadeant, ut à corde humiliato, & compuncto confessionem accipiant.

Non ora sonantia, sed cor contritum, & humiliatum Deus non despiciet. In hoc fructu pœnitentia cognoscitur.

Cum Principibus, & Potentatibus suauitatem (si res.

res postulet) cum seueritate misceant, vt per suauitatis oleum minus sentiat vulnus à seueritatis ferro inferendum.

Sic enim Nathanus Dauidem obiurgando sanauit.

Demum auditis omnibus, peccatorum dolorem incutiant, criminum turpitudinem prudenter detegant, omnia animæ vulnera aperiant, satisfactionem rei, vel existimationis alienæ (si res exigat) imponant, & tandem cum absolutione dimittant, imposita prius, iuxta qualitatem culpæ, pænitentia.

Quòd si aliquis videatur ob culparum grauitatem, vel aliam causam idoneam non statim ad perfectam pænitentiam recipiendus, hunc Confessarius blandè soletur in Domino, & hortetur, etiam ad ieiunium, eleemosinas, & alia pietatis opera, vt in viam mereatur redire iustitiæ.

In rudibus, & imperitis audiendis maius studium adhibeant (& multo magis in sæminis) quorum omnium inscitia, & infirmitati, quantum possunt, subueniant, aptatis exhortationibus eos ad confitendum alliciant circumstantias peccati, non tamen curiosè exquirant, loquacitatem comprimant, & tandem demissis ad terram, vel in cælum elatis oculis, auribus solum intentis, patienter confessionem ad finem traducant; Et omninò mulieres nunquam audiant ante ortum, & post occasum solis.

Aliena crimina numquam detegant, sed venenatos peccatorum serpentes occidant, & manducent.

Sed nec audeant ad turpia sollicitare, siuè secum,
G siuè

siuè cum aliis, siuè ante, siuè immediatè post confessionem, aut occasione confessionis, vel extra confessionem, vel in loco confessionis, sub panis inflictiis à Constitutionibus Pij Quarti, & Gregorij Decimiquinti, quarum tenores memoriæ teneant, & rectè custodiant.

Quicumque criminis libidinosi, rapinæ, furti notabilis, abortus, homicidij, atrociorumque delictorum (quod absit) socius fuerit, aut quoquo modo participes, sciat sibi esse interdictum munus audiendi illos, quos habuerit socios culpæ.

Nullas iniungat penitentias, ex quibus ipse lucrum aliquod, vel sui percipere possint, & quoties incertis restitutio esset facienda, rem Nobis deferat, si summa excedat duorum aureorum pretium.

Multo minus applicet sibi pecuniariam penam. Confessionalia affixæ maneanz Bulla, quæ quotannis à Summo Pontifice in die Caræ Domini publicatur, & Tabella Casuum Reservatorum.

Crates eorundem Confessionalium minutim sint perforatæ, & supra scabellum Imago aliqua ad sit Crucifixi, cuius aspectu ad dolorem, & pietatem Penitens excitetur.

Sacerdos sacris vestibus pro cuiuscumq; Ordinis ratione indutus sit, habitu choralis si Regularis, Stola, & superpelliceo, si secularis.

Munera etiam sponte oblata, quantulumcumque sint, non accipiat, vel ante Confessionem, vel in actu Confessionis.

In Domibus priuatis sanos corpore non audiat in confessione, cuiuscunque sint gradus, & prærogatiue.

Si ab infirmis confessiones accipiat, schedulam scriptam in testimonium peractæ confessionis Pæniteni tradat, Parocho, & Medico deinde exhibendam.

Caueat quempiam absoluere ab vilo ex casibus in Bulla in die Cænæ Domini legi solita contentis, vel alijs quomodocumque Sedi Apostolicæ reſeruatis, aut in futurum per Summum Pontificem pro tempore reſeruandis.

Prout nec etiam à casibus, quos Nos hæctenus reſeruauimus, vel reſeruabimus, nullo etiam casu necessitatis, vel impedimenti, nisi in mortis articulo, aut speciali Summi Pontificis, vel Noſtra in casibus Nobis reſeruatis impetrata licentia; sub pœnis de quibus in Decreto Sacræ Congregationis Episcoporum.

Amplius quælibet Parochialis habeat vnum saltem Confessionale in locis conspicuis; Archipresbyteralis, ac Plebana duo; Oratoria priuata nullum, nisi de licentia Noſtra, vel Vicarij Generalis inſcriptis.

Deniquè Confessarij ſeculares interſint lectionibus, & conferentijs Caſuum.

Regulares in ſuis Monasterijs idemmet ſtudium ſedulò exerceant.

Fideles Noſtri Sanctum hoc Pænitentis Sacramentum, veluti ſecundam de naufragio Tabulam arripiant.

Timeant liberati, rursus delinquere.

Nullus sit deterior, quia Deus melior, nec homo peccet, quod Deus ignoscat.

Renouata veluti animi ætate, sedeant cum Angelis super lapide sepulchri, nesciatquè amplius resurrectio senectutem peccati.

CASVS, ET CENSVRÆ RESERVATÆ.

- 1 **B**lasphe-mia quælibet hæreticalis, & non hæreticalis ex consuetudine prolata.
- 2 Adoratio Dæmonis, vel inuocatio eius expressa; Abusus Sacramentorum, vel Sacramentalium, vel rerum Sacrarum, ad magicas artes, vel Veneficia, superstitiones.
- 3 Sodomia actiua, & passiua, nec non bestialitas, etiam non consumata.
- 4 Incestus in primo, vel secundo consanguinitatis, aut in primo affinitatis gradu; & quilibet carnalis contactus cum filia spiritali, etiam suscepta in Baptismo, & Confirmatione; & pariter cum Parochiana habitus à proprio Parocho, seu Capellano, vel œcono-mo, curam animarum exercentibus.
- 5 Homicidium voluntarium quodam mandantes, & exequentes: Abortus de industria factus, vel procuratus, filiorum item suffocatio; si abortus sit foetus animati, adnexam habet excommunicationem à Gregorio XIV. Ordinario reseruata.
- 6 Inobedientia laicorum contra Edi-cti prohibitionem accedentium ad moniales, vel ad iâminas seculares

lares in monasterijs viuentes sine licentia, vel cum licentia subreptitia, aut obreptitia. Eadem verò inobedientia prohibita est sub pœna excommunicationis ipso facto incurrenda à Clericis non existentibus in Sacris; Ab existentibus in Sacris sub pœna suspensionis à Diuinis ipso etiam facto incurrenda, & vtraque specialiter est reseruata; Accessus autem per se, vel per alium, siuè laicorum, siuè Clericorum ad malum finem contra Castitatem quoquo modo exterius manifestatum. Allocutio denique sub quouis prætextu apertis ianuis, vel fenestrellis non habentibus crates, prohibita est sub excommunicatione ab omnibus, siue laicis, siue Clericis contrhenda, ipso facto eodemque modo reseruata.

7 Quælibet carnalis commixtio, etiam non consummata, & quilibet alius turpis contactus cum Iudæis, nec non omnis cum eisdem communicatio in qualibet superstitione.

8 Omissio Notariorum non denunciantium infra tres menses legata pia facta vsquè ad diem huius publicationis. Et negligentia seu mora ea soluendi infra annum. Quoad legata vero pia facienda à die huius publicationis, ea denuncientur infra tres menses, soluanturquè infra annum, sub eadem reseruatione.

Denunciatio autem fiat in Diœcesi extra Ciuitatem coram Vicarijs foraneis, qui eam subinde ad Vicarium Generalem nostrum transmittant in Episcopali Archiuio reponendam, in Ciuitate verò in act s Cancellarij Curia Episcopalis.

9 Acceptio duplicis stipendij, seu eleemosinæ pro vna missa.

DE SACRAMENTO ORDINIS.

Sacramentum ordinis est illud, quo certi homines iuxta Religionem ad Sacerdotium vocati accipiunt potestatem alia conficiendi, atque exequendi Sacramenta, & quod Sacramentorum omnium maximum est, diuinam Hostiam consecrandi, quæ quotidie in catholica immolatur Ecclesia.

Huius Sacramenti instituta à Christo Domino prodixisse Sacræ tradunt scripturæ, cum in celebri illa Cæna, quam postremam Discipulis dedit, eos tradita consecrandi potestate Sacerdotes creauit, à quibus inde in Vniuersos idem ius Sacerdotij propagatum in æternum permanfurum constante fide tenendum est.

At verò, & si ordines septem sint numero, quatuor minores, ac tres maiores, vnum tamen omnes completum sunt Sacramentum, quamuis non vna omnium sit materia, & forma, sed quæ cuique ordini congruit, & aptatur.

Igitur ante statuta tempora ordinibus initiandi, re prius sapienter secum perpenſa, non vi alicuius, non minis, non alieno Imperio subacti, sed sponte sua. Nos adire debent, de quæ sua voluntate, & consilio edocere, exposcentibusquæ nobis animi, atque ingenij rationem reddere.

Præterea in tequam Sacro ordine inſituentur, eos vchementer hortamur, vt generali confessione totius vitæ

maculas eluere studeant.

Et ne ulterius necessaria testimonia vitę, doctrinę, facultatis, ac dispensationis deesse videantur, illa prius Vicario nostro Generali fideliter exhibeant.

Ad hæc Clerici non solum sæculares, sed & Regulares intra Diocesis nostrę fines habitantes Superiorum suorum litteras proferant, manu, signoquę eorundem consignatas, quibus suscipiendi Ordinis datam, potestatem constet, & vitę, doctrinęquę illorum testimonium.

Quod si aliqui ex alienis Diocesisbus aduenerint, dimissorias litteras a suis Episcopis Vicario nostro reddant, quibus, & de iustitate, & de explorata ingenij, morumq; facultate, de patrimonio, si ad eius titulum ordinandi sint, alijsquę necessarijs, ex instituto sacri Tridentini Concilij ratione certior fieri possit.

Regulares afferant præterea testimonium authenticum, quod eorum Episcopus sit absens, vel non habiturus ordinationem, ex Decreto Clem. VIII. S. M.

Item in libello, qui ad ordines promouendos descriptos habet in Cancellaria nostra, sua quisque manu scribens affirmet, se sponte professionem solemnem emisisse, aut ratam habuisse, antequam Sacro ordine initiarentur.

Si egeant dispensatione interstitiorum, causa quidem afferatur a Pręlato Regularium. sed nostrum erit dispensare.

Et licet examinati a proprio Episcopo alienę Diocesis Clerici accedant, nouum tamen apud nos examen subibunt.

On-

Omnino verò ij Regulares, qui in nostra habitant Diœcesi, alium Episcopum non adeant, dum nos habituri sumus ordinationes.

*Puncta ab alio
Epo 1731 regu-*
Ex aduerso nemo audeat sine litteris dimissorialibus nostris extra Diœcesim aliquem ordinem suscipere, alias ab eiusdem exercitio sit ipso facto suspensus, qua suspensione durante, si in suscepto ordine administrauerit, sciat se fore Irregularem, & grauissimas arbitrio nostro pœnas daturum.

Pœnas quoquẽ à Sacris Canonibus indictas patietur, qui sine approbatione nostra, aut falsis testimonijs, vel documentis productis, ad accipiendos ordines accesserit.

Sed, ne prætereamus vitia recensere, quæ ad Sacrum hunc ordinem suscipiendum obstare solent; declaramus illegitimè natum, vitiatum corpore, insigniter deformem, seruum, Amentem, epileptium, vsurarium, periurum, ebriosum, impudicum, criminofum solemniter, & publicè pœnitentem, ætate à Sacri Trid. Concilij præfinita minorem, rudem, & ignarum, lapsum post ordinem, Peregrinum, & ignotum, bigamum, irregularem, censuris ligatum, ratiocinijs obligatum, non confirmatum, aliosquẽ omnes infamia notatos, ad Sacramentum hoc suscipiendum inhabiles esse.

Indignum est nimirum dare Deo, quod homo dedignatur accipere.

Et an vitia hæc promouendum dehonefcent, vt facilius nobis innotescat, mandamus singulis Parochis,

vt cum indictas Ordinationes acceperint, nomina ordinandorum suæ Parochiæ, ex ipso Altari Populo promulgent, & quem quisque suscepturus est ordinem, indicent, vt si quempiam labe, aut animi vitio, vel corporis affectum intelligat, Christianæ Charitatis studio ad nos possit deferre.

Afferant & ipsi Ordinandi testimonium proprii Parochi, quo constet nomen eorum fuisse in Ecclesia publicè denunciatum, nec vllum legitimum impedimentum detectum fuisse. *ut supra*

Insuper, quia iuxta eiusdem Sacri Concilij Tridentini Sanctionem Ordinandi ad titulum Patrimonij non quidem accommodati, sed proprii & veri, certus redditus esse debet, & sufficiens, ne cum tanti Ordinis dedecore emendicare cogatur, ideo disponimus, vt annui fructus Patrimonij ascendant saltem ad scuta quinquaginta huius monetæ, qui ex frugiferis immobilibus, aut aliorum bonorum stabilium iuribus non, etiam mobilibus, aut semouentibus percipiantur, de quo redditu confici debeat apud Cancellarium nostrum publicum documentum testibus iuratis vallatum, qui de pacifica eiusdem possessione, & plena fructuum perceptione deponant.

Quod si Clericus falsum, aut fictum Patrimonium dixerit, vel exhibuerit, pœnam suspensionis patietur, & sciat se in excommunicationem latæ sententiæ incursum.

Hoc ipsum Patrimonium nullo modo permutari, alienari, extinguï, aut grauari poterit iuxta decretum

*Forma Testi-
monij 161*

Forma 161

Forma 161

eiufdem Sacri Concilij, nifi forte nobis conftiterit ordinatum aliquod beneficium fufficiens adeptum fuiffe, aut aliunde habuiffe vnde viuatur, vel viuere poffit.

DE SACRAMENTO EXTREMÆ VNCTIONIS.

V Nufquifquè apud fe ftatuatur, Sanctum hoc effe Sacramentum à Chrifto Domino inftitutum, à Diuo Iacobo Apoftolo promulgatum, & à Patribus, & vniuerfa Ecclefia acceptum.

Concilij quoquè Tridentini decreto firmatum eft, vt Anathema fit, qui de extrema vnctione aliter fentiat.

Nullus præterea ambigat, quin magnos, ac vberes fructus ritè, ac religiofè inunctis afferat extrema vnctio, non folum enim peccata animo abluit, eorumquè reliquias delet, fed languorem animi leuat, morbumquè ipfum quandoquè depellit, in figni virtute arma, & animum miniftrat, quibus quifquè poftremum certamen, in mortis agone, cum antiquo, ac fauo hoftie inire, fi ftinerequè poffit.

Et deniquè fingulari beneficio diuinæ benignitatis fiduciam excitat, ne mortis expectatione perturbetur infirmus, led potius à mærore, & metu, ad hilaritatem, & conftantiam reuocetur.

Ita hoc Sacramenti dono, omni depulfo timore, fixa in Deum fiducia, aut gloriofè morimur, aut non morimur. O igitur folemnis vnctio, ò liquor excellens,

lens, quo sanitas redditur, peccatum dimittitur, expellitur timor mortis, immittitur timor Domini.

Cæterum, si ægroti status permiserit, præparari eius animus, atquæ expiari Sacra Confessione, & Communionem debet.

Et quoniam ad grauiter ægrotantes Sacramentum hoc defertur, curare debet Parochus, vt dum viget sensus, & antequam vis maior ingruat, mentemquæ eripiat, æger illud suscipiat, quamquam neq; ei negandum est, cuius mentem, & sensum morbus abstulerit, dummodo aut perucax in malo animus antecedens, aut impænitentia non aduersetur.

Inopinato etiam casu deiectis extrema vnctio ministrabitur.

Aetate, senioq; confecti, qui sensim deficere videntur, si Parochus videbitur, hac Sacra vnctione procurari poterunt.

Sed nec saucijs neganda erit, nec Pueris vsus rationis hebentibus, & peccatis capacibus.

Demum inungi semper poterit, qui viuere certò creditur; mortuus autem minimè.

Ex aduerso nemini, cui integra sit valetudo, vnctio ministrabitur, etiamsi quoduis vitæ discrimen sit adiuturus.

Pariter nec capite damnatis.

Item nec mulieribus in partu laborantibus, nec amentibus, aut furiosis, excommunicatis, aut interdictis, seu alijs qui sepultura Ecclesiastica de iure carere debent.

Amplius illæ corporis partes perungendæ erunt, in quibus sensuum nostrorum sedem natura posuisse videtur, oculi nimirum, aures, nares, os, manus, & pedes; renes deniquè, exceptis fæminis, quibus propter honestatem non vnguntur, aut ijs quibus potest in versione corporis mors contingere.

Vnctionis minister non alius, quam Sacerdos esse poterit, isquè proprius Parochus, qui verborum formulam à Catholica Ecclesia institutam in singulis membris perungendis seruabit.

Hic cum pura linea veste, ac violacea stola Olei ab Episcopo consecrati vasculum deferat, non intra sinum, aut intra manicas vestis abditum, sed serico in sacculo violacei coloris, serico funiculo collo ipsius appensum.

Comitem saltem vnum ex Clericis habeat, qui Sacri ritus libellum, vasculumquè aliud cum aqua benedicta ad ægrum aspergendum deferat, & Parocho ministranti necessariam operam præstet.

Accersitus Parochus moram non faciat, non vocatus etiam ad officij vigilet laborem, ne culpæ reus apud Deum fiat, & graues pœnas a Nobis reposcat.

Imo, si viderit opus esse, vnà cum Viatico deferat secum etiam oleum Infirmorum.

DE SACRAMENTO MATRIMONII.

DE matrimonio acturi, qua parte Sacramentum est, valde optamus, vt primum, qui matrimonio

nio iungi voluerint, Deum confestim adeant, & consulant, vt propitius, placatusq; adsit. Vt scilicet, amor purus sit nuptiarum in causa, non sensus; vt vxor eligatur, non dos; virtus, non species, vt frui liceat coniuge, non veluti mancipio, sed comite, non vxore tantum, sed matre filiorum, vt deniquè sit honorabile connubium in omnibus, & thorus immaculatus.

Post tantam deliberationem, gaudeant sponsi, & grauib; periculis consultum existiment, siquidem matrimonium est etiam infirmitatis remedium, & nostræ mortalitatis solatium, quod libenter, qui se non continet, celebrare debet, vt nulla aduersario detur occasio, vt nulla Deo subtrahatur oblatio.

Intelligent etiam sponsi, vt ex mutæ consensionis professione matrimonium in sua forma consistit, ita inuariabili firmitate, vsque ad mortem produci. Aduentu etenim Domini Nostri Iesu Christi hæc maritalis copula, & mutauit naturam, & finem, vtrumque tamen nacta nobiliorem; nam hoc tempore non tibi solum Coniuges quærunt sobolem, sed etiam Deo placentem, non leui nexu, & præcipiti amore connubium, sed graui, & indissolubili, qualis est Christi Domini cum Ecclesia perpetuus amor, æterna coniunctio.

Præterea non diuturna absentia, non dissidium, & odium, non violata adulterio fides, non hæresis, & desertus Catholicæ pietatis cultus, Matrimonium rite initum, concubituq; firmatum infringere potest, quod

quod ore Domini Nostri Iesu Christi sit pronunciata, sententia (quod Deus coniunxit, homo non separet) iustis tamen ex causis licet coniugibus, nec eodem cubare lecto, nec sub eodem tecto habitare, si tamen id eis, recognita à Iudice Ecclesiastico permittatur.

Matrimonij igitur iungendi vis omnis in consensu vtriusque sponsi posita est, ita tamen, ut non vi, metuquè extortus sit, sed à libera eorum voluntate fluat, quæ verbis in præsens tempus exprimatur, imo huius Sacramenti gratia, non in benedictione, nec in concubitu, sed in mutuo hoc consensu percipitur.

Hinc intelligant omnes, qualem sustineant culpam, qui paterna potestate, vi, aut minis, filios ad matrimonium cogunt; qua etiam cautione agere debeant Parentes, ut filiae cum sponso nulla violentia quæsito in amplexum veniant.

Sicuti autem in hoc parentes damnamus, sic eos commendamus filios, qui in nuptijs celebrandis parentum auctoritati, & officijs deferunt.

Ceterum non solum in sponsis desideratur consensus ab omni vi, metuq; alienus, sed etiam ab omni fraude. Sapientissimi enim Oecumenici Tridentini Concilij Patres, ne quis ob ætatis imbecillitatem deciperetur, clandestina matrimonia vetuerunt; pleriquè nimirum, aut nuptiarum spe, aut promissis falsis cum data, receptauè fide se se iunxissent, matrimonij tamen fidem fallebant.

Ne quis ergo improvidè ad coniugium rueret, decreuerunt rata illa non esse imposterum connubia, quæ aliter,

aliter, quam à Parocho presente, aut Parochi eiusdem, vel Episcopi assensu, altero Sacerdote presente, duobusquè, aut tribus testibus inita fuerint. Hoc igitur à Concilio sapientissimè prouisum Parochi omnes nostræ Diœcesis omnino obseruent.

Denunciationes requisitas nunquam aut omninò, aut ex parte omittant, nisi Nobis consultis, vel Vicario Nostro Generali.

Et in toto matrimonij negocio à Concilij Tridentini præscriptis non recedant, & ita in omnibus se gerant, ne quid dolosè, aut negligenter egisse conuincantur.

Amplius nec prætermittant de Sponsorum conditione explorare, an scilicet iusta sit illorum ætas, an consensus Parentum adsit, vel obsit, an aduenæ sint, vel Incolæ, an calleant saltem magis necessaria fidei rudimenta, an post primas nuptias de morte coniugis certus sit nuntius, aut legitima probatio, an aliquod tandem impedimentum resistat.

His pensatis, si aliqua orietur dubitatio ad Nos cuncta fideliter referant.

Et quoniam non desunt aliquando nefarii homines, qui vbiquè vagantes, quam in vno loco sibi iunxerant uxorem, deserunt, aliamq; in alio cum animæ suæ perniciè ducunt, ne id contingat, sicquè Poligamiæ crimen euitetur, Volumus vagos huiusmodi, peregrinos, & aduenas ad matrimonium minimè admitti nisi præuio testium examine, & factis debitis interrogationibus coram Nobis, aut Vicario generali, &

non

non coram Notario tantum, præmissaque etiam comminatione eisdem testibus, vt supra examinandis, quod si falsum deposuerint ad triremes damnabuntur, pro quo quidem examine, nulla merces soluatur Notarijs, etiam quoad scripturam, seruatisque ijs omnibus, quæ ex Litteris Eminentissimorum, & Reuerendissimorum Dominorum Cardinalium Sancti Honuphrij, & Barberini, de mandato Sanctissimi Domini Nostri Urbani Papæ VIII. expeditis habentur, Nobisque directis sub die 13. Iulij 1630. & anno etiam 1636.

Ad hunc etiam locum illud pertinet, vt si quis ignotus in alicuius Parochiam nostræ Diœcesis ad habitandum migrauerit, mulieremque secum æquæ ignotam habeat, quam Coniugem dicat, teneatur Parochus eis iniungere, vt infra tempus aliquod, iuxta locorum distantiam assignandum, testatum legitime faciat coram Nobis, aut Vicario nostro Generali, mulierem sibi iusto matrimonio iunctam esse.

Porro denunciatis Sponsis in Ecclesia iuxta formam Tridentini Concilij, omnis mora præcidenda est ad coniungendum eos in matrimonium; vitandum siquidem æque est, ne sponsi aut leuitate ingenij, aut stimulo libidinis, Sanctę Matris Ecclesię ritus ante præuertant, aut vitij alicuius inani suspicione, vel significatione, datam matrimonij fidem contemnant.

Nestræquæ etiam sunt partes, mulierum pudori, familiarum dignitati, & inimicitis, eadumque forte periculis occurrere, quæ ex retardata nuptiarum transactione exoriri possent.

Ad

Ad hæc, si non fiat matrimonium circa quattuor
menses ab vltima, repetantur denunciationes ex De-
creto Sacræ Congregationis Concilij.

Et vt omne auertatur scandalum, præcipimus Pa-
rentibus & Consanguineis, ad quos pertinet, ne an-
te matrimonij celebrationem patiantur sponfos simul
cohabitare iuxta Sancti Concilij Tridentini interdi-
ctum.

Sed & eos hortamur, vt ne quidem sinant sponfos
domesticè simulagere, & tractare.

Nostri quoquè muneris esse iudicamus, præ-
cepta, ritusquè exponere, quæ à Parochis in ma-
trimonio iungendo obseruari debent, non vt præsentis
cdoceamus, quorum integritas, & peritia nobis per-
specta est, sed vt in generali lege, quæ maiorem de-
siderant eruditionem, minimè prætermittamus.

Non alio itaque tempore, quam mane post dilucu-
lum, matrimonium celebretur.

Pro benedictione sponсорum fiat Sacrum, prout in
Missali Romano.

Huic Sacro non solum optamus sponfos interesse,
sed etiam Sacrosanctæ Eucharistiæ Sacramento ille-
rum animas communiri, vt fortius coniugij molestias,
& onera sub tanto præsidio sustinere valeant: sælices
liquidem illæ nuptiæ, quibus Christus est præsens,
quæque non luxu, sed virtutibus consecrantur.

Subinde qua decet oris maiestate, & suauitate, tan-
ti Sacramenti dignitatem, & virtutem extollat, quanta
fide colendum, quantoquè studio filij in Christiana

disciplina sint instituendi.

Illud præ cæteris incutiat, etiam coniugatos, ad perfectionis ascendere sublimia.

Et quod caput est, hortabitur Virum, vt Vxorem vera beneuolentia, & gratia complectatur, iuxta illud Diui Pauli Apostoli (Viri diligite Vxores vestras, sicut Christus dilexit Ecclesiam suam, & se ipsum tradidit pro ea)

Non insaniat tamen Maritus, nec deformiter amet. In aliena Vxore, amor omnis est turpis; in sua, nimius; Adulter est in suam Vxorem amator ardentier (inquit D. Hieronymus)

Vxorem quoque, vt virum suum, non tam diligat, quàm reuereatur; nam & idem Apostolus dixit (sicut Ecclesia subiecta est Christo, ita Mulieres Viris suis in omnibus)

Demum, animaduertat Parochus tempora, quibus solemnia nuptiarum prohibentur seruare; ab Aduentu scilicet Domini vsque ad Epiphaniam, & ab incunte Quadragesima, ipsaque Cinerum Die, ad Octauam Paschæ; talis est enim illorū dierū Sanctitas, vt etiam in veris Coniugibus continentia laudabilis sit; tantum abest, vt sponsam per risus, iocos, & hilaritates, tunc liceat traducere, vbi Aduentus Domini piè, ac deuotè veneratur, vel vniuersæ Ecclesiæ indicta sunt ieiunia.

Et ne matrimonia celebrata memoria labantur. Volumus Parochos habere compactum librum, in què singula matrimonia referant, vt primum nomina, & cognomina

cognomina vtriusque sponsi, & parentū eorum, deinde denunciationes, dies, mensis, annus, & locus vbi matrimonium celebratum fuerit, vnā cum testium nominibus adhibitis, præscribantur; adiecto etiam nomine Sacerdotis, si de Parochi licentia Sacerdos alius matrimonio interfuerit.

Hunc librum feruent illi penes se, & benè custodiant: sic descriptum ad Nos singulis annis deferant, vt in Archivium quoque nostrum Episcopale eadem descriptio deferatur, & illicò eisdem Parochis reddatur.

Ex hoc libro attestations aliquas, ad criminales causas spectantes, depromi minimè concedant; aut permittant, nisi nobis prius consultis, sub penis arbitrio nostro imponendis.

DE AQUA BENEDICTA.

LOquutus fuit Deus per Ezech. Effundam super vos aquam mundam; & mundabimini ab omnibus inquinamentis vestris; labrum cum aqua erat ante ostium Tabernaculi, & ibi Aaron, & filij eius ingressuri Tabernaculum, lauabant manus, & pedes.

Quod autem tunc observabatur ad prænunciationem, nunc sub lege gratiæ per Christum celebratur ad confirmationem, & magis propter Nos, quibus manifestatur, quam propter illos, in quibus figurabatur.

Præ cæteris ritus ille sacer Apostolica traditione in-

ualuit in Ecclesia, vt aqua naturalis benedicatur, ea-
quæ non solum Sacri Ordinis indumenta, & quæ ad
Dei templum pertinent, interdum etiam cibi asper-
gantur.

Sed etiam, vt fideles ea piè, ac deuotè, cum dolore
peccatorum vtentes, expientur à maculis animæ leuio-
ribus, ipsiquè, eorumquè habitacula ab illusione, &
infestatione malignorum spirituum lustrentur; nec
mirum, quoniam si aquæ de Mara amarissimæ, dulces
factæ sunt, immisso ligno, quod Dominus ostenderat
Moyfi, quanto magis Sacro adhibito signo Crucis, fu-
sis Deo precibus alijsque religiosis ritibus naturalis
aqua conuersa in Sacramentalem, ad salutem dul-
cescet.

Hanc igitur marmoreo, & affabrè facto vase, seu
labro in quibuslibet Ecclesijs asseruari præcipimus, eo
loci disposito, vt templum ingredientibus, commodè,
indice dextro immerso, frontem suam in modum Cru-
cis respergere valeant.

Labro purgato à sordibus, aqua renouetur à Sacer-
dote, die Dominico; superpelliceo, stolaquè induto,
Parochus hortetur, vt quisque Paterfamilias, domi,
decente Labello aquam benedictam asseruari, eaque
vespere, ac mane singulos eiusdem familiæ liberos, &
seruos, piè deuotèq; lustrari studeat.

Singulis annis, in Paschate, Parochi aqua benedi-
cta domos suæ Parochiæ aspergant, exceptis domibus
meretricum, & publicorum peccatorum.

DE EXORCISMIS.

Dignissimum ac cœleste, nefarios è corporibus pellendi spiritus officium : qui aggrediuntur, morum innocentia, ac doctrinæ præstantia excellere debent, cum deterrimo humani generis hoste certamen habituri, cuius fraudibus nullum humanum consilium, sed Diuinum, obsistit, cuius furori nulla virtus, nisi cœlestibus munita præsidijs, occurrere valet.

Qui igitur ab Energumenis infestos corporibus spiritus eijcere putauerit, eius rei scriptam facultatem à Nobis prius accipiat, siue sit Sæcularis, siue Regularis, sub pœnis arbitrio.

Deinde pridie quàm exorcizaturus sit, ieiunio corpus domare, pijsquè precibus mentem erigere studeat, secumque reputet tutissimis armis tantam collutationem instruendam esse, & malorum Dæmonum genus, ieiunio maximè, & oratione expellendum.

Non prius incipere monemus, quàm Diuino Sacrificio Deum sibi propitiauerit, & Sacræ etiam communionis robore exorcizandum præmuniuerit, citra tamen omne periculum iniuriæ, aut contemptus Sacramenti.

Perquirat postea, an aliqua fraus subesse possit, vel simulatio.

An ille infestis spiritibus, vel potius aduersa valetudine mentis agitetur, & in re, si opus fuerit, Medicorum iudicium adhibeat.

Tunc

Tunc his semel ac sæpius exploratis, acerrimo fidei
relo armatus, deprehensum Dæmonem aggrediatur,
nec aliud in ea pugna, quam Dei gloriam exquirat, &
Energunem curationem.

A vanis, & curiosis percunctationibus abstineat.

Nugantem sæpe Dæmonē reprimat, superbū, & cla-
tum increpet, illiq; cū potestate, vt obnoxio imperet.

Consuetis precibus, & orationibus ex Rituali Ro-
mano utatur, quas memoriæ demandatas, maxima
recitet pietate, & grauitate.

Si mulier sit Energunena, maiorem cautionem ad-
hibeat, ne quid fiat, aut dicatur, vnde impudica co-
gitatio, aut sibi, aut mulieri possit occurrere, quæ ani-
mum de suscepto Religionis instituto deiiciat.

Alienam semper manum in præbendis vactioni-
bus, vel fumigationibus alijsque remedijs adhibeat.

Non alibi, quàm in Ecclesia, clausis ianuis huic
officio incumbat, consanguineis præsentibus, aut
alijs paucis probata vitæ, exclusis omnino pueris, &
puellis.

Non plures eodem tempore curet, sed vnum tantū;
non ante lucem, nec post occasum solis.

Pecuniam, mercedemque operis nullo modo exi-
gat, præsertim si voti sui compos fieri desiderat, non
aliam expectans, quam cælestis gloriæ, & quod no-
men illius in libro vitæ describatur.

Si ad curanda præterea maleficia, quis vocatus
fuerit, officium illud minimè suscipiat sine nostra li-
centia in scriptis, sub penis arbitrio.

DE INDVLGENTIIS.

Mirum est tam multos inter Christianos terrenis, & fluxis opibus, ingenti studio comparandis inhierare, tam paucos salutaribus, & æternis.

Nullam fideles nostri prætereant opportunitatem; ditandi se sanctis Indulgentiis, ex Diuinæ gratiæ thesauris, & Romani Ecclesiæ munificentia prodeuntibus; sic tamen, ut in gratia inueniantur, eaque omnia simul præstent, quæ Apostolicis literis continentur.

Et quoniam tantus Ecclesiæ Thesaurus, non ad rerum caducarum fructum exponitur, sed ad rerum Cœlestium gratiam, & gloriam promerendam, Omnibus ideo prohibemus, arculas ob id eleemosinarum in medium producere, aut aliter illas exigere, & emendicare, & si quid ultro pietatis studio collatum fuerit colligatur à Ministris; & in nostra Cathedrali à duobus Canonicis per nos deputandis, & in pauperes, & Diuinum cultum erogetur.

Hinc diploma Pontificium non penes capsulas, sed penes Altare maius, à latere dextro, vel penes aliud ad quod statio ipsarum Indulgentiarum causa sit, exponi volumus, capsam verò inde longè, alio loco constitui, ut intelligant omnes, eleemosinas, nisi sint præceptæ, minimè necessarias esse ad consequendas indulgentias, nec ad quæstum temporalem illas proponi, sed ad Diuinum, Cœlestem.

Vt

Vt autem prauis moris vsus tollantur, qui quandoquē obrepere non desinunt; decernimus, vt quicumque Indulgentias impetrauerint, Nobis ante omnia, aut Vicario Nostro Generali eas inspiciendas, & legendas tradant, nec aliquis, siue Sæcularis, siue Regularis sub quouis priuilegij prætextu, ipsas Indulgentias aliter quam à Nobis, vel à Vicario nostro Generali recognitas audeat publicare. Nostri enim est officij, duobus in Consilium adhibitis Canonicis, tempus rationemquē promulgandi statuere ex Sacri Concilij Tridentini Decreto.

Canonici alter à Nobis, alter à Capitulo in principio cuiuslibet anni eligantur, & describant in libro ad hoc compacto ipsas Indulgentias, diemquē, & annum concessionis, nec non Nomen Summi Pontificis concedentis.

Et ne fideles in re tanti momēti decipiantur, significamus ex Decreto Congregationis Sanctæ Rom. Inquisitionis anno 1635. nonnullas Indulgentias falsas declaratas fuisse.

Videlicet quæ asseruntur concessæ à Pio V. S. M. Senarum Principi.

Item ab eodem, Magno Duci Etruriæ, & confirmatæ à Clemente viij.

Item à Clemente viij. Ecclesiæ Sanctæ Marię Montisferrati.

Pariter Indulgentia Plenaria pro Defunctis à Clemente vij. Mantuæ Carpentorum, seu Madriti 20. Iunii 1606.

Simi-

Similiter Indulgentiæ assertæ reuelationis B. Ioannis de Cruce piaculari grano, quod dicitur tetigisse vnum ex tribus, quæ sunt apud Summum Pontificem Regem Hispaniarum, & Generalem Minorum de obseruantia.

Item Indulgentia, quæ dicitur concessa à Ioanne xij. illis, qui osculantur plantam pedis Beatæ Virg. prælo datam.

Item eæ, quæ à Papa Adriano vj. dicuntur concessæ granis benedictis ad instantiam Cardinalis Lanchin. Trigermani, Brabantini, impressæ Panormi anno 1611.

Demum Indulgentia quæ circumfertur, veluti anno 1626. à Sanctissimo D. N. Papa Urbano viij. in honorem Sanctissimi Sacramenti Altaris, vel ad nostram, vel Caroli Magalotti fratris nostri germani supplicationem concessa, vt ex litteris Eminentissimi D. Cardinalis Mellini boreme: die prima Augusti 1626.

Et quæ dicuntur concessæ à Sanctissimo D. N. Urbano viij. Confraternitatibus Sanctorum Sebastiani, & Rochi Perusij, & Sanctissimæ Trinitatis redemptionis captiuorum in Vrbe Romana.

DE DIVINIS OFFICIIS, ET EORVM ORDINE.

Diuina officia grati sunt animi obsequia, quæ ob innumera in Nos à Deo collata beneficia persoluuntur. Sunt feruidæ, & piæ preces, quibus Diui-

K

na ad

na ad ignoscendum, & auxiliandum exoratur clementia.

Et ut Diuus Basilii Magnus edocuit, Spiritus Sanctus, concinna illa numerorum modulatione, in animos nostros effundit eloquiorum suorum dulcedinem, & vtilitatem; itaut si quispiam piè, ac deuotè concinat, & moduletur, re ipsa animum suum erudiat.

Clerus itaque noster, siue ex Canonicis, Mansionarijs, & Capellanis, siue ex Sacerdotibus, Diaconis, vel Subdiaconis, siue demum ex Clericis Ecclesiæ nostræ Cathedrali adscriptis, ad consuetum psallendi Officium Matutinis, ac Vespertinis horis conueniat, & si qui addicti sunt alijs Ecclesijs, idem munus opportunis horis studiosè expleant.

Est nimirum inexcusabilis homo, & Vir maximè sacer, ac pius, qui debitum canendi pensum quotidie Deo non soluit.

Erubescat (inquit Diuus Ambrosius) qui sine psalmodiarum celebritate diem claudit, cum etiam minutissimæ aues, solemni deuotione, dulci què carmine ortus dierum prosequantur. Quare stultus illorum labor in temporibus succedit, qui de auium exemplo quotidie Deo canere, & confiteri minimè contendūt.

Magnam præterea pro se quisque curam adhibeat, ut cum legem Domini celebrat, ignea quoque lex appareat in dextera eius, & dum ex ore prodit, in dextera rutilet, iuxta illud Dauidicum.

Benedicite Domino omnes virtutes eius, Ministri eius, qui facitis voluntatem eius.

Dein-

Deinde studeat distinctè, & apertè alterni versus proferre verba, turpe siquidem existimamus Clericos linguosos, forum quandoquè, & vicos, elingues fere, Ecclesiam, & Chorum frequentare.

Sic se ipsum quilibet demum obseruet, vt dum canit, cæteris psallentibus non desinat concorditer assentire, veluti vnius corporis membrum. Nihil sibi priuatim proponat, sed vno spiritu, & corde cum alijs diuinas laudes extollat.

Legitimè impediti, vacationem habeant, excusationisquè veniam.

Decreta de Chori disciplina, omnes accuratè obseruent.

Si vrgente necessitate extra Chorum Ecclesiæ diuina celebrari contingat officia, ibi Laici nullo modo admittantur, & ita quisque se ipsum componat vt nulla animi detorsione à diuinis canendis laudibus auocetur.

Si Diuina officia recitanda, vel Sacrum faciendum sit ad Capellas, & Altaria in inferiore, vel remotiore parte, posita in Ecclesia nostra Cathedrali; atquè si propter Chori distantiam difficile sit voces alternatim exaudiri ad cantum concinne edicendum, tunc circa Altare, scamna pro Canonicis, & reliquo Clero, qui interesse debuerit, in ordines distincta collocentur. Vel si Canonici assistere teneantur pro ipsis tantum scamna, cum postergalibus apponantur, propè Capellam, vel intra eiusdem septa si satis ampla fuerint.

Vniuersi ex Clero beneficiato Ciuitatis, in festis Natiuitatis, Epiphaniæ, Resurrectionis Domini Nostri Iesu Christi, Pentecostes, Sanctorum Georgij, & Maurelij Patronorum, & in Die Commemorationis Defunctorum, sint in Choro Cathedrali superpelliceis induti.

Quod autem spectat ad ordinem Diuinorum officiorum, non alius obseruandus erit præter eum, quæ Calendarium Nostrium, & Sancta Romana Ecclesia in libris Breuiarij, ac Missalis respectiue constituit, Pij v. & Clementis viij. S. M. iussione editis, ac demum Sanctissimi D. N. Urbani viij.

Si quis præfatas Diuini Officij recitandi formas peruertere ausus fuerit, vel mutare, aut scindere, Diuinæ, nostræque vltionis pœnam expectet.

Nos ipsi Chori coronam, cum per alia nostri muneris negocia licuerit, augebimus, cum Angelis, & Clero, benedicentes Domino.

Cum Angelis quidem, quoniam illi orantibus, & psallentibus hominibus se se adiungunt.

Hi sunt (ait Diuus Bernardus) de quibus in psalmo: Præuenerunt Principes coniuncti Psallentibus, in medio iuuenularum tympanistiarum.

Ecce ergo duo canentium Chori, hinc homo, illinc Angelus, è terra homo, è Cælo Angelus, vocem Orationis, vocem laudis, alterna pietate, & consona modulatione emittentes.

Inde pro certo habemus, nihil præposterum, nihil inordinatum, nihil indecorum nos spectaturos.

No-

Nobis certè præsentibus, Canonicus festis diebus missam celebrabit, Matutinas horas, & Vesperas ducet;

Et quia Post editum Breuiarium auctoritate Sanctissimi D. N. Urbani viij. recognitum, addita sunt duo Sanctorum officia, alterum de præcepto, scilicet Sanctæ Martinæ Virginis, & Martyris, sub die 30. Ianuarij, alterum ad libitum S. Theresiæ Virginis die 15. Octobris, illa quidem recitari poterunt, sed nullum aliud præterea; quamvis ex illis, quæ in libellis extra Romam impressis circumferuntur.

Demum dedicatio Ecclesiæ Cathedralis nostræ celebretur in tota Diœcesi, ritu duplici primæ classis, cum octaua in Ciuitate tantum.

DE CHORI DISCIPLINA.

VNiuerſi, qui Choro sunt addicti, in Sacristia choralis habitu induti, dato signo cum campanula Sacristiæ, certo ordine in Chorum procedant.

Altari maiori Canonici profundè caput inclinent, reliqui genuflectant.

Locum suum quisque adeat, vbi flexis genibus oret, donec initium officij à maiore, qui in Choro est, indictum fuerit.

Deducentes Canonici Episcopum ad Ecclesiam, ad Altare Sanctissimi Sacramenti cum eodem orent, & cum ad Altare maius genuflexerit Episcopus, statim accedant ad loca sua, ibiquè pariter genuflectant, & sur-

furgente Episcopo assurgant.

Episcopo prætereunti omnis Clerus reuerentiam exhibeat, Canonici quidem capite profundè inclinato, reliqui cum genuflexione.

Inchoato officio, quicumque aduenerint, non ante locum suum petant, quam genuflexi ante Altare orauerint, factaque reuerentia Altari, Episcopo, Canonicisque exhibito honoris officio.

Si tunc dicitur in Choro (Deus in adiutorium) vel, Gloria Patri, vel Hymnus, aut in Missa Oratio, seu Euangelium, tamdiù stantes subsistant, quamdiù cantus fuerit absolutus, & factis pariter Oratione, & reuerentia, adibunt Stallum suum.

Canonicum aduenientem omnes, qui sunt in Choro, stantes consalutent. Mansionarium item omnes, præter Canonicos, Capellanum denique reliqui pariter, & inferioris gradus tantum.

Idem seruetur in surgendo, & stando, videlicet, ut surgente, vel stante Canonico, officij gratia omnes surgant, & stent, & sic de cæteris.

Surgente, vel stante Episcopo, multò magis.

Ex assistentibus Episcopo, aliquo surgente, surgant coassistentes tantum, non alij Canonici, qui sunt in Choro: & è contra surgente Canonico in Choro, non assurgant Assistentes Episcopo.

Ad Capitula, Hymnos, Versiculos, Orationes, & cantica Euangelica, stent omnes capite detecto: ad Gloria Patri, in fine Psalmorum, sedentes caput aperiant, & profundè inclinent.

In

In Missa ad Confessionem, qui non sunt Canonici, nequè Dalmaticis induti ad ministrandum, genuflectant omnes.

Dum canitur à Musicis Kyrie, Gloria, Credo, Sanctus, & Agnus Dei, qui in Choro sunt bini ea recitent, stantes detecto capite, subinde sedcant, ad Kyrie, Gloria, Credo.

Sedeant ad Epistolam, Graduale, Tractum, ad Offertorium, & Antiphonam, quæ dicitur communio.

Qui sedent, dum cantatur Credo, ad ea verba (Et incarnatus est) caput apertum profundè inclinent; præterquam in Annuntiatione B. M. & in Natiuitate Domini, quibus diebus genua flectantur, qui verò stant, ad prædicta verba semper genuflectant.

Qui cantant in Choro, Gloria, Credo, & alia, ad Lectorile stantes canant.

Ad Missas Aduentus, Quadragesimæ, Quatuor temporum (exceptis ijs, quæ in Pentecoste) Vigiliarum cum ieiunio, exceptis Vigilijs Natiuitatis Domini, Paschatis, & Pentecostes, & Defunctorum, genuflectant omnes ad Orationes, & à Sanctus, vsquè ad Pax Domini exclusiue: & præterea semper ab initio Canonis, vsquè ad eleuationem.

Quando in Missis recitantur Litanix, fiant genuflexiones ad ea tantum, ad quæ in festis tempore Paschali.

In thurificatione facienda, Canonici omnes assurgant, cum thurificantur, & alter alterum immediatè subsequenter capitis nutu modestè inuitet. Si thurifi-

rificans & thurificandus sint dignitate pares, sibi inuicem honorem exhibeant, si inferior est qui thurificat, hic quidem erga maiores caput profundè inclinet: illi vero parum, vel nihil versus thurificantem respondeant.

In danda pace non fiant inuitationes. Sed qui eam dat, non nisi post datam pacem, recipienti caput inclinet, magis, vel minus, pro qualitate personarum.

Post consecrationem fit genuflexio ambobus genibus; à Diacono, & Subdiacono, vnico tantum genu, vt expeditiùs celebranti ministrent.

Cæterum in Choro nulla sint Colloquia, risus, actus vè incompofiti.

Non priuatim officium dicatur, & qui forte tardius aduenerit, cum alijs de Choro prosequatur officium, suppleturus potius in fine officij, ea, quæ initio omisit.

Faceſſat ſomnus, Epistolæ lectio priuatarum, seu librorum.

Loca ne mutantur, nequè Canonici ascendant ad Stalla Dignitatum, nequè inferiores ad Stalla Superiorum.

Stallum quisquè suum non deferat sub quouis prætextu, aut colore.

Choro nemo exeat, officio Diuino non completo.

In accessu, & recessu reuerentiam exhibeant omnes, causamquè Punctatori significant, prius exeuntes.

Post Diuinum Officium flexis genibus parumper
orient,

orent, & veniam de erratis in officio deprecentur, deinde omnes simul assurgant, & ordine quo prius, facta altari reuerentia modeste, & sine strepitu ad Sacristiam redeant.

Qui in prædictis deliquerit, Deo reus erit, & Nobis etiam promodo culpæ dabit pœnas.

DE PVNCTORIBVS.

PVnctatores vnus Canonorum, & Mansionariorum, duo Capellanorum constituentur.

Hi tùm in Synodo nostra, tùm initio illorum officij, etiam in manibus Nostris, vel Vicarij Generalis, iurent se omni abiecto humano respectu fideliter, & iuste obseruatueros, quæ à muneris sui legibus præscribuntur, & iuxta formam Capitularem, & in hac Synodo præscriptam.

Eligantur qui plurimum horis diuinis, & nocturnis interesse solent; hos tamen, si abesse aliquando contingat, in eorum loco Chori Præfectus sufficiat alios.

Librum conficiant, in quo errata conscribantur, & tabellam simul, in qua singulorum nomina adscripta sint.

Hunc librum custodiant, nec cuiquam patere permittant, præterquam Capitularibus, & Mansionarijs, & Capellanis, ad quos res, & emolumentum spectat.

Neminem iniuria, aut odio notent, neminem notandum prætermittant; alias satisfaciant de proprio ijs, quibus damna intulerint, & integras vnus heb-

domadæ amittant distributiones.

Singulis hebdomadis recognoscant, quæ prius notauerint.

Notent autem diligenter eos, qui mulctandi sunt ex Ecclesiæ Ordinationibus, aut decretis nostris, aut iussu Præfecti Chori.

Eos præsertim, qui horis Canonicis, diurnisque, & nocturnis officijs non interfuerint.

Qui in Choro stabunt absquæ suo superpelliceo.

Qui exhibunt Choro, non absolutis omnino Diuinis officijs, aut statim nõ redierint ob necessitatē exeutes.

Qui pariter non interfuerint à principio, iuxta laudabilem consuetudinem Ecclesiæ nostræ, & Ordinationes Capitulares.

Qui intonando Antiphonas, aut cantando grauius errauerint.

De sequentibus etiam culpis punientur, qui admoniti rursus deliquerint, nec resipuerint, arbitrio Præfecti.

Qui decentem habitum Choralem non induerint.

Qui sine Tonsura debita Choro adfuerint.

Qui Pileum pro bireto gestauerint.

Qui Chyrothecas, aut flores præ manibus habuerint.

Qui litteras, librosquæ legerint, aut officium priuatim recitauerint.

Qui dormierint, & extra necessitatem colloquia habuerint.

Qui loca mutauerint, peruagantesque extra sui mun-

ne-

neris causam.

Qui exierint Choro sine licentia Præfecti.

Qui in cæremonijs de disciplina Chori præscriptis vniformitati, in sedendo, stando, genuflectendo non studuerint.

Qui muneribus proprijs in Choro per negligentiam culpabilem defuerint.

Exculationes omnes, veluti infirmitatis, senectutis, visitationis, & aliæ propositæ à Præfecto iudicentur.

Idem Præfectus, negligentibus punctatoribus, notationes iubebit.

Et Punctatores in officio delinquentes arbitrio suo mulctabit.

Præfecto absente, dignior Præfecturam gerat.

Punctatores ipsi iuxta laudabilem consuetudinem salarium consequantur.

DE ORGANIS, ET CANTIBVS.

ORgani modulatio nobile est Diuinarum laudum ornamentum, quod multum valet ad Christianæ pietatis studium, rerumquæ Cœlestium amorem Sacra sui oblectatione excitandum.

Hoc itaque antiquissimum in Ecclesia Dei modulandi institutum, non solum in Ecclesia nostra Cathedrali, & in alijs, in quibus hucusquæ seruatum fuit, tam in Ciuitate, quam in Diœcesi, seruari mandamus; verum etiam, vt vbi commodè vsu recipi potest, Pa-

rochi omnes, præsertim Archipresbyteri in suis Plebibus illud teneant, vehementer optamus, & hortamur.

Clericus, siuè alius, probatis moribus, & arte decenter pro Ecclesiæ dignitate illud pulsabit, non etiã aliud quodcumquè instrumentum illius loco.

Archipresbyter, seu Parochus quisquè Ecclesiæ stipendium illius præstabit, ita tamen, vt Diocesani dimidium saltem conferant pro sua in rem Diuinam reuerentia, nulla quidem vi, nullaquè coactione in hac re adhibita.

Cum primùm Episcopus, vt intersit Diuinis officijs, intrabit Ecclesiam, decorè, grauiquè Organi modulatione excipiat, nec prius desinat, quam loco suo confederit.

Idem seruetur in recessu illius ab Ecclesia, donec egressus fuerit.

Cantus porrò in Ecclesia, sicuti & sonus, sint Sanctis, diuinisquè laudibus congruentes.

Laici Cantores Clericali superpelliceo in Ecclesia sint induti.

Procul sint prophanae omnes, & lasciuæ cantilenæ, & Theatrales moduli, vt in timore, in opere, in scientia scripturarum, quicumque audiunt, psallant in cordibus suis Domino.

DE PROCESSIONIBVS.

Nemo præsumat (inquit Beatus Crisologus) Ecclesiæ Conuentum posse contemni, & solitarias pre-

preces venerandæ Congregationi anteferri.

Vberissimi siquidem sunt fructus, qui ex pijs publicisque precibus, & supplicationibus, à primis vsque nascentis Ecclesiæ temporibus percipi solent, profunt valde ad Diuina promerenda beneficia, ad dignas pro acceptis referendas gratias, & demum ad peccatorum veniam facilius consequendam.

Et verè imperterrita confidentia in cōcordi ad Deū clamore sita est, tunc quippe multis Orantibus fugiunt tenebrarum potestates, & iubente Deo accedunt Angeli, nostris ministrantes, & subuenientes necessitatibus.

Vt igitur publicæ supplicationes, ex quibus tot sperantur beneficiorum compendia, & Diuinæ gratiæ largitates, recto ordine, & congrua pietate celebrentur.

Sancimus primò, futuras supplicationes, earumque dies publicè antè indicendas, & à Parocho Populum monendum, vt ad rem celebrandam frequentissimus adsit, & in eo officio sanctè, modesteque versetur.

Quod si extraordinariè (ex Pontificis maximè auctoritate, siue Iubilei, siue alterius rei causa suscipiendæ fuerint) curæ Episcopo erit, vt etiam Concionatores in Cathedrali Ecclesia è suggestu rem populo nuntient, & accurata oratione audientium animos ad piè officium obeundum incitare contendant.

Conueniant non solum Laicorum sodalitates omnes, sed etiam omnes Cleri Ordines, tam Sæculares, quàm Regulares, ijs exceptis, qui arctiore disciplina claustris suis continentur, & qui præcipuo aliquo priuile-

uilegio eximuntur.

Illud certè præmonemus, exemptos omnes, tam Sæculares, quàm Regulares quoscumquè etiam Monachos, ab Episcopo vocatos, ad publicas processiones teneri accedere, illas scilicet, quæ fiunt in Litanijs maioribus, atquè minoribus, in festo Corporis Christi, vel pro bono publico, vel in aduentu proprij Episcopi.

Hi omnes bini semper, quasi vnitatem, & geminam charitatem referentes, procedant, hymnos & psalmos de more piè, ac modestè canentes.

Quibus præcedat abeuntibus Crux, è qua pendeat velum, seu pannus, ex Decreto Sacræ Congregationis Rituum.

Clerus Sæcularis, cum biretis, veste oblonga, mundisque superpelliceis accedat.

Item Regulares, propria cum sui ordinis veste.

Si qua de loco, aut dignitate contentio inter ordines exoriatur à Nobis, vel Vicario Nostro Generali, pro arbitrio dirimatur.

Ordinem Cleri Populus sequatur.

Fœminæ non vno agmine cum viris, sed separatim postremò incedant.

Fiatq; separatio fæminarum, vel per Custodes, vel interiecta Cruce.

Progredientem ex templo pompam festus campanarum sonus prosequatur, & redeuntem pariter excipiat, idemque Ecclesiæ omnes faciant per quas, vel ante quas supplicantes incedent, neque eo tempore quispiam sacrum dicat :

Ne-

Nemo inter eundem spectandi causa subsistat, nemo colloquia inanibus, aut adeo non necessarijs de rebus differat, nemo denique quicquam petulanter dicat, aut faciat.

Præter consuetas supplicationes ab Ecclesia institutas, siue à Summo Pontifice, & à Nobis institutas, nullus Ecclesiasticus Sæcularis, aut Regularis, quamuis exemptus, sine nostra venia, extra suam Ecclesiam, aut si commodè nequeat, non nisi muros circumueundo, publicas supplicationes faciat.

Fieri consuetæ in nostra Cathedrali, & alijs Ecclesijs, tam Vrbanis, quam ruralibus, nullo pacto intermittantur.

Et quoniam ad nos spectat non solum processiones edicere, sed etiam dirigere.

Vbi veniam à Nobis impetrauerint longius processiones ducendi, Volumus easdem processiones intra fines, qui à nobis pariter præscribentur, contineri.

Arbitrio quoque nostro reseruamus, an processiones de more fieri possint, feria sexta maioris hebdomadæ.

Et quoniam sæpè Sacræ Imagines, aut simulacra, etiam sculptilia deferri solent, mandamus, vt ad libitum cuiusquæ ordinis deferri non possint, nisi Nobis consultis, & præmissa nostra approbatione, & benedictione expressa.

Processiones solemnes plures eadem die, in eodem viarum ambitu minimè fiant, & qui suam facere intendunt, in alium diem protrahant.

Si de prælatione contentio fiat, nostræ erit sententiæ iudicare, manutenendo etiam eum, qui fuerit manutenendus.

Rectores Parochialium non habentes pluuiale, nec ostensorium in die Fæsto Corporis Christi, aut alio tempore, processiones minimè faciant.

Deferentes Crucem in Processionibus, vestibus Sacris induantur, proptereaquè Laicos ab hoc ministerio exclusos volumus, sub pœnis arbitrio.

DE FVNERIBVS, ET SEPVLTVRIS.

QUæ in funeribus obeundis, Sanctorum Patrum instituto, à mysterio, & pietate ortum habent, ea sæpe, aut ad vanam apparatus ostentationem conuertuntur, aut negligentia, interdum auaritia deprauantur.

Nostræ ergo Pastoralis curæ censemus esse ad Christianam Charitatem, religiosumquè ritum pia hæc officia reuocare.

Et primùm decernimus, vt Parochi nostri curent amicos, & iunctos defuncti, à deformibus lamentis, & indecoris ploratibus auertere, quamuis enim dolorem in ijs significatum minimè reprehendamus, cum sacra edoceat scriptura: Super mortuum plora, deficit enim lux eius.

Et rursus dicat.

Fili in mortuum produc lacrymas, & quasi dira passus,

fus, incipe plorare. Tamen absurdos fletus, & famineos eiulatus Christiano indignos iudicamus, & ad Ethnicorum, qui spem non habent, mores potius pertinere, quorum indecens usus lugendi mortuos ita inuauerat, ut ne dum per Urbem vagantes pergerent, sed etiam Hystriones, & Præficas eiulantes conducerent, quæ simulatis lacrymis mortuos deplorarent.

Talis ergo mos non est à fidelibus expetendus, qui se hospites super terram esse profitentur; apud quos mors non est viuendi finis, sed sempiternæ vitæ principium; non nascentis pœna, sed renascentis gloria.

Sub eadem ratione ineptas, aut mendaces laudationes damnamus.

Vbi autem in funere Oratio, vel Concio habenda erit; non alia, quam prudens, pia, & approbata à nobis; non alibi, quam in Ecclesia habeatur, & non nisi post missam.

Nullo denique prætextu, mortuorum sepultura detineatur.

Omnis superstitionis suspicio euitetur. Nihil in feretro apponatur. Nihil vanum in defuncti manibus, nulli flores, nullaquæ festa circa tempora, præterquam pueris, aut puellis Virginibus; alioquin Parochus à sepultura absteineat.

Corpus sine licentia Parochi, qui semper interesse debet, à quoquam non effertur.

Non ante solis ortum, non post occasum, nec ante lapsum horæ duodecimæ ab obitu.

In morte autem subita, seu mulieris prægnantis, non

M

ante

ante quadragesimam horam.

Nullus præterea sacra donetur sepultura, qui in Monomachia occisus fuerit; nullus etiam, qui sibi mortem consciverit, aut eo anno peccata sua confessus non fuerit, iuxta sanctum Ecclesiæ præceptum, nisi hi dederint signa penitentiae: Nos tamen prius consulat Parochus, vel Vicarium Generalem.

Notorij pariter peccatores, manifesti Vsurarij, nominatim interdicti, & excommunicati, ac alij omnes à Sacris Canonibus interdicti.

Funus minimè ducatur manè diei festi, ante meridiem.

Vbi Capitulum Cathedralis vocatum fuerit, Clerus Vniuersus, sub vnica eiusdem Capituli Cruce incedat.

Clerici à deferendis proprijs humeris cadaueribus penitus abstineant.

Funalia, Candelæ, & Cerei, qui dispensari solent, ardentes ferantur; ea nimirum luce fides eius, qui effertur, significatur, aut fulgor, & claritas gloriæ, quæ manet in mortuis, qui in Domino moriuntur.

Parochi item, Rectoresquæ omnes Ecclesiarum cū aliquo de sepultura, & iustis anniuersarijs non paciscantur, neque eius rei gratia quidpiam petant, vel exigant, quod vllam in eis simoniæ, aut sordidæ cupiditatis suspensionem redoleat.

Pia tamen legata, & eleemosinas vltro delatas, eos accipere permittimus.

Pauperum cadauera gratis sepeliant,

Ob-

Obseruentur etiam omninò taxæ à nobis Edicto specialì promulgatæ, tam ratione Parochorum Vrbano-
rum, & ruralium, quam Vespillonum Ciuitatis,
quas huius Synodi auctoritate confirmamus.

Delata cadauera ad Ecclesiam minime nudentur, & si fortè fuerint inspicienda à Curia Sæculari ob maleficia, inspectio nullo modo fiat in Ecclesijs, vel in Cæmeterijs.

Multo minus Vespillones audeant vestes, Chirothecas, annulos, aut aliud quippiam à mortuo auferre, sub pœna carceris, & alijs arbitrio.

Et quoniam decet de Episcopi funere aliqua etiam ordinare ; illud primum animaduertimus , vt defuncto Episcopo , non vltra quadraginta horas insepultum corpus relinquitur , atquè eo tempore honoris , & custodiæ causa , Clerus frequens illius corpus circumfistat , assiduisque precationibus eius animam Dei misericordiæ commendet .

Elatum omnis omnium Ordinum Sæcularis, atque Regularis Clerus, ad sepulturam prosequatur.

Feretrum subeant, qui è Canonicorum Collegio
alios antecedunt.

Exequiæ piè, & magnificè solvantur; Missa in Cathedrali Ecclesia solemniter pro illius anima celebretur.

Et quod pertinet ad ædificia, & iura sepulchrorum, sepulchra altius à terra eleuata, si quæ sunt, solo sequuntur, iuxta Constitutionem S. M. Pij Quinti.

Nova ne struantur sub Altaribus, nequè sub gra-
M 2 dibus,

dibus, & si quæ sunt, terra obstruantur.

In pavimento Ecclesiæ construenda, sano, & polito lapide, planum æquante, diligenter obturentur.

Si commune aliquibus, vel proprium sit sepulchrū, omnes alij excludantur.

In Monialium Ecclesijs interioribus, præter ipsas Moniales nullus alius sepeliatur. In exterioribus non nisi de licentia Episcopi, vel Vicarij Generalis.

• Sepultura Peregrinorum in Cathedrali Ecclesia fiat, ibique eorum cadauera recondantur, nisi aliam sibi viuentes adhuc elegerint sepulturam.

Paruuli baptizati habeant specialem sepulturam, & in delatione illorum Crux sine hasta præcedat.

Nullus tandem horreat moriendo inuenire sepulchrum; Reuoluit semel Angelus lapidem, vt reuolutus extaret Resurrectionis assertor, vt Vitæ esset titulus, qui mortis tenebat custodiam.

Mutatus est ordo per Christum; quia mortem, non mortuum deuorat sepulchrum. Domus mortis fit mansio vitalis; vteri noua forma, mortuum concipit, parit viuentem.

DE CAMPANIS, ET SIGNIS DANDIS.

N Vllus ignoret Campanas esse veluti militantis Ecclesiæ Tubas, quibus Christiana Militia modo educitur, modo reducit in Ecclesiæ Castra.

Quælibet Parochialis duas saltem habeat, Turri appen-

penfas, concordēs, ſonoraſquē.

Sit Turris (ſi fieri poteſt) ab omni alio Eccleſiæ pari-
ete ſeiuncta, ne frequentiore pulſatione, Eccleſiæ
ædificium quaſſari forte contingat.

In eius ſummo faſtigio ferrea Crux erigatur.

Vbi Turrim in Parochialibus excitare non liceret,
pilis lateritijs arcuatis, aptior eligatur locus, in quo
Campanæ appendantur.

Oratorijs vna tantum Campanula ſuperappona-
tur.

Non niſi ab Epifcopo Campanæ benedicantur, ni-
hil prophani, nihil ſuperſtitioſi, vel characteribus, aut
imaginibus admittatur.

Sabbatho Sancto non pulſentur etiam à Regulari-
bus ante Cathedralis, ſeu Matricis Signum, ex De-
creto Sacræ Congregationis Rituum, ſub pænâ indi-
cta in Concilio Lateranenſi.

Cathedralis noſtra duos, de more laudabili habeat
Clericos, qui pulſandis ſuo tempore Campanis præ-
ſint.

Parochi, Plebani, & Archipreſbiteri, ditiorum Ec-
cleſiarum adminiſtratores, Campanarium ſtatuta
mercede ſibi eligant.

Huius erit officium Campanas feriatis præcipuè,
feſtiſquē diebus pulſare, nedum pro Sacrorum, Di-
uinorumque Officiorum celebratione, ſed etiam pro
conuocandis Pueris ad Chriſtianæ Doctrinæ Scholas,
nec non ad euocandos fideles, quo tempore Sanctiſ-
ſima Euchariftia deferatur ad infirmos.


Cam-

Campanarum tinnitus excitabitur solemnioribus diebus, in honoris, & lætitiæ signum.

Pariter ubicumquē Episcopus munus aliquod obiturus, vel Ecclesiam suam ingrediatur, vel prope Ecclesiam, Diuina peracturus, transibit.

Non præteribit Parochus Campanas etiam pulsare interruptis ictibus, quoties aliquis ex Parochianis decesserit, adiuncto prius Signo, Ave Mariæ, vt oret Populus pro Defuncti anima.

Ita quoquē dabit Signa solita in supplicationibus obeundis, in indulgentijs promulgandis, in funeribus celebrandis, in precibus pro Defunctorum animabus prima quaquē noctis hora fundendis, in recitanda Angelica Salutatione, assuetis ictibus, repetitis, sub Aurora, sub Meridie, & Occasu Solis, iuxta laudabilem omnium Ecclesiarum consuetudinem.



PARS TERTIA

DE

SACROSANCTIS ECCLESIIS, ET
EARVM CONSTRUCTIONE.



Inter omnia dona externa Diuino Numini oblata, Templorum ædificatio acceptissima est Deo, & gratissima, nullaque est res, (ait Cassiodorus) per quā melius possit agnoscī, & prudentis ingenium, & largitatis affectus.

Ciuitatis Dei summa fuit gloria, quod in ea fuerint Tyrij, & Babylonij, qui ædificando Templo operam nauarunt, sibi que præ alijs nomen compararunt æternum.

Propterea exclamat Dauid in Psalmis.

Gloriosa dicta sunt de te, Ciuitas Dei, memor ero Rahab, & Babylonis scientium me. Ecce alienigenæ, & Tyrus, & Populus Æthiopum, hi fuerunt illhic.

Nihil ex mundanis omnibus Deo spectabilius redditur,

ditur, quam Templum: super hoc liberalitatis suę oculos defixos habet, ad hoc aspicit, vt hominibus faueat, in hoc oblectatur, Regnique sui magnitudinem aperit, & gloriam.

Talia igitur pia, & magnifica opera, Nos quoque laudamus, & celebramus, nonnullas tamen regulas: in Ecclesiarum constructione admodum necessarias, decernendas duximus.

Ecclesiam ergo, vel Oratorium ædificare nullus audeat, antequam Episcopus fixa Cruce locum designet, figuramque ædificij præscribat, & donationem, qua vnius Sacerdotis, & Clerici, vel plurium eleemolina statuatur, & reliquis Diuini cultus indigentibus consulari, ita enim Aurelianensis Concilij Statuta sequentes, hac nostra sanctione mandamus.

Insuper statuimus, vt nullus, siue Parochus, & Titularis, non exemptus, siue Laicus, prætextu, vel occasione cuiusuis reparationis Ecclesię, aut Oratorij, cui præsit, quicquam innouare quoad externam loci figuram, seu Sacras Imagines audeat, nec quidpiam de nouo facere, vel construere, Nobis prius non consultis, sub demolitionis pœna, ac damnorum, (si quę illata fuerint) exoluendorum, & alijs arbitrio.

Item volumus vt in vniuscuiusque Ecclesię fronte pingatur, seu sculpatur, decorè quidem, ac dignè, eius Sancti Imago, in cuius honorem Deo Optimo maximo Ecclesia illa dicata fuit.

Olim quoque, & antea appositas, sed temporum iniuria pœne deletas imagines, infra duos menses, a die

die huius Nostræ Synodi, denuò pingi, seu reformari iubemus.

Et quoniam præcipuè Pastorum curæ, ac studio committitur, sacrarum ædium dignitatis tutela, in quibus Deus adoratur, ac perpetuis Sacrificijs placatur.

Prohibemus ideo in Ecclesias quicquam prophanū inferri, venale, vel sordidum.

Item per Ecclesiam fieri transitum cum oneribus.

Mundities, & decus vndique fulgeat, nihil incompositum, nihil indecorum appareat.

Ab ijs etiam sint procul nundinæ, edulia, choreæ, tripudia, ludi, & Circulatores. Omnia denique pietatem, deuotionem, ac religionem redoleant, & vbi Deus est in sua Maiestate, ibi quisquè in timore maneant, & tremore.

Amplius volumus, ab nulla parte templa priuatis domibus, & multo minus coquinis, stabulis, & cellis vinarijs adiungi.

Nec diuersum de Capellis, Oratorijs, ac quibusuis alijs locis religiosis iudicamus.

Diuidantur ergo, & separentur omninò à Sacris locis priuatorum ædificia

Prope tamen Ecclesiam Rectoris, seu Parochi domus adesse probamus, vt eius vasa, & supellex, iusticustodis tutela à periculis vindicentur.

Si quæ ædificia iam extructa, Ecclesijsquè iuncta reperiuntur, seiungi, & amoueri infra quatuor menses, à die promulgationis huius Synodi, districtè mandamus.

Ad Parochiales Ecclesias, vel construendas, vel reparandas, vel in necessarijs ampliandas, auxilio sint Parochiani, nec suo muneri defit Parochus, suoque exemplo populos ad Christianam liberalitatem præeat, & prouocet. Vt Dei Domus honorificè se habeat, vt ne ruinis obnoxia, diuinis etiam laudibus destituatur.

Et quoniam constructa Ecclesia, debita cum reuerentia, excolenda est, ideo ab Ecclesia scœnicæ quælibet, etiam Spirituales representationes, multoque magis sæculares actiones, deambulationes, & strepitus omnes arceantur, iuxta Sacri Tridentini Concilij Decreta.

Fœdi, & impudici nec nomen audiatur.

Rectores, Vicarij, Sacristę, Custodes, quos noverint delinquentes, Vicario Generali, aut Capitulari deferant puniendos.

Illius valuis, de rebus prophanis schedulæ non asfingantur.

Altaribus laici non accedant, aut incumbant.

Canes venatici, volucres, hastæ, sclopeti in eam haud inferantur.

Et ne Sacerdotes, ac fideles à Diuinis, abstrahantur, & vt scandala, & tumultus euitentur.

Prohibemus in Ecclesijs, vel locis Sacris occasione festiuitatum earundem Ecclesiarum, vel alio quouis tempore quidpiam ræpresentari, siue per volatum auium, siue per igneos radios, vel per alia similia, sub pœnis grauissimis, arbitrio.

Men-

Mendicantes in Ecclesijs etiam Regularium, ad Portam Ecclesiæ consistent.

Non desit Templis Dei ornatus, & splendor, quo Diuinus cultus, & honor extollitur.

Ornatus autem maximus Sacramentorum, redemptio est captiuorum (inquit Diuus Ambrosius) Melius est quandoquæ vasa viuentium seruare, quam metallorum. Bonum est ornare parietes, sed vtilius pauperibus providere; vtrumque autem facere, gloria Sacerdotis est.

Præterea vt loci ratio postulabit, ad vnius nostri exemplaris normam, ac præscriptum, Sanctissimæ Eucharistiæ Tabernacula, Reliquiarum Vascula, Olei Sancti custodias, sedes Confessionales, Turres campanarias, Sacraria, Cæmeteria, ac cætera ad cultum externum spectantia confici, ac instrui mandamus, non tamen, vt iam constructa destruantur, sed imposterum reformanda, faciem formamque recipiant cõsimilem. Itaut Hierusalem nouam Ecclesiæ nostræ representent in terra, earumque participatio sit in id ipsum.

At vt in prædictis vniformitatem exoptamus, sic in ipsis volumus multiplicem virtutum varietatem conrascare.

Et quod attinet ad Sacrarium Ecclesiæ, locus & mundus sit, & instructus, munda sint omnia, recondita, mundus sit custos, animo, & corpore.

Ædituus, seu Sacrista, & Custodes Ecclesiæ Cathedralis, muneris sui partes in Cæremoniali Episcoporum

porum descriptas teneant.

Illud curent, ne intra Sacristiam Laici immorentur.

Arceant vana colloquia, risus, dicteria, & maledicas obrectationes.

Qui Canonicis inseruiunt, operis sui partibus actis, extra Sacristiam migrare debent.

Clerici Sacro modestè deserviant, & rectè pronuncient verba ad eorum munus spectantia.

Canonicis Præfectis morem gerant.

Studeant Sacristæ, vt Sacerdotes celebraturi, opportuno tempore, & ordine, exeant.

Vt Capellani, vel qui eorum locum, & personam, permissu Nostro sustinent, Sacrū faciant, sicut ex Altarium fundatione, vel Ecclesiæ consuetudine tenentur.

Neminem permittant per Ecclesiam deambulare, vel eleemosinas quærere, dum Sacra concio, & lectio, ac Diuina habentur.

Curent, vt statis horis dentur signa congrua Campanarum, quoties officia erunt celebranda, vel concio, aut lectio habenda.

Turrim suam Campanarij custodiant, & præter necessitatem minimè aditum permittant.

DE CONSECRATIONE ECCLESIAE.

Sacrofanctum Missæ Sacrificium, & alia Diuina Officia in Ecclesia, vel Oratorio celebrari prohibentur, quoties ipsa Ecclesia, vel Oratorium Ecclesiasti.

fiastici ritus benedictione saltem caruerit.

Benedicere tantum poterit quilibet Sacerdos auctoritate sibi à Nobis tunc delegata.

Cum autem consecranda erit Ecclesia, non ab alio, quàm ab Episcopo, secundum Romani Pontificalis prescriptum, consecrari poterit.

Dos competens, ac perpetua eidem Ecclesiæ constitutur, & cum effectu per publicum documentum assignetur.

Consecrationis peractæ monumentum fiat, in marmoreis lapidibus Ecclesiæ.

Anniuersaria Cōsecrationis dies agatur solemniter.

Liber conficiatur in quo Ecclesiarum Consecrationes, & Benedictiones scribantur, qui in Archiuo Episcopali reponatur.

Post Consecrationem, nihil noui ædificij fieri poterit in Ecclesia consecrata, nobis inconsultis.

Violata etiam, aut polluta Ecclesia, quæ consecrata fuerit, vnus erit Episcopi eam benedicere, & reconciliare.

Polluto Cæmeterio, nullus reconciliet, nisi de facultate nostra.

DE BONIS ECCLESIASTICIS.

DEcet Ecclesiæ Sacerdotes, & Clericos abiectis rerum temporalium curis, fideles fieri Ecclesiastici Patrimonij dispensatores; propterea satis nostrorum Clericorum officio factum putamus, si administramus.

ministratores huiusmodi peculij se potius, quam Dominos præbeant, ut si quæ Altari seruientes de Altari sumunt, ad vitæ necessitatem conferant, & quæ superfluent in Ecclesiasticos vsus à Sacris Canonibus præfinitos erogent, & præsertim pauperibus distribuunt, ut inopi subministrantes, ipsi veluti pauperes viuant voluntarij.

Euangelici Ministri forma est constitui super familiam Dei, ut det illis cibum: Pastor non sit sicut ouis, erecta ille in Cælum facie gradiatur, oues pabula queritent. Ecclesiæ bona non ad manus, sed ad pedes illius perueniant.

Quod tamen habent Ecclesiæ patrimonium, fideliter custodiant, ut quæ sunt Ecclesiæ sub omni sollicitudine, Conscientia bona, & fide non ficta, quæ in Deum est, conseruentur. Domos reficiant, agros curent, Prædia siue Urbana, siue rustica meliora efficiant, & ne quid de peculio Christi pereat, Bonorum omnium tam mobilium, quam immobilium, reddituum, vsuum, quorumcumquè iurium ad prædictas Ecclesias, seu pia loca quouis modo pertinentium, conscribant indicem, adiectis etiam bonorum, & iurium locis, & locorum appellationibus, iuxta formam à Nobis tradendam.

Eiusdem Indicis exemplum tabellario nostro dimittant, & alterum penes se retineant. Quod si bona aliqua recenti fidelium pietate accederent Ecclesiæ, vel vetera aut immutarentur, aut perditâ recuperarentur, ea statim catalogo prædicto superaddantur,

tur, dimisso pariter (vt supra dictum est) exemplo.

Sed amplius, Mensæ nostræ Episcopalis bona singulis annis à nostro Commissario sæpe visitari mandamus, vel ab vno ex Canonicis à Nobis deligendo, hoc enim studio, Ecclesiasticorum bonorum incolumitati valde præcipere cupimus. Visitatores, re peracta, scripto deferant, quæ curanda repererint, suamquæ dicant sententiam.

Haud minus studiosè Capituli, ac præbendarum bonis consuli præcipimus, iuxta præscriptum eiusdem Capituli.

Et vt facilius iura Ecclesiarum conseruentur, mandamus de prima solutione canonis, seu alterius responsionis nouo Beneficiato, vel cuicumquæ prouiso facienda, Instrumentum solutionis fieri, & apud acta Cancellarij describi.

Sub eadem ratione Beneficiati, lapides marmoreos apponant super domibus, & ædificijs ad eos iure proprietatis, vel directi dominij spectantibus, vt quocumque tempore res ipsa, vt ad Ecclesiam pertinens, agnoscatur.

Bona Parochiarum, & Beneficiorum quorumcumquæ, ac Titulorum non exemptorum, à Vicarijs foraneis sæpè visitentur, quibus ipsæ Parochiæ, & beneficia subsunt Ecclesiarum verò, quarum Parochi sunt Vicarij, ab antiquiore illius Vicariatus Parocho, siue ab alio à Nobis deputando.

Visitatorum autem quisquæ referat in prima Congregatione coram Nobis habenda, quidnam ad Ecclesiæ

clesiæ vtilitatem agendum putauerit, & super bonis titularium simplicium, nos quoque faciat certiores.

Et quia manifestas cunctis esse oportet, & res Episcopi, & Ecclesiæ, vt nec Ecclesia detrimentum patiatur, nec Episcopus in suis, pro Ecclesiæ bonis proscribatur. Statuimus, vt mobilia omnia tam in Episcopali Palatio Ciuitatis, quàm in ruralibus posita, in commentarium à Cancellario nostro redigantur, & ea quidem, quæ primum ibi reperiiebantur, cum ad huius Sanctæ Ecclesiæ regimen vocati fuimus.

Illis sic descriptis, Episcopatus signum imprimatur. Inuentarij exemplum ad Archivium nostrum deferatur; Prototypus maneat in actis nostri Cancellarij.

Ad hæc, hortamur vniuersos ex Clero nostro, vt in fructuum prædiorum suorum distractione, mites se, & publici boni studiosos præbeant, sic enim benedictione accipient à Domino.

Nihil verò penitus de Ecclesiæ Patrimonio distrahant, nihil neglegant, nihil minui, vel vsurpari permittant; turbationes, & violentias Nobis significant, & attentantibus, vt ab huiusmodi iniquitate se abstineant, districtè in Domino præcipimus.

Et quoniam alienationes, & locationes in propinquos factæ, suspectæ fidei iudicantur; ideo statuimus, vt nemini Ecclesiasticum beneficium possidenti liceat, nulli propinquo suo intra tertium gradum, aut ad quodcumquè temporis spatium, Ecclesiæ bona locare, aut in emphyteusim concedere, etiam cum suppositione ficta alterius personæ, vel nominis, nisi de eui-

denti

denti vtilitate eiusdem Ecclesiæ, præter alia iuris requisita, legitimè appareat, sub pœna nullitatis, & alijs arbitrio infligendis.

Nemo deniquè audeat, iuxta Sacri Concilij Tridentini Decretū, bona Ecclesiæ, repræsentata pecunia, in successorum fraudem, & detrimentum locare, vel cōducere, & maximè ad diuturnum tempus. Si quis autem non paruerit, sciat locationem factam corrui, etiam pro tempore permissio iuxta Canonicas sanctiones.

Et vbi in alienationibus Apostolicum beneplacitū desideratur, nullus audeat quascumquè alienationes facere dictorum bonorum, traditis possessione, vel dominio, (saluo, vel reseruato beneplacito Apostolico) putans forte sub hac cautela validè contrahere.

Adhuc enim possessio pro nulla habetur, nec fructus interim lucratur acquirens, imo ipsæ alienationes nullæ, & irritæ fiunt, & contrahentes alijs pœnis subiunguntur, iuxta Sanctæ Mem. Pauli Secundi, & aliorum Summorum Pontificum Constitutiones.

Vbicumquè Ecclesiasticus aliquis Beneficiatus diē suum dormitionis in Domino obierit, mandamus, vt Canonicus Præfectus Spolij pro tempore existens, in Ciuitate, & Vicarij Foranei in suo Vicariatu, omni studio contendant recuperare scripturas quascumquè, quæ ad Ecclesias vacantes pertinent, ad finem eas fideliter tradendi successoribus.

DE LEGATIS PIIS.

Licet alias Ediçto nostro speciali de Legatis Pijis perfoluendis satis prospexerimus; quia tamen ob nonnullorum contumaciam, & (quod deterius est, nostrumquè animum torquet) cum eorundem animæ perditione, nec non defunctorum ad pias causas disponentium contemptu, & spirituali iactura, adhuc dicta legata non perfoluuntur; ideo Decreto nostro Synodali, hoc idem necessarium officium, vt pia legata perfoluantur, repetere constituimus.

Primò itaque scribæ, & Notarij omnes, & quicumquè testamenta, codicillos, aliasquè tabulas conscribentes, & de illis rogati, aut penes se habentes dicta testamenta, & scripturas rogatas de similibus relictis, & Legatis, ea nobis omninò denunciare non omittant, imò excommunicationis latæ sententiæ pœnam eis indicimus, nisi infra terminum trium mensium, qui à die publicationis huius nostræ Synodi peremptoriè intelligatur assignatus, Cancellario nostro tradita etiam particula testamenti, seu alterius cuiusvis dispositionis, etiam inter viuos, significauerint; præterquam si ante huius Synodi publicationem ea denunciaissent.

Subeant eandem pœnam, qui impofterum testamenti tabulas, aut cuiuslibet alterius dispositionis, cum similibus relictis, & legatis scripserint, & rogauerint, nisi intra tres menses à die mortis Testatoris, eadem legata renunciauerint vt supra.

Hoc

Hoc nostrum Synodale Decretum bis à Parochis in anno, populo Vulgari sermone recitandum imponimus, videlicet in festis Natalitijs, & Paschatis Resurrectionis Domini.

Post denunciationem factam dictorum legatorum, ea statim in librum à Cæcellario, & Notarijs nostris referantur, ne memoria illorum intereat.

Nullus deinde, quæ iure legati alicui vsui pio addita sunt, ex testatorum dispositione, commutare audeat, & ad alterius æquè pij vsum transferre.

Amplius, quæ pauperibus relicta sunt, nullus sibi vsurpet, aut attribuat, quia ad nostram Episcopalem curam, munusquè pertinet cauere, ne defunctorum pijs voluntatibus fraus aliqua fiat, & quod secundum eorum mentem ipsa legata exequutionem habeant.

Demùm, qui legata soluere debent, ea prompto animo præstent, nec differant sub quouis prætextu ea persolvere, sub pœnis Edicto nostro comprehensis; noscantquè omnes nostræ benignitatis argumenta, qui monitionibus primo, deinde iussis, huiusmodi præstandam satisfactionem pro animarum salute toties repetimus, sibi præcauentes, ne forte aliquando seueram subeant correctionem, & temporalibus etiam damnis subijciantur

DE ELEEMOSINIS, ET QVÆSTIBVS
PAROCHORVM.

Licet in pluribus harum Constitutionum partibus, pietatem in nostris Clericis, & alijs viris Ecclesiasticis laudemus; quæstum autem valde damnemus, non ab re tamen putamus, particulari constitutione, propositi nostri sententiam in re tanti momenti repetere.

Maximè siquidem mærore afficeremur, quoties Clericorum, ac Sacerdotum animos avaritia deprauatos, & lucri cupiditatibus inhiantes experiremur.

Sanè quamuis Parochus omnibus alijs virtutibus fulgeret, deficiente pietate, ac misericordia, suarum omnium virtutum deficeret triumphus.

Oliuis, & palmis pueri Hierosolymæ, Christi Domini triumphum celebrarunt, quia oliua pietatis palmam refert victoriæ, & eleemosina abiecta non potest victoria coronari.

Sacramentorum, & verbi Domini ministris sordidum quæstum prohibemus; ita enim verbum Dei adulterari videtur, eaque pacis iura, quæ Christus Dominus in Cælum ascendens, gratuito hereditatis beneficio reliquit, indecoro sænore de honestantur.

Eadem ratione collectarum discos, vel Arculas in Ecclesijs, aut Oratorijs sub nostra potestate apponere, prohibemus, absquè speciali nostra facultate; & apposititas omnino remoueri.

Om.

Omnes igitur has, ac similes corruptelas præsentī lege abolemus, & si Parochi, & alij ad quos spectat, sub quouis prætextu huic nostro decreto minimè paruerint, graues pœnas arbitrio nostro infligendas patientur.

Concedimus autem dignis ex causis in Ecclesia Cathedrali arculas pro eleemosinis pauperum Ciuitatis; item ad cultum Altaris B. Virginis ad Columnam.

Item Altaris inferioris B. Virginis, & Sanctissimi Sacramenti.

DE PRIMITIIS, ET DECIMIS.

Vetustissima est Decimarum, & Primitiarum soluendarum consuetudo, Diuino iussu imperata, Sacris literis, & vnanimi Sanctorum Patrum consensione approbata.

Certè Tridentini Concilij Decreto cautū est etiam, non esse ferendos, qui varijs artibus Decimas Ecclesijs obuenientes subtrahere moliūtur, aut qui ab alijs soluendas temerè occupant, & in rem suam vertunt, cum Decimarum solutio debita sit Deo, & qui eas dare noluerint, aut dantes impediuerint, res alienas inuadant. Vnde ibi Sancta Synodus præcipit omnibus cuiuscumquē gradus, & conditionis sint, ad quos Decimarum solutio spectat, vt eas, ad quas de iure tenentur imposterum Cathedrali, aut quibuscumquē alijs Ecclesijs, vel personis, quibus legitimè debentur, integrè persoluant, qui vero eas aut subtrahunt, aut

impediunt, excommunicentur, nec ab hoc crimine, nisi plena restitutione secuta, absoluantur.

Proinde illis, qui Decimam soluere debent (quæ iuxta consuetudinem huius Diocesis debetur Episcopo, sicut quarta Parocho) iniungimus, ut ab omnibus, ad quos spectat, fideliter, & libenter præstetur.

Qui illam colligunt, iuste, & modeste se gerant, statutisque, ac consuetis utantur mensuris.

Et ut fraudes omnes, & dissidia euitentur, mandamus, ne aliquis audeat ex agris mouere, & aliò ducere frumenta, aut quascumque segetes, vinum, aut quoduis aliud, de quo debeat Decima, nisi vocato prius loci Decimatore, & iuxta locorum consuetudinem.

Is moram minime faciat, sed intra vigintiquatuor horas accedat ad accipiendam Decimam.

Et si Decima solueretur in area, prout plerumque accidit, in Fabis, Ciceribus, Faveolis, Milijs, ac similibus, quæ ad aream ducuntur, ea pariter inde non amoueantur, nisi vocato prius, ut supra eodem Decimatore.

In custodiendis Vitis, Coloni maiorem curam adhibeant, ne aliquid Dominis, & Decimæ pereat, in ea autem Decima exsoluenda, volumus Decimatorem, nec vvas deteriores, nec pretiosiores, aut meliores eligere, sed cum humanitate de utraque specie Decimam percipere.

Caveant etiam Coloni in nostra Diocesi non habitantes, terras tamen in Diocesi habentes, ne fruges, De-

Decima non soluta, aliò exportent; vt enim dolose agerent, nec tamen iura Ecclesiæ minuerent, quæ agrorum possessores sequitur, ita graues pœnas à nobis irrogandas subirent.

DE ECCLESIASTICA IMMUNITATE TVENDA.

Zelus Domus Domini Apostolicæ sollicitudinis viscera semper comedit, ne forte opprobria illi exprobandium super eos cadat, quos Deus Ecclesiæ suæ præsidere decreuit: quod si inanium Deorum cultores loca quædam habuerunt, veluti Sacrosancta, à quibus neminem vi abducere fas erat; multo sanctius diuinæ, & humanæ leges Christianis Ecclesijs, in quibus Trinus, & Vnus Deus adoratur, hoc ipsum tribuerunt, vt, qui ad eas confugiūt, nulla vi extrahi possint.

Huiusmodi immunitatem tueri, præcipuum Episcoporum officium esse Pontificum Summorum decretis sancitum est.

Gregorius enim X. in Lugdunensi Concilio statuit, vt Ordinarij locorum de Immunitate Ecclesiastica sanctiones obseruari faciant.

Arguit Bonifacius Octauus Ecclesiarum Prælatos, qui scandalis, & abusionibus Immunitatem prædictā lædentibus acquiescunt, inobedientesquæ depositionis pœna cœrcet.

Damnat similiter iuxta præterita Concilia Clemens Quintus, & Benedictus XI. eos Prælatos, & Clericos, qui

qui Ecclesiasticam immunitatem, & libertatem defendere negligunt.

Clamat Nicolaus Pontifex periculosum esse diuinis tractandis rebus suę cedere potestati, laicisque periculosius iisdem diuinis rebus manus inferre.

Alia plura Cæsareæ, & Pontificiæ Constitutiones fanciuerē.

Si quis igitur in talia loca Sacra aliquid attentauerit, confestim Ecclesiastici Sæculares, & Regulares omnes, quorum Ecclesię illata vis, & iniuria fuerit, certiores Nos reddant, causamquē instructam (si fieri potest) transmittant.

Et cum ad immunē locum quis confugerit criminofus, & foro iudiciali obnoxius, statim secretò Nobis renuncient, vt, re maturē in Domino perpensa, quid statuendum sit dignoscere possimus absque violatione immunitatis.

DE LAICIS INTRA PRESBYTERIVM NON ADMITTENDIS.

MAndamus hac præsentī Constitutione Laicis omnibus vtriusquē sexus, vt dum Sacra, Diuinaquē celebrantur, extra Presbyterij, & Altaris se contineant septa.

Nam & vetus fuit mos, Clericos à Laicis in Ecclesia cancellis separari, ne forte illis obijci posset, quod Dominus per Ezechi.

Fabricati sunt limen suum, iuxta limen meum.

Nul-

Nullus itaque cuiuscumque sit conditionis, ac prerogatiue audeat sellas, aut scamna circa Altare, vbi Sacra peraguntur officia, per se, vel per alium deferre.


Sæpe enim accidit, vt Sacerdotes, & Clerus Diuina obeuntes, in eas redigantur angustias, vt minimè possint expedire, & honorificè Sacra officia celebrare, & quod deterius est, alij, vel irreligiosi, vel impij, eodem loco impudenter peccare non erubescunt, vbi iustificari oportet coram Domino.

Multo minus Laici Sacristiam Ecclesiæ Cathedralis intrare audeant, iuxta nostrum Edictum, nec dum Diuina celebrantur, inter Canonicos, aut alios Ecclesiæ Clericos, & Præbendatos, in Choro stare, vel sedere, occupare stalla, seu loca Dignitatum, Canonicorum, Clericorum, & Præbendarum in eodem Choro, vel Presbyterio.

Similiter quoque in Concionibus Laici prædicti non occupent locum Capituli, aut Cleri.

Parochi omnes Cancellis, vel scamnis sepiant Altare, quoties solemniter ibi Sacra, seu Diuina officia facere contigerit, & intra illud septum non audeant Laici inferre pedem, & minus alia præstare impedimenta circa Altare, in quo celebratur, sub pœnis arbitrio.

Hoc nostrum Decretum Parochi, & Rectores omnes, quoties expedire iudicauerint, Populo repetant, ne quis scienter contraire nitatur.



PARS QVARTA

DE

CANONICIS.

CAnonici inferioris Cleri speculum, exemplar, Ducesquè sunt, qui exterius, se interiusquè sic componere debent, vt cæteros exemplo dirigere, suisquè imitatione regere valeant.

Lætatur autèm summopere, Canonicos nostros plenitudinem vocationis suæ piè, ac religiose seruare, nihil vacuum, nihil minus ostendere; sed se se totos exhibere Deo in omni studio, puritate, & humilitate.

Non ab re tamen putamus in ijs, quæ ad eorum officia pertinent, pauca nōnulla in memoriam reuocare.

Itaquè, ne Chorus Diuinorum officiorum tempore aliquando destituatur, mandamus plures Canonicos eodem tempore Chorum non exire ad celebrandum, nisi seruitium Ecclesiæ aliud requirat, Præfetti Chori arbitrio.

Canonicis. tunc exeuntibus ad celebrandum, Capellani abstineant, vt magis Chori seruitio, & Ecclesiæ consulatur.

Di-

Dignitates, & Canonici, quo decet oris, & Vestium
Sacerdotalium decore celebrent.

Annulum tamen deponant.

Oneribus missarum, quæ habentur in fundatione
Canonicatum, seu beneficiorum, plenè satisfaciant.

Si occurrant duæ missæ in Ecclesia, altera de festo,
altera de feria, veluti in Quadragesima, & similibus,
obseruetur rubrica tertia missalis.

Die, quo Anniuersarium solemne cum tribus No-
cturnis, & Missa celebrari debet, horis etiam tertiæ,
sextæ, & nonæ recitandis in Choro, post primam Ca-
nonici intersint.

Absentes punctatione notentur.

Missæ conuentuales de die in reliquis diebus can-
tentur, horis præscriptis à Rubricis Missalis.

In Diuinis officijs obeundis, & missis solemnibus,
ac priuatis, & in Ecclesiasticis omnibus functionibus
non discedant à Rubricis Breuiarij, Missalis, Cære-
monialis Episcoporum, & Pontificalis Romani.

Et vt Diuinus cultus magis adolescat, laudabilem,
& antiquum morem Ecclesiæ nostræ Cathedralis ad
vsum reuocantes,

Decernimus, vt in festis Natiuitatis, & Resurre-
ctionis Domini, Sancti Georgij, nec non Circumcisio-
nis, & Pentecostes augeantur distributiones, perinde
vt Capitulum decernet.

Duæ præterea partes Canonicoꝝ semper resideant.

Absentes verò distributionibus gaudeant, qua ra-
tione indulsit summus Pontifex Clemens viij. S.M. per

duos menses absentię, & non vltra.

Amplius laudabile, & decorum valde iudicamus, vt præfentes in Choro Canonici cū alijs psallāt alta, & cōfona voce, sic enim plenius suę obligationi satisfaciēt.

Nobis sane celebrantibus, vel Pontificalia quæcumquē exercentibus in Ecclesia Cathedrali, assint omnes, nec recedant, nisi functione absoluta.

Extra Ecclesiam (in Ciuitate tamen) adsint illi, qui in Ecclesia Cathedrali solent assistere, & ministrare.

Qui ex Canonicis eleemosinis præfunt, curent librū haberi à Sacrista, in quo describantur accepti, & expensi rationes dictarum eleemosinarum.

Hæ non nisi in causas destinatas conuertantur.

Similiter Præfetti fabricæ, sacristię, Capellæ B. Mariæ Virginis de Columna, & Spolio, hæc eadē impleāt.

Præfectus quoq; Musicæ, suū exactè munus expleat.

Is suo tēpore mercedes vnicuiq; ex Cātorib; de mōre solui à Capituli Camerario procuret, iuxta cuiusquē salariū, itaut pars vnus vacās, alijs minimè accrescat.

Non prætermittant Canonici præstare iuramenta, qui ratione officij, vel alia de causa iurare tenentur.

Dū aliquis admittitur in Canonicū nihil exigatur, quod simoniā sapiat, iuxta s. Conc. Tridentinide creta.

Domus Canonicales, & Mansionales Ecclesiæ Cathedrali proximæ, non locentur habentibus mulieres, seu cauponam exercentibus, & in hoc feruentur ordinationes Capituli.

Foribus Canonica custos presit, cū salario cōsuetō.

Demum Canonici suarum præbendarum fructibus

vtan-

vtantur quasi alienis, fundum verò custodiant vt proprium.

Mutuo se diligant, & sermones vnanimi, & concordie conferant studio, iuxta illud Psal.

Suscipiant Montes Pacem Populo, & colles iustitiã, vt Diuus interpretatur Augustinus.

Pax est Christianæ Religionis stabile fundamentum, & Altaris Dominici Cælestis ornatus, ait S. P. Chrysol.

DE CANONICO PÆNITENTIARIO.

SANè si præcipuum confessoriorum officium iudicatur, peccantes, & criminolos ad viam iustitiæ reuocare, & vt Sanctus Petrus Apostolus docuit, fidelium animas saluare, & operire multitudinem peccatorum, hoc idem multo aptius, ac dignus Canonicum Pænitentiarium implere consentaneum est.

Eò igitur mentem, & animum vertat, vt in spiritu lenitatis, & mansuetudinis peccatores suscipiat, & ad malè actæ vitæ pænitentiam benigna monitione traducat,

Et quoniam secundum facultates per Nos Pænitentiarium, pro tempore tradendas, à censuris, & culpis à Nobis reseruatis maiora audiet crimina, in decernendis pænitentijs modum tenere debet, & cuiusq; pænitentis animum, & ingenium sane perpendere, ne alij forte nimia facilitate licentiores ad peccandum efficiantur, alij nimia seueritate deteriti in maiorem, & desperationem adducantur.

His præsertim medicamentis suos veluti curret infirmos, primò scilicet conscientie munditiam, & tranquillitatem suadeat, sine qua nec Deo placere possumus, nec tutò inter ærumnas mundi quiescere, nec beatè vitam ducere.

Inserat eorum animis, confidentiam de Diuina misericordia, absquè operibus infructuosam esse.

Et si quempiam peccatorum pondere pressum, desperati fortè animi agnosceret, per officiosa verba, imò etiam per lacrymas reducere illum contendat.

Lacrymis quippè dignior est, qui cadendo, iacet post casum.

Amplius Volumus Penitentiarium nullis alijs se dedere negocijs, vt frequenter pænitentibus paratum præbere se possit.

Festis solemnibus in Quadragesima, Aduentu, Quatuor Temporibus, Paschate, & eiusmodi, nec nò feria sexta cuiuscumq; hebdomadæ, & quandocumq; vocatus fuerit, sedeat in suo confessionalis, tanquam in dignissimo Tribunali, supremus Iudex sententiam pronuntiaturus.

Tamdiù maneat, quamdiù pænitentium frequentia postulauerit.

Superpelliceo, & Cappa induatur, stola superas sumpta, vt cum dignitate Christi vices, suumq; iudicium sustineat.

A criminibus reseruatis non absoluat, nisi integris auditis confessionibus.

DE CANONICO THEOLOGO.

Prebendam, cum onere Sacram explicandi scripturam, obtinens Theologus, meminerit hoc ipsū nobile officium, ac ministerium per se ipsum implere debere.

Tenebitur Sacram explicare scripturam loco, & tempore à Nobis deputandis.

Quam autem diuinæ scripturæ partem perlegere debeat, arbitrio Nostro relinquitur.

Sicut etiam quis substituendus sit, detracta etiam portione fructuum, loco illius, qui ægritudine aliqua insanabili, vel alio impedimento perpetuò detentus fuerit.

Consilij ad quæstiones conscientie spectantibus, præsidebit singulis mensibus.

Nullis alijs se implicabit negocijs, vt honorificum adeo, & laboriosum facinus diligenter possit implere.

Doctrinæ splendorem morum cum innocentia sociabit, vt vnde Christiana Dogmata hauriuntur, inde virtutis exempla petantur.

Illud quoque præ ceteris attendet, vt in hoc munere subeundo, non Concionatoris, sed Lectoris exerceat partes.

Quod vt commodè præstet, veram primò, & ingenuam Sacrarum Scripturarum sententiam explorabit; Si enim (ait Sanctus Augustinus) ad Sacras Scripturas admissa fuerint, vel officiosa mendacia, nihil in eis re-

manebit auctoritatis.

Deinde Sanctorum Patrum interpretationes legendosequatur.

Hæreticorum errores patefaciat, & falsa dogmata euertat, sitquæ Vox illius contra eos, quasi ignis, qui comburit siluam, & sicut flamma comburens montes.

Non tantum scripturas, sed etiâ Apostolorum traditiones sequatur.

Demû sicuti Populum lectionibus Sacre Scripturæ, vt inter sit, monemus, ita Clerum omninò assilistere iubemus, non dubitantes hinc resciri, & instaurari animos, & vniuersas in eis imprimi virtutes.

DE MANSIONARIIS.

VT grauissimo malo, quod in Ecclesia nostra Cathedrali, ni presentissimo remedio occurratur, serperet in dies magis, ac magis, maximo cum diuini cultus, & mutuæ pacis, quæ Clericis decet, detrimento, medicinam adhibeamus.

Operæ pretium est in memoria Mansionariorum munera, & onera ab ordinationibus Ecclesiæ nostræ Cathedralis, & Prædecessorum nostrorum, etiâ in Synodis eis iniuncta reuocando, & præcipue, vt diu, noctuquæ iugiter, veluti stationarij Ecclesiæ milites, in Choro concinnè, & figuratè canendo, Diuinis inter sint, nulli omninò venia absentiae data, nisi cum iura, vel prædicta Ecclesiæ nostræ decreta permittunt, &

de li.

delicentia Episcopi, & Capituli, vel Archipresbyteri, hebdomadarijs exceptis, quibus omninò venia deneganda erit.

Insuper cum ad Ecclesiæ decorem, ac diuini cultus splendorem augendum, fel. record. Prædecessor Noster Reuerendissimus Episcopus Fontana decreuerit, Missam Conuentualem quotidie celebrandam, cum ministris indutis, vbi prius per solos Sacerdotes sine ministris celebrari consueuerat, isquè, triginta ab hinc circiter, & pluribus annis citra, laudabilis vsus inualuerit, vt in duplicibus, semiduplicibus, vigilijs, alijsq; diebus ieiunio donatis, nec non infra octauas, Mansionarij, Diaconi, & Subdiaconi, dum in Choro his absentibus cantus sacer maximè deficeret, per substitutos, soluta congrua eleemosina ex Clero, vt plurimum ex Collegio Capellanorum electos munus hoc obirent, alijs verò diebus feriatis, & Sanctorum simplicium per se ipsos Capellani.

Super his quidem, donec aliter à nobis fuerit sancitum, nihil duximus innouandum, sed præscriptam consuetudinem omninò obseruandam.

Vt tamen certa lege ista fiant, & vt omne periculum cuiuscumquè perturbationis ab Ecclesiâ, quæ Domus Dei est, arceatur, adhibito Cōsilio admodū R. R. Canonicoꝝ fratrum nostrorum, auctoritatequè nobis attributa à Sacro Concilio Tridentino cap. 12. sess. 24. nec non à Sacris Canonibus.

Ecclesiam in sua possessione, vel quasi manutinentes decernimus, vt Mansionarij, Diaconi, & Subdia-

coni Choro, & cantui vna cum alijs dirigendo iugiter intenti, prædictis statutis diebus, per Ministros, Diaconam, & Subdiaconum substitutos inferuiant, soluta singulis ministris, singulis vicibus elemosina bononorum trium cum dimidio, quam solui volumus (ipsis statim non soluentibus) à Camerario Capituli ex distributionibus prædictis Mansionarijs alioquin debitis.

Vt autem non sint incerti ministri, sed expediti, & certi. Volumus sub initium cuiuslibet anni à singulis Mansionarijs, Diaconis, & Subdiaconis Vicario nostro, & Archipresbytero Cathedralis indicari scripto, quos quisque elegerit substitutos, siue ex Clero vniuerso, siue ex Collegio Capellanorum.

Quod si contingeret tot haberi non posse voluntarios, qui eo anno sufficere in ministrando, vt supra, possint, seu habitos ob varia impedimenta occurrentia non posse debitis temporibus interesse, tunc decernimus totidem, quot defuerunt substituti Mansionariorum (ne Ecclesia debitis defraudetur obsequijs, & Diuinus cultus vllò casu, aut aliquo pacto minuat, seu præpediatur, & vt plenius, quantum cum Domino possumus, prouideamus) ad nutum Archipresbyteri, vel alterius in ordine ex D.D. Capitularibus, Præfecti Chori, absente dicto Archipresbytero, ex Capellanis Ecclesiæ assumendos.

Præterea Altissimo Dei famulatui vberius consulendo mandamus, vt pariter sub initium cuiuslibet anni, à Massario Cappellanorum describantur magis idonei
in

in Tabella Vicario nostro Generali, & Archipresbytero tradenda, vt Chori Præfecto, quinam ex Capellanis aptiores in diuinis ad præstanda prædicta sint muneræ, semper innotescat.

Quibus Capellanis descriptis, seu alijs, vt supra, in subsidium operaturis, soluatur eadem eleemolina bononensium trium cum dimidio à Camerario Capituli ex distributionibus debitis Mansionarijs, Diaconis, & Subdiaconis.

Declarantes vltra dictam eleemosinam (cum Altari inseruiendo ob Ecclesiæ necessitatem, verè dicantur Diuinis interesse) distributionibus missæ Communis Capellanorum eos gaudere debere.

Et hæc omnia sub pænis arbitrio nostro pro qualitatè culpæ negligentæ, & scandali omni feria infligendis.

Cæterum, quia valde est indecorum Cathedralis Ecclesiæ Mansionarios, huc illuc cursitare, pretioque ac mercede, quam ex musico cantu reportant, suam, & Ecclesiæ dignitatem, & maiestatem diminuere; propterea imposterum nulli licebit Mansionario alibi, quàm in sua Ecclesia quibuscumquè musicis cantibus operam dare, nisi de licentia nostra, seu Vicarij nostri Generalis, sub pænis arbitrio.

DE CAPELLANIS.

Qui Altare aliquod, aut Capellam legitimè in Ecclesia Cathedrali obtinuerint, à Collegio Capellano-um minimè repellantur.

Neque tamen omnes sine delectu cooptandi erunt, sed illi, qui post præsentationem in Capitulo subsequutam, Collegij eiusdem iudicio, eiusquè Canonici interuentu, ac præsentia, quem ad id Capitulum ipsum designauerit, reperientur idonei, & qui Chori munera, suiquè officij partes rite, ac rectè implere poterunt.

Arbitrium, & examen, vbi factum fuerit, ad Chorum, Collegiumq; admissi intelligantur, ijsquè emolumentis potiantur, quæ admissionem consequuntur.

Examen non nisi ante tres dies à petitionis tempore perficiatur, veletiamsi fraude aliqua, odio, aut iniustitia aliqui ex Capellanis non admittantur, ius omne probationis ad Nos pertinere, & deuolui declaramus.

Nequè verò, priùs quam ad Distributiones admittantur, quidpiam, quod simoniam redoleat, erogare compellantur, sed statim atquè Choro inseruire ceperint, distributionibus, vt antiqui Capellani, gaudeant.

Capellani ergo in Collegium recepti, & ad distributiones massæ magnæ eiusdem Collegij admissi Choro omninò inseruiant, psallant cum alijs, & quæ ad Diuina pertinent, tunc plenè adimpleant.

Necgaudeant Distributionibus in mensibus absentia, quibus vacatio conceditur, nisi pro tempore eis
in-

indulto à S. M. Clemente Octauo Summo Pontifice.

Obedientiam, & reuerentiam Chori Præfecto præstent præsentēs.

Anniuersaria, & missas, iuxta Prædecessorum nostrorum præscriptum, & Tabellas celebrent, vt muneri suo satisfaciant, & Defunctorum voluntati, & animarum quoq; saluti piè succurratur.

Præterea Capellani Beneficiati in Ecclesia Cathedrali impleant onera in eorum foundationibus iniuncta.

Qui verò onera non habent ex fundatione, vel de ijs non constat, ea præstent, quæ ex ordine Tabellæ, & consuetudine præstare debent.

Idq; non solum ratione numeri missarum, verum etiam applicationis, & celebrationis.

Et quidem ad Altare proprii sui Tituli, dum tamen hoc ipsum impositum sit in fundatione.

Celebrent missam, maximè diebus Festis per se ipsos, qui ex fundatione per se celebrare debent, nec alibi sacrum faciant sub pænâ suspensionis à Diuinis ipso facto incurrendæ, nobisq; reservatæ.

Et si fortè per se ipsos celebrare non teneantur, impleant suas partes per substitutos.

Hi autem Sacrum faciant eodem modo, quo substituentes facere deberent, sub eadem pænâ.

Pro horum obseruatione, Tabellam in fine Synodi apponendam studiosè obseruent.

Fideles Nostri suffragia pro Defunctorum animabus libenter impartiantur, quò enim magis est necessarium officium, tantò esse debet promptum, & beneficium illorum auxilium.

DE

DE SACRIS RITIBVS, ET
CÆREMONIIS.

Pœnas diras indixit olim Deus in Populum suum, nisi mandata, & Cæremonias custodiret, Moy- siq; præcepit, vt populo ostenderet ipsas Cæremonias, & ritum colendi; Tanti faciens ritus, quibus in antiquo templo voluit sibi cultum exhiberi.

Horum rituum, & Sacrarum Cæremoniarum disciplina eò dignior in Ecclesijs Catholicæ Religionis tenenda est, quantò legis gratiæ Templo sunt præstantiora, in quibus nimirum, Deus ipse in sua maiestate adoratur.

Hoc igitur officium non inter postrema Nostræ Pastoralis sollicitudinis reposuimus, vt rite, & concinnè Sacra tractentur, Diuinaq; obeantur officia.

Itaque decernimus, vt in Cathedrali nostra vnus sit Sacrarum Cæremoniarum Magister, ad quem exacta huius Ministerij eruditio & exercitatio pertineat, ita- ut in omnes animaduertere possit, quamuis experimēto ipso modeste, submissaq; voce debeat corrigere, & ante (si fieri poterit) commonere.

Magister in Coadiutorem, vel substitutum, Clericū, & si fieri potest, Diaconum aliquem ex Alumnis Seminarij proponat, eligendum; sin minus ex alio ordine, à Nobis tamen approbandum, ætate, disciplina, & corporis habitu aptiorem, in quo actionis elegantia, officijq; decus præfulgeat. Hic absente Magistro

mu-

munera illius subibit, præfente verò ea procurabit, quæ idem magister iubebit.

Magistri præcipuum erit officium nedum contendere, ut decenti ritu Sacra obeantur, sed, & si quæ Ecclesiastico more consecranda fuerint, Episcopo proponere.

Insuper etiam indicare Præfesto Chori, ut si quæ acciderint, dum Diuina celebrantur officia, colloquia, risus, leuitates, aut externæ lectiones, statim præcendantur.

Sæpius vocis alternationes, & varias flexiones indicare, omnes accessus prohibere ad Altare maius, cum Sacra solemnitus dicuntur, à Choro Diuinorum officiorum tempore Laicos arcere, sedilium, cum concio habenda fuerit, distinctum ordinem seruandum curare, Dignitates, & Canonicos solemniori ritu celebraturos, seu alia Ecclesiastica munera subituros instruere.

Tandem toto pectore incumbere, ut sacrarum rerum splendore, & cultu, fidelium animi ad religionem commoueantur, & ad cælestium rerum desiderium excitentur.

Parochi omnes, tum Urbani, tum foranei hunc sæpè consulant Magistrum, & præsertim antequam exeat visitaturus Episcopus.

Ipse Magister, eiusq; Coadiutor eos perlegat libros, qui de Sacris Cæremonijs conscripti circumferuntur, maximè verò Pontificale, Missale, Breuiarium postremo recognita, & Rituale Romanum, eaq; Decreta, & Edicta obseruari studeat, quæ Sacrum Cæremonia-

le præscribit, & Sacra Urbis Rituum Congregatio pro tempore promulgabit.

DE VICARIIS FORANEIS.

VT singulæ Plebes Archipresbyterum habeant, qui nedum fidelis populi magis assiduam curam gerat, verum etiam Presbyterorum, qui minoribus Ecclesijs præsunt, vitam iugi circumspectione custodiat, ex antiquissimo huius Diocesis instituto cautum est.

Sed præterea, ut plures Vicarij Foranei assumantur mos inoleuit, quorum ope, & studio ampla Diocesis nostra in varias distributa regiones, possit congruè in officio retineri. Hunc morem Nos prosequi decreuimus, ut quæ vel per nostras occupationes, vel per humanam infirmitatem continuo lustrare non possumus, ea ipsa inspicere saltem, ac visitari aliorum oculis, & auxilio concedatur.

Inde, quæ Edicto nostro speciali de Vicarijs Foraneis iussimus obseruari, non solum à Rectoribus, sed etiam ab alijs quibuscumq; præfenti Synodo renouare constituimus.

Præcipuum itaque Officium Vicariorum erit, ut Decreta nostrarum Visitationum exequi faciant, tam per prædictos Rectores, quam per populum, & plebè illis subiectam, ut fidei rudimenta, doctrinamq; Christianam edoceant, & edoceri pueros, & puellas procurent, & ad hoc Doctrinæ Christianæ societatem in-

sua

sua erigant Ecclesia, & in alijs Ecclesijs Vicariatui subiectis.

Vt curent Sacrosanctum Missæ Sacrificium quibuslibet diebus festis ex præcepto, & fidelium deuotione obseruandis celebrari, & Dominicis, aut alijs solemnioribus diebus, populos Diuini verbi pabulo pasci, & sustineri.

Ne qui præterea culpa, vel negligentia Parochorū, Sacramentis Ecclesiæ destituti, è viuis discedant.

Ne domi Rectores mulieres, sine nostra licentia retineant.

Ne in Sacris functionibus quæstum aliquem, aut lucrum proponant.

Ne in Ecclesiam hastæ oblongæ, & sclopi cuiusque mensuræ inferantur.

Ne diebus festis ludi sculares, choreæ, aut alia prophana spectacula, præsertim Diuinorum officiorum tempore, maximè propè Ecclesias, habeantur.

Studeant quoquè legata pia, eleemosinasquè præstari, & solui solita, à quibus oportuerit dari, ac persolui, contumaces quibuscumquè remedijs opportunis compellendo, nostræquè authoritatis præsidium, si opus fuerit, implorando.

Blasphemos, Veneficos, Sortilegos, aut superstitionibus iniquis deditos, Concupinarios, Adulteros, Incestuosos, Stupratores, aut alios huiusmodi crimininosos publicos, vel à partibus delatos ad Nos deferre, & confecta vigore suarum specialium facultatum acta processus transmittere.

Insuper Cætus, & disputationes ad conscientiam pertinentes, omninò indicant singulis mensibus, & cōficient, deinde propositarum quæstionum decisiones ad Nos transmittant. Tunc singuli Sacerdotes, qui ad tales congressus accedere tenentur, nullo modo vacare audeant, & cum conuenerint, Sanctissimum Missæ Sacrificium offerant, & dum ibi missa solemniori ritu de cantatur, tùm ipse Vicarius, tùm alij è Clero omnes interfint Choro superpelliceis mundis induti, pallia siquidem, & pileos, ceterasquè vestes Diuinis officijs non aptas à Choro, & Ecclesia exulare mandamus. Peractis diuinis officijs, orationibusquè consuetis, domi Rectoris, qua decet modestia, præmissis precibus, sacraquè lectione mensæ adhibita, cibū capiant, frugaliquè victu sint in Domino contenti. Hæc autem omnia, vt ritè, recteq; peragantur, diligenter curabunt Vicarij.

Conueniant etiam ipsi Vicarij, atquè etiam Archipresbyteri, bis in anno, diebus indicendis coram Nobis, & statum Vicariatus sui, & Archipresbyteratus Nobis referant,

Vestes Sacras, quæ paramenta vocant, nullo modo audeant consecrare.

Cætera, quæ Sacro Tridentino Concilio, nostrisq; Decretis, & Edictis statuta sunt, vel in reliquum tempus statuentur, vt religiosè obseruentur, ad eorundem Vicariorum vigilantiam, & prudentiam spectabit.

His Rectores, & alij quicumquè ad quos pertinet, se omninò obediētes præstent, nostram hac in re auctori-

toritatem, & potestatem præferentibus, sub pœnis arbitrio, vel Vicarij Generalis nostri statuendis.

DE PAROCHIS.

Parochum decet eum eligi, qui nec emendicatis suffragijs, nec humanis officijs, nedum simoniâcis pecuniæ, linguæ, obsequij, turpibus artibus Christi Ouile ingrediatur. Sic intrantes Dominus accipit, ceteros, veluti non ascendentes per ostium, quasi fures, & latrones reijcit, nec finit ab ouibus eos audiri.

Suscepto officio, sic vitam suam instituat, vt ex eius moribus alij etiam pudoris, & innocentij petant exemplum, intelligens rudes præcipuè, & agrestes, nil aliud, quam integritatem Sacerdotis intueri; eruditionem, & litteras paucos ponderare.

Non tamen desinat ipse sacras litteras, Catechismum Romanum, Concilij Tridentini, & Synodorum Diœcesanarum præcepta per legere, & obseruare.

Domi, quantum potest, se contineat, commessationes, conuiuia, choreas, & ludos deuitet. Rectoris, & parentis maiestatem retineat, & decorem Sacerdotalem ubiq; sustineat, ne (quod absit) seculariū iniurijs subijciatur, Fœnoris aliquid, aut rustici ministerij non exerceat, item nec quod sapiat mereimonium: violator canonicæ disciplinæ subiacebit.

Frequens sit in Ecclesia, rarus in foro, non sordidi, non auari animi, sed liberalis, & excelsi.

In propria Ecclesia diebus festis Sacram Missam

omnino celebret, & non in alia, quacumque consuetudine in contrarium non obstante.

Vesperas cantet etiam cum altero tantum, alta voce, statuta hora.

Si concionabitur ipsemet, nullo modo, prætextu cuiuscumque paupertatis, eleemosinam solitam dari Prædicatoribus ambiat, aut petat.

Oblationis vetus institutum retineat quidem, sed non circumeat Ecclesiam, imo nequæ ab Altari discedat, & pro mulieribus usque ad prima illarum septa se transferat, & non ultra, Crucem, aut Pacis tabellam (patenam, & manipulum nullo modo) osculo attingendam præbens.

Pro matrimonio contrahendo non aliquid petat.

Similiter nihil accipiat pro administratione Sacramentorum, nisi sponte oblatum sit in eleemosinam.

Oblata intuitu piorum operum, ad usus destinatos fideliter conuertat.

Cereas Imagines, aureas, vel argenteas, quæ voti causa offeruntur, in libellum ad hoc compactum numeratum, & distinctè referat, nullo modo vendi, liquari, aut remoueri permittat.

Rituale Romano Pauli v. S. M. in administratione Sacramentorum, supplicationibus, & precationibus, librisque conscribendis Baptizatorum, & eiusmodi utatur.

In audiendis confessionibus utatur superpelliceo, & stola violacei coloris.

Libros habeat alias præscriptos in Visitatione nostra,

stra, omninò vero Biblia Sacra, quæ in prima futura Congregatione ostendat Vicario Foraneo, scripto in ijs nomine, & cognomine proprio.

Dominicis Diebus ineûtis septimanæ festos dies, & incidentes vigilas prænuntiet.

Funebria officia persoluenda indicet, Concionem aliquam ad Populum habeat, in qua prudenter frequentiora populi vitia, odia, & flagitiosos amores euitandos demonstret, moneat Patres familias, vt filios, ac famulos ad Ecclesiam, dièbus saltèm festis conuenire studeant, vbi, & missæ sacrificium, ac Diuina officia, Concionesquè audiant, & Doctrinæ Christianæ rudimenta percipiant.

Si expedire iudicauerit, alta voce repetat quædam rudimenta fidei, & explicet Populo. Quod aptè, & cum emolumento maximo fiet, dum populus diebus festis extra Ecclesiam in Cœmeterio oppèritur tempus audiendi Sacrum; fœminis in Ecclesia manentibus.

Tempore Quadragesimæ, & præsertim per hebdomadam Dominicæ passionis, exponat Populo, quæ pertinent ad S. Sacramentum Penitentix, & Eucharistiæ, & Hebdomada ante Pentecostem, quæ ad S. Sacramentum Confirmationis. Infra Octauam Epiphaniæ, quæ ad Sacramentum Baptismi, Infra octauam omnium Sanctorum, quæ ad Sacramentum extreme Vnctionis, & quoties se obtulerit occasio, quæ ad Sacramentum Matrimonij, & ad S. Missæ Sacrificium, eiu squè mysteria.

Et quia Pastoris est officium, vigilare, & custodire

vigi-

vigilias noctis super gregem suum, ideo ab Ecclesijs suis abesse, aut extra eas pernoctare vetitum sibi esse intelligat.

Si causa iusta illi sit, Vicarium Foraneum adeat, veniamquè roget.

Longioris certe temporis ultra biduum absentiam à Nobis, vel à Vicario nostro Generali probatam volumus.

Neque ex distantia loci excusabitur, etiam cum necessitate discedendi, ut possit à sua abesse Ecclesia sine licentia in scriptis obtenta. Et si forte talis repente se offerat necessitas, quæ non patiatur moram huiusmodi licentiam petendi, quam primùm tamen de hac necessitate, & de discessu Nos certiores reddat, ut de causa possimus cognoscere, prout decreto Sacrae Congregationis Concilij cautum est.

Si diebus festis ad aliquam celebritatem vocetur Parochus, ad illam nullo modo accedat ante Sacrum in sua Ecclesia peractum, cum ex præcepto Ecclesiae, aut consuetudine, vel usu dies festus colitur.

Præterea nunquam omittat egrotos suæ Parrochiae per se ipsum visitare, salutaribusquè verbis, & Orationibus sublevare, illosquæ (si morbus urgeat) Sacrosancto Eucharistiae, & Olei Sancti Sacramentis roborare, & in postremo agone illorum animam assuetis precibus Deo commendare.

Inuigilet amplius quisque ex Parochis precipuè foraneis, ne in Diocesi Indulgentiae aliquæ, aut à quaquam afferantur, aut quomodolibet publicentur, seu

San-

Sanctorum Reliquiæ vllomodo a priuatis personis distribuantur, nisi ex nostra in scriptis concessa, & speciali auctoritate; impudentiæ liquidem, & fraudibus nonnullorum est occurrendum, qui vel lucri, vel alterius cupiditatis causa, sacras res prostituerent non erubescunt: qui verò talia ausi fuerint, sciant se grauissimas pœnas subituros.

Suas deniquè oues, vt bonus Pastor agnoscat, quot annis describat, ægrotas sanare, errantes reducere, perditas recuperare omni studio contendat.

Maximè etiam probamus, vt quisquè Parochus sub congruo stipendio Capellani sibi deligat, quo tutius ac promptius cuncta Ecclesiæ ministeria possit implere. Hic deligendus, & morum probitate, & doctrinæ experimento talis esse debet, qui nostram in examine approbationem mereatur. Per se ipsum nihilominus Parochus, nisi legitimè impeditus, suum munus exerceat. Quod si ob Ecclesiæ reddituum tenuitatem Capellani retinere non liceat, Clericum saltem in Sacris constitutum sibi Parochus adsciscat, vel minoribus Ordinibus insignitum. Quod si vires Ecclesiæ tale onus minime pariantur, habeat penes se Clericum saltem primæ Tonsuræ, vel alium decenti veste indutum, qui Sæcto missæ Sacrificio cum dignitate possit ministrare.

Nostri autem erit arbitrij, qualem quisquè comitem, vel Ministrum alere possit.

Parochi etiam suos Clericos, aliosquè suæ Parochiæ Pueros edocere non prætermittant, litteras, & virtutes do-

doceant simul, vt semel recepta in teneris annis semina pietatis, altis actis radicibus, maturos salutareſq; fructus emittant. In hac pascendi gregis cura liberales sese ac faciles præbeant, suæq; charitatis, & humanitatis fontes omnibus aperiant, implentes præceptum Domini.

Deriuentur fontes tui foras, & in plateis aquas tuas diuide.

In Conuentibus Cleri quibuscumque publicis, adhibeant ad superpelliceum stolam Parochi, tam in Ciuitate, quam in Diœcesi eius coloris, qui actioni publicæ iuxta rubricas, & tempori conueniat, vt dignoscantur ab alijs Sacerdotibus. Cum autem cadauer defuncti sepulturæ Ecclesiasticæ tradendum effertur, funusque deducitur, proprius solus Parochus stolam habeat.

In Diœcesi ne fiant supplicationes cum Sanctissimo Sacramento, in festo eiusdem & octaua per vias longiores ad libitum populorum, sed ad præscriptum Vicariorum Foraneorum, qui re communicata cum Vicario nostro Generali eam præscribent viam, quæ satis patens pro frequentia populi præcedentis cum Parcho videbitur. Tunc ne fiant Altaria extra Ecclesiam, ad deponendum in ijsdem Tabernaculum gestatorium, neque adhibeatur sancta præcatio campis, per quos transitur, sed in Ecclesia tantum in fine processionis.

Denique Parcho mortuo, successor quot annis Annuersarium celebret pro eo cum Missa Parochiali.

DE IUDICIBVS SYNODALIBVS.

Sacri Concilij Tridentini Decreto inhærentes, Iudices Synodales tales esse decernimus, quales præscribuntur in Constitutione Bonifatij viij.

Hi priuatiuè quò ad alios causas sibi commissas, & ad forum Ecclesiasticum pertinentes cognoscere poterunt, atquè etiam ab Apostolica Sede, & à Legatis in Iudices dari.

Eligi quoquè debebunt à Regularibus in Conseruatores, iuxta Constitutionem S.M. Gregorij xv.

Illos monet Sancta Synodus, vt terminandis causis, quanta fieri poterit breuitate, incumbant: litigantium artificijs, & dilationibus modis omnibus occurrant.

IUDICES AVTEM SYNODALES ELECTI
HI SVNT VIDELICET.

Per Illustres, & Valde RR. DD. Comes Ioannes Baptista Tassonus Archipresbyter.

Petrus Ioannes Bonafides Præpositus.

Paulus Æmilius Recalchius Archidiaconus.

Iacobus Philippus Thamonus Decanus.

Ioannes Baptista Nigrellus.

Alphonſus Græcus.

} Canonici.

Dominicus Campius.

Alexander Albertinus Canonicus Pænitentiarius.

Franciscus Maria Vallemannus Canonicus.

Cæsar Vbaldinus.

Antonius Fieſſus.

DE EXAMINATORIBVS SYNODALIBVS.

EXaminatores, ex omnibus sint spectatissimi. Non pauciores sex. Clerici quidem omnes, seu Sæculares, seu Regulares, Iuris Canonici, aut Sacræ Theologiæ periti.

Vt incorruptius sequatur in examine iudiciū, vnusquisquē examinatorum, antequam ad primum examen accedat, ritè iureiurando firmabit, se munus sanctè, & integrè exequuturum, omni priuato studio, & affectu posthabito.

Nequē ante examen, neq; post, eius rei causa, ne minimum quidem ab vlllo accipere poterunt, Ne Ecclesiam Dei, domum negotiationis facere videantur: quod adeo erit obseruandum, vt si secus fecerint, tam largitores, quam ipsi, turpis corruptelæ, atq; nefariæ simoniæ crimen ex auctoritate Concilij Tridentini contrahant, vt neq; ab eo absolui crimine possint, nisi beneficijs (si quæ habent) dimissis, neq; beneficia ipsa amplius recuperare, aut alia impofterum adipisci.

Et quia plerosq; examinis alea tenet, & modestia, ac pudor sæpe confundit, Examinatorum erit officium; cum benignitate dubitantibus animum addere, & ad bene sperandum confirmare.

Interrogationes ex difficilioribus minime seligantur. Nemo, qui vel legendo, vel respondendo aliquid offenderit, minusq; satisfecerit, corripitur, acriusq; obiurgetur. Nemo in docendo præueniatur, sed, quò ipse euadat, expectetur.

Am-

Amplius non scientiam tantum eorum, qui subeunt examen, spectandam esse iudicamus, sed ingenij viriditatem, & solertiam morum probitati, & modestiæ adiunctas.

Deniquè nullus Examinatorum quemquã ulli Collegarum commendet, vel ut alteri gratificetur, vel amicitia causa. Nemo examinandum admittat, ut extra examen præmoneat, & instruat, & ita se gerat, ut nulli suspicionem de hoc afferat. Qui non paruerit, ab officio excludetur.

Et quoniam nostri muneris est curare, ut in promovendis ad Ecclesias Parochiales, aut nobis coram Deo, aut Ecclesiæ coram hominibus scandalum non præbeat.

Subeant ideo Competitores libenter examen, & ad editiorem gradum ascensuri de moribus, & doctrina sua patiantur inquiri.

Synodales Examinatores, iuxta deferendum Ministerium, cuiusquæ habilitatem expendant. Illud in uniuersum rimentur, an promouendi in Sacre Scripturæ lectione, & Theologiæ moralis quæstionibus versati reperiantur, an ad pascendas, verbo Dei oues sermone, & scientia valeant. An Sacramentorum omnium vim, naturamquæ intelligant, & quod summum est, an in audiendis confessionibus sapientes sint, & prudentes.

In hos demum hortationem conferant, ut quæ Tridentinum Concilium de præcipuis fidei Christianæ partibus, de Sacramentis, de Residentia, & Parochialibus Ecclesijs, cæterisque ad Cleri, & Populi discipli-

nam spectantibus statuit, & quæ hac nostra Synodo præcipiuntur, studiose intelligere, notaque habere contendant.

EXAMINATORES VERO' SYNODALES
ELECTI HI SVNT VIDELICET.

Prafati DD. Archipresbyter.
Præpositus.
Archidiaconus.
Decanus.
Canonici Græcus,
Campius, &
Albertinus.
Ioannes Baptista Nanius Canonicus Theologus.
Franciscus à Veritate I. V. D. Rector Sancti Petri, &
Augustinus Maranus Rector S. Clementis.

DE VITA, ET HONESTATE
CLERICORVM.

VT dilectissimus Clerus noster in Domini sortem verè se vocatum ostendat, nihil sibi non simplex, non integrum debet proponere.

Vnamiter Clerici omnes, cuiuscumque sint ordinis, cum silentio operantes (iuxta Decretum Apostoli) suum panem manducant, proximum, vt fratrem sustineant à quibusquè turpibus, & sordidis discaueant, vt mundas valeant ad Deum pro sui ministerij ratione leuare manus: incessus, sermo, & actio Clericalis mode.

destiæ, ac dignitatis præbeant argumenta; summæq; pietatis, ac religionis exemplis, ad imitationem virtutis fideles omnes prouocent.

Nemo prorsus Clericalem habitum suscipiat sine nostra licentia in scriptis, & obtenta prius vestiû Clericalium benedictione.

Secularibus indumentis minimè vtantur, talarem vestem, & pallium in Vrbe, breuiorem in itinere, seu extra Urbem adhibeant. Color vestium sit niger, nisi alium requirant dignitatis gradus, aut officiorum priuilegia, aut Collegiorum Statuta.

Nihil ornatu exquisitum appetant, nihil vile, & abiectum accipiant.

Amplius, comam minimè nutriant, aut laxent, labro barbam non erigant, sed tondeant modeste.

Cum Mulieribus absquè licentia nostra in scriptis, vel Vicarij nostri Generalis, non cohabitent; secularibus negocijs non se ingerant; pro alijs minime spondeant, vel fideiubeant, præterquam cum necessarium fuerit (iudicio nostro) mercaturas, & negociationes illicitas fugiant, tutelam, & curam etiam miserabiliû personarum absquè assensu nostro non suscipiant, uenationem minimè exerçant, spectaculis prophanis non interfint, laruas, & ludos abhorreant, armorum genus nullum deferant, à quocumquè fœnore abstineant, fabulas, & histriones non audiant.

Et quoniam Vniuersi Sacerdotes ad solam Dei laudem, & bonorum operum studium constituuntur, deet eos habere Patronum causarum probatissimæ fa-

Vestis Talare

Coma

Mulieribus

neg. spond.

mercatur.

negociationes

venationem

spectaculis prophanis

laruas, ludos

armorum

fabulas

histriones

me, & laudabilis doctrinæ, vt à fori perturbationibus liberi æternis bonis tantum valeant inhiare. Vnus igitur eligatur vniuersi Cleri Ferrariensis Patronus, qui singulorum causas dicat, & iure medio tueatur in omni verbo veritatis:

Proprium præterea superpelliceum singuli habeant, non sordidum, non lacerum, nequè nimium in humeris phrygiatum. Cum eo extra Ecclesiam non abeant, nisi ob processiones, vel aliud officium Ecclesiasticum.

Ne sint in famulatu laicorum, aut eorundem Procuratores, etiam Principum, sine Nostra licentia.

Aduocati, Procuratorisue nomine causas non agant, nisi Ecclesiæ suæ, propinquorum, miserabilium personarum in foro Ecclesiastico, & cum assensu nostro. Testimonium minimè in laicorum foro perhibeant sine nostra licentia, & tunc iurent in actis Curie Episcopalis.

Tonsura
Tonsuram Clericalem gestent ad eam formam, quæ ratio cuiusquæ Ordinis angustiore, vel patientiore postulat; illa conspicua sit omnibus, abrado capillo.

*indocam.
hulary*
Mulieres etiam illustres Grammaticam, aut alias liberales artes, cantum, aut pulsationem cuiuslibet musici instrumenti minimè edoceant, nisi aliter ob ætatem, vel graues mores à nobis fuerit permissum.

*an nequit
exul
et r.*
Latrones, Exules, Proscriptos, aut flagitiosos homines non recipiant, vt propriam seruent existimationem, & pœnam excommunicationis latæ sententiæ à Sixto Quinto Summo Pontifice sancitam, effugiant.

Quicumq; his non paruerit, pro modo culpæ arbitrio

trio nostro plectetur.

Denique nihil in Sacerdotibus virisque Ecclesiasticis plebeium, & commune volumus, nihil popolare, aut commixtum studio, & usu incondite multitudinis. Quomodo enim observari debet à populo (ait D. Ambrosius ad Irenæum) qui nihil habet secretum à populo?

Ad Cælum Christi milites debent suum dirigere cursum, & obliuisci quicquid hic in terris refectionis, aut solatij haberi potest, sua alimenta, & gaudia à Rege Domino expectantes.

Ad obtinendas porro dignitates, honores, officia, ac beneficia Ecclesiastica, omnibus eam præcludimus viam, qua per ostium non intratur, & ascenditur. Ideo quascumque siue per Epistolas, siue per officiosa verba commendationes prohibemus.

Ad Nos siquidem spectat rei magis vtilitatem, quàm voluntatem, in Domino æstimare.

Sed & virtus suffragijs non indiget ad laudem, & præmium, plerumque officijs stupratur potius, & corumpitur.

Illud certè Nos pollicemur, honores, vt labores fore communes, non in vno, aut paucis stagnantes, sed ad omnes dignos æquè decurrentes.

Mulierum contubernium abhorreant Clerici omnes, & Sacerdotes, easquè solum admittant, quarum ætas, & honestas præuio examine, & licentia Vicarij nostri Generalis probata fuerit, certoquè sciant in faminarum consuetudine, nihil non bellicum, non
cruen.

cruentum, & ad perdendum homines aptum reperiri, Diabolo cum Iob belligerante; Ille scilicet postquam per Chaldæorum exercitus, greges suos prædatus est, post ventorum magnam excitatam rabiem, post flammæ à Cælo deiectas, post substantiæ omnis ruinam, liberorūquæ orbitatem, & extremam in illum illatam pauperiem, acerrimè deniquè libidinis telo eum tetigit, ut hoc intestino certamine auget pericula, nouoquæ belli genere eius constantiam superaret.

Deniquè in studia sacrarum litterarum incumbant, probatos libros apud se habeant, Biblia Sacra, Concilium Tridentinum, Catechismus Romanus, Decreta Synodalia, & Auctorum, qui de Sacris Ritibus agunt; omninò verò libellum iussu nostro editum, cui titulus est, selectiora Sacrorum Rituum.

DE SEMINARIO, ET EDVCATIONE CLERICORVM.

DEcet in Agro Domini Plantaria esse, nè arbores fructiferæ desint, ex quibus innocentie, doctrinæ, & religionis fructus percipiantur.

Nos equidem, qui in Agro huius Sanctæ Ecclesiæ, licet immerito, positi sumus, totis viribus curabimus, in dies Clericorum Seminarium augeri, ut ex eo innumeræ, quasi ex florenti Plantario, prodeant arbores, quibus ordo Sacerdotalis fertilior, & iucundior euadat, irrigante gratia Domini Nostri Iesu Christi.

Alum-

Alumni primò humanioribus litteris, deinde Sacris Canonibus, vel Sacræ Theologiæ Morali incumbant, nec ad alias capeffendas disciplinas, nisi permiffu nostro, traducantur.

Volumus quidem præ cæteris eos erudiri Catechismo Romano, cantu, & computo Ecclesiastico, Ritibus & cæremonijs, & historijs Ecclesiasticis.

ReCTOR Seminarij non alius fit, quam Sacerdos probatis moribus, & doctrina ornatus. Tunc siquidem in discipulo expectabimus, quod erit in magistro, & Rectore homines, nimirum, sic afficiuntur: ad eos, quos suspiciunt, & quos in pretio, & æstimatione habent, vt illorum in se transferant qualitates.

Adfit post Rectorem, cum per opes licuerit, Seminarij Prorektor, qui puerorum, & Adolescentum curæ, & educationi fit præpositus, vt nec domi, nec foris vigiles oculi eos vnquam deferant. Hic domesticæ rei administrationem habeat sub Rectore.

Præsides Canonici, alter à Nobis, alter à Capitulo, eligantur, itemquè duo alij de Clero Ciuitatis, quorum quidem alterius electio similiter ad nos, alterius verò ad ipsum Clerum pertineat.

Hi curent bona Seminarij.

Singulis etiam annis rationes exigant, & factis calculis probent, suaquè manu firment.

Curent rectè Seminarium administrari, taxas exigi, iuuentutem ali, mercedes Ministris, & familijs tradi, aliosquè sumptus necessarios fieri, & in fine etiã cuiuslibet mensis rationē datorū, & receptorū reddi.

Amplius animaduertant, non antea Alumnos recipiendos, quam de expensis reficiendis cauerint (saltem per iuramentum) si fortè à Clericali ordine resisterint.

Alumni Seminarij claustra quam minimùm exeant, nunquam sine aliqua causa, & sine Canonorum præfidentium licentia.

Cuilibet exeunti detur socius alter alumnus, ætate grandior, & moribus laudabilior.

Pernoctare quidem non licebit absquè nostra licentia.

Bini incedant, Rectore subsequente, cum Ecclesiam, vel scholas petierint.

Rarè admodum per Ciuitatem spatari permittantur, animi recreandi gratia, sed vel extra Ciuitatem, vel propè eius mœnia, & per Pomœrium.

Eorum incessus grauis, totum corpus ad modestiam compositum sit semper.

Ad Ecclesiam Cathedralem statis temporibus accedant, vel vt in Diuinis seruiant, vel vt precibus, & meditationibus, concionibus, & Sacris lectionibus, Christianæ præsertim Doctrinæ, & Catechismi intersint.

Qui contra egerit, grauiter obiurgabitur.

Sacris ritibus, & cæremonijs mutuò se instruant. Et quoniam continget, vt plurimum, Coadiutorem Cæremoniarum Magistri ex Alumnis assumi, illius munus sit ceteros Alumnos edocere, vt & ipse docendo alios magis addiscat, dexteriorquè, & peritior fiat.

Om-

Omnibus sit vnum Refectorium, vnum Dormitorium, quacumq; singularitate seposita.

Ministri sub Episcopo, sint duo Præsidentes Canonici. Vnus Rector, vnus Prorector, siue Procurator oeconomiae, sub his famuli necessarij. Hi omnes obedientiam exhibeant Præsidentibus. Procurator seruet omninò, quæ de eius officio statui mandauimus.

Porro Clerici addicti Sacristiae pro seruitio Missarû, vestes violacei coloris semper deferant, ijsquè Grammaticæ magister datus, propè Ecclesiae Cathedralis claustra se se contineat, quantum fieri poterit, vt iisdè Clerici ab Ecclesiae seruitio quàm minimùm distrahantur.

Vt Clerus etiam foraneus pro studio litterarum, & laudabilium morum, qui Ecclesiasticû virum decent, magistros habeat, hortamur in Domino Consules, Sapientes, Massarios, cæterosquè officiales Communitatum, vt pro suorum incolarum, tam Clericorum, quàm Laicorum bono, magistrum aliquem saltem Grammaticæ, probatissimæ vitæ eligant, à Nobistamen approbandum, eique salarium ex publico ærario constituent.

Vicarij foranei, Archipresbyteri, & Parochi sæpè votum hoc Nostrum in memoriam officialium reuocent, donec eius compotes, Deo dante, fiamus.

Tandem meminerint omnes Alumni Seminarij, Clericiquè supradicti cum humilitate in Ecclesia seruire, vt dignè ad maiora ascendentes rectius sibi subditos possint gubernare.

Ita enim Dominus Iesus Salutaris factus est obtemperantibus, quia (vt inquit Apostolus) didicit ex his, quæ passus est, obedientiam.

Imò idem ipse Dñs docuit Nos in paruis exerceri, vt ardua faciliè possimus superare.

Hinc ille minoratus est vsquè ad pedes Discipulorum, vsquè ad sordium lauacra, vsquè ad Crucem, vt planior redderetur mortis humiliatio.

DE SANCTIMONIALIBVS.

Monialium disciplinam spiritualiter, ac temporaliter instruere præcipuum, & maximè necessarium nostræ sollicitudinis munus iudicamus.

Digna siquidem, & excelsa adeo est hæc viuendi ratio, vt præsidij omnibus, & adiuuentis sit confirmanda. Atquè Episcopi præcipuum est officium, non tam matrimonij religionem, quàm virginitatis candorem defendere. Imò huic plus debet, quam illi, quoniam ad puritatem mystici corporis Christi, cuius nos membra sumus, virginitatis pudor celebratur, nec non ad martirij suæ passionis memoriam, & imitationē.

Hanc igitur heroicam virtutem, & celebre hoc cum Domino coniugium in nostris Sanctimonialibus maximè veneramus, illarumq; nomina hoc vno speramus scripta in Cælis, quod maritis, Sanctitatem anteposuerint, vt soli Deo speciosæ, soli Deo nuberent; tantò etiàm magis liberè, quanto obstrictiores Christi Domini Ancillæ.

Ita-

Itaque huius Sanctæ Synodi auctoritate statuimus, ne cuius cuiuscumq; sit conditionis, & status ad Monialium Monasteria facilis sit accessus sine nostra licentia, vel Vicarij nostri Generalis, vt à mundanis conspectibus curisq; separatæ Deo seruire possint in sanctitate, & iustitia.

Ad hæc, sciant Moniales etiã Regularibus subiectæ, quod loqui non possunt cum Regularibus, etiam eiusdem Ordinis, licentiam legitimam non habentibus. Ipsi verò Regulares accedentes sine licentia, & Moniales alloquentes ipso facto incurrunt pœnam priuationis vocis actiux, & passiuæ, & ab Episcopo tamquam Sedis Apostolicæ delegato coerceri, & puniri poterunt ex Constitutione Gregorij xv. S. M., & decretis Sac. Congregationis Concilij, & Episcoporum.

Clausuras (quantum in nobis erit) tùm quoad Monasteria nobis subiecta proprio iure, tùm quoad ea, quæ Regularium subsunt disciplinæ, curare, & custodire studebimus, iuxta Sacri Concilij Tridentini, & S. M. Gregorij xv. Constitutiones.

Ingredi septa Monasterij nemini liceat, sub pœna excommunicationis ipso facto contrahendæ, cuiuscumq; generis, status, sexus, vel ætatis fuerit, sine nostra in scriptis licentia, vel Vicarij nostri generalis ad ministeria necessaria dumtaxat concedenda.

Eiusdem pœnæ incursum patiantur, qui licentias, & facultates ingrediendi sibi concessas, ad alia, quam quorum intuitu emanarunt, iniquè conuertere audebunt.

Eadem

Eadem prorsus feriantur excommunicatione Abbatissæ, Priorissæ, aut aliæ Præpositæ, & Custodes, quarum malitia, & negligentia clausuræ violatæ reperiuntur, & quæ admiserint quoquo modo ingredi aliquos, etiam infantes, vel minimæ ætatis, ex Decreto Sacræ Congregationis Episcoporum; Nostræquæ seruentur peculiæ ordinationes de custodia clausuræ.

Renouentur licentiæ medicorum, & operariorum quolibet semestri, ex Decreto Sacræ Congregationis Episcoporum.

Absquæ nostra licentiæ non accedant Cantores ad Ecclesias, vel Monasteria Monialium, sub prætextu canendi, aut edocendi, sub pœnis in Edicto nostro contentis.

Præpositi Regulares, & alij quicumq; intra clausuram ingredi non poterunt, etiam prætextu interueniendi electioni Abbatissæ, vel Priorissæ, aliarumue officialium Monasterij, aut examinandi moniales particulares, sub censuris à Sacris Canonibus, & Constitutionibus Pontificijs, præsertim Gregorij xij, cum hæc ad Monasteriorum crates peragi valeant, ex Decreto Sacræ Congregationis Episcoporum.

Confessario Monialis egrotæ confessionem audiente cellæ ianua aperta remaneat, & duæ testes, quæ ex officio proprio comitari debent, non alię ad libitum assumptæ, ad eiusdem cellæ ianuam morentur, itaut Confessarius, & infirma ab eis commodè cerni possint, non audiri.

Is ad confessionem audiendam vocatus, seu ad alia
mini-

ministranda Sacramenta recta via, & absque diuerticulo eat, redeatquè, nec in aliam Monasterij partem diuagetur, etiam occasione visitandi alias morbo affectas, quibus Sacramentorum administratio non est necessaria, neque diutius ibi, quam par sit, immoretur, nequè vnquam pernoctet, sed noctu administrato Sacramento extremę vnctionis, & peracta animæ commendatione, cetera omittat, quę monialibus ad bene moriendum sorores ritè exhibere solent, & exeat de monasterio, ex Decreto Sac. Congregationis Episcoporum.

Habeat autem Confessarius Regularis ingrediens ex dictis causis septa monialium egrotantium secum alium socium Regularem, qui ipsi assistat, sitquè ætatis supra annos quadraginta, si commodè haberi poterit moribus saltem, & vitæ probitate senior.

Domi monasterio adiunctæ intra, vel extra fines atrij exterioris minimè maneat, cibi capiendi causa, nisi confessionis tempore.

Nihil oblatum, aut donatum accipiat, nihil elaboratum, ne laborem quidem, qui in vestibulis sarcien-
ditur.

Cum monialibus minimè sermones habeat, nisi officij sui causa, & pro necessarijs ad Ecclesiam, cum moniali tantum deputata.

Non accipiat, nisi per manum Sacristę, onera missarum celebrandarum, etiam ad votum aut desiderium alicuius monialis, quæ missę sacrificium pro se fieri desideret: quod etiam de Capellanis intelligatur.

Viſtus dictum Confessario non ministretur, sed potius quædam summa pecunię quot annis, viſtus loco ei persoluatur, & si Regularis sit, monasterio, in quo degit, pendatur, iuxta Decretum Sacrę Congregationis Episcoporum.

Ultra mercedem non audeant aliquid præstare moniales, aut illi accipere sub pœnis arbitrio, iuxta tenorem eiusdem Decreti.

Si qui Confessarij extraordinarij in commune deputabuntur, non poterunt pluries vi facultatis, seu approbationis nostrę, confessiones audire, sed à nobis toties erunt approbandi, quoties casus deputationis cõrigerit, sed nequẽ ipse Generalis ordinis potest audire cõfessiones suarum monialiũ sine nostra approbatione, ex Decreto Sacrę Congregationis Concilij.

Quoties Virgo ad habitum recipiendum euocatur, non parentum voluntatem, ac potestatem respiciat, sed animi sui propensionem, & deliberationem sæpè excutiat, vt tantum sacrificium nulla vi, nulla coactione adstrictum, sed liberum, & solutum permaneat, Deoque valeat, non in mœrore, ac tristitia, sed in lætitia potius, & gaudio deservire.

Nos certe muneris nostri partes in hac re maximè adimplebimus, & à Sacri Tridentini Concilij Sanctione, in exploranda ingredientis cuiusquẽ, vel profitentis voluntate, ne latum quidem vnguem, discedemus.

Porrò monialium dos, siue eleemosina, earum nimirum, quę Sacro velo professionem emittunt, scutorum quingentorum erit huius monetæ; seruientium
verò

verò scutorum ducentorum quinquaginta.

Habitus suscipiendi tempore, dotium deposita vera, & realia, non ficta, & simulata apud mercatorem à Nobis, vel à Vicario nostro Generali probatum conficiantur, & emissa professione, in tabulas sacri Mōtis Pietatis huius Ciuitatis ad creditum monasterij statim referantur, & inde non extrahantur, nisi de licentia nostra in scriptis, vel ut inuestiantur in bonis stabilibus, vel in alia monasterio pernecessaria conuertantur.

Illud admonentes, dotales has eleemosinas in ære, seu pecunia soluendas, non autem in bonis stabilibus, aut nominibus debitorum assignandas esse, prout Decreto S. Congregationis Episcoporum cautum est.

Cæterum sicut vsus, & redditus quosdā, seu prouisiones annuas in gratiam monialium, ultra necessaria mobilia ex laudabili consuetudine huius Ciuitatis collata, valde laudamus, ita prouisiones prædictas ad moniales particulares iure proprietatis pertinere damnamus.

*Impunita
vix amittit.*

Immittantur ergo in communem arcam depositæ pecuniæ monasterij, & ad libitum Abbatissæ, seu alterius superioris, in primis pro necessitatibus earumdem particularium monialium benigna, ac discreta distributione erogentur, & si quid superest, in commune referatur.

Detestamur quoque conuiuium, & epulum, quod occasione ingressus, vel Professionis, de consuetudine monasterij, quandoquæ postulatur; petitio enim, &

(conuiuia obsequia)

Ecclesiasticæ decori Religionis, & ingredientis proposito plerumquæ aduersatur.

Inque dicitur
exch. ap.

Et ideo ad hoc Urbani Quarti Summi Pontificis Cōstitutionem in memoriam reuocamus.

Præter hæc, quoniam plurimum confert œconomia temporalis ad disciplinam Regularem, illa autem rectè sustinetur, quoties ministri, & officiales suum fideliter exercent officium.

Proindè volumus, vt villici, quos factores vocant, seu negotiorum quilibet transactores ipsorum monasteriorum, tam urbani, quàm rustici, nec non exactores, & ratiocinatores quolibet mense cuiusquæ monasterij Syndicis respectiue de eorum gestis rationē reddant; & Nobis, seu Vicario nostro Generali quolibet anno.

Syndicos prædictos non sine magno delectu Nos ipsi, vel Vicarius Noster deputabimus, cum facultatibus in patentes litteras redactis.

Feo. d. an. a
f. a. g. i. n.
d. m.

Exigant etiam Syndici ab administratoribus prædictis cautionem pro certa summa de recta, & innoxia administratione, de reddenda ratione, & de reliquis præstandis.

Officiales autem prædicti, & administratores inferiores Syndicis obedientes sint, & suis stipendijs contenti, nec audeant à monialibus particularibus aliquid vltius accipere, sub pœna priuationis officij.

Insuper, vt facilius monialium commodis consulamus, mandamus, vt moniales nullos incant contractus, nullas obligationes, nullasq; apodixas conficiant absq;

absquè licentia nostra, vel Vicarij nostri Generalis, etiam pro ijs, quæ ad victum monasterij necessaria sũt, vltra summam scutorum quingenta.

Item nec ædificia construantur alicuius momenti.

Amplius præcipimus, vt moniales sacras suppellectiles, vel alia bona ad monasterium spectantia extra monasterium minime commodent, aut vendant, vel ad vsum alicuius concedant, nisi nobis consultis. Imò prout se dederit occasio, inventarium quorumcumq; bonorum mobilium, quælibet monialis, ad formam à nobis præscriptam, curet in area communis depositi asseruandum.

Alienationes verò, seu permutationes, aut venditiones quorumcumque bonorum immobilium, seu mobilium pretiosorum omninò prohibemus.

Et quia, vt plurimum contingit, moniales quasdam professas educandarum puellarum curam suscipere: decernimus, ne aliqua monialis huiusmodi onus assumere possit, nisi sexennium professionis expleuerit, & monasteria quoque solita sint Puellas educare, habeantque loca particularia destinata, & separata à monialibus etiam novitijs.

Item puellæ sint septennio maiores, & annis viginti quinque minores, neque supra numerum præfixum. Illæ à monialibus capitulariter per vota secreta recipiantur, data idonea cautione de soluendis anticipatè de semestri in semestre alimentis, & cum alijs conditionibus appositis in Decreto Sacræ Congregationis super negocijs Episcoporum, & Regularium.

*hinc viginti
quælibet
tam in
Incapit. m
nialibus 37*

Illarum autem alimenta non ipsi moniali, penès quam educantur, sed monasterio persoluantur, factò, vt supra, de semestri in semestre pecuniarum deposito, vel apud campforem, vel apud Sacrum Montem Pietatis, ad creditum eiusdem monasterij.

Vna verò præsit magistra, quæ eas bonis moribus, primisque rudimentis necessarijs imbuat, & sub pia disciplina custodiat.

Curet etiam Abbâtissa, & magistra, vt illæ modesto vtantur vestitu, clausuræ leges monialibus communes obseruent, & sint humilitate sublimes, insignes charitate, ac per virtutes omnes perspicuæ, dignæq; , vt cū sanctis Virginibus conuiuant, & inter lilia castitatis commorentur.

Alii in monasterio boues, equos, & iumenta, & multo magis catellos retineri omninò prohibemus, vt in Edicto nostro particulari.

Defuncta aliqua ex monialibus, illius funera de more celebrentur.

Nulli ex monialibus remaneat facultas disponendi de cellis suis post obitum, sed ex, dum vacauerint, superioris arbitrio, prout expedire in Domino iudicauerit, alijs monialibus assignentur, ex Decreto Sacræ Congregationis Regularium.

Prohibemus amplius monialibus, licet sint Regularibus subiectæ, ne in bacchanalibus, vel alijs temporibus animo relaxando concessis, vtantur habitu virorum, aut cuiuslibet speciei armis se accingant, ex Decreto Sac. Congregationis Episcoporum.

Præterea non vtantur habitu ſecularium ſamina-
rum, & multo minus veſtibus ſacris:

In Electionibus officialium coram Nobis, vel Vica-
rio noſtro, pro tempore habendis, nec non Viſitati-
onis gratia nobis aduentibus, vtantur ſuperindumento,
ſeu amiſtu ſolemniore.

Nobis omninò ſubiectæ, non alijs regulis, & ordi-
nationibus ſubſint, quam præſcriptis à bo: me: Reue-
rendiſſimo Fontana Prædeceſſore noſtro, & à Nobis.

Harum volumen penes Abbatiffam, aut Prioriffam
perpetuo cuſtodiat, & in cuiusquæ electionibus vna
cum clauibus, & reliquis inſignibus conſignetur.

Sæpe in reſectorio, & quoties expediens fuerit, re-
legantur.

Meminerint tandem ipſæ moniales profeſſæ matri-
monij ſpiritualis iura fideliter ſeruare, nec per inanes
cogitationes, & externa mundi oblectamenta diuor-
tij teſſeram profiteri.

Maximum Dei donum exiſtiment quietam, ſuauem,
& Angelicam ducere vitam, quia ſemper eſt Angelis
cognata virginitas.

Credant ſe viridarij Cæleſtis apes eſſe, vbi nihil nō
dulce, non lætum delibari putat Diuus Ambroſius,

Maximum eis erit in his adiumentum Sacroſanctæ
Eucharistiæ frequentatio.

Vnde ex Sacri etiam Tridentini Concilij ſanctione
eis iniungimus, vt ſemel ſaltem ſingulis menſibus con-
feſſionem peccatorum faciant, & Sacræ Eucharistiæ
Sacramento ſe robovent, ad omnes oppugnationes Dæ-

monis fortiter superandas .

Demum hortamur fideles omnes, vt has Sacras Virgines defendant, ac venerentur, piisque adiuuēt elemosinis , scientes ex his tutelam , & fortitudinem Ciuitatum , & communis salutis prodire .

Multas fæminas scriptura Diuina in lucem euexit (ait D. Ambrosius) palmam tamen publicæ salutis, foliis Virginibus dedit .

In veteri Testamento, terra, ac mari clausum populum Virgo per maria pedes perduxit. In Euangelio, Authorem mundi Virgo generauit .

DE PIIS CÆTIBVS, SEV SODALITATIBVS,
ET CONFRATERNITATIBVS
LAICORVM.

Diuinæ omnipotentia opus est , quod homines sincero amore , & puro corde in vnum conueniant . Hinc vbi Omnipotens Dei sermo descendens à regalibus sedibus profiliuit in terram, statim vox Angelorum auditur .

Gloria in altissimis Deo , & in terra pax hominibus bonæ voluntatis .

Quia scilicet pacis, & concordia seminatio non potuit, nisi cum Aduentu venire omnipotentis , & qui hoc vni Deo relinquitur magnificum facinus , quod dissidentes plerumque homines in vnum coniungat .

Sunt itaque Confratria, Diuini Spiritus receptacula , & Cælestis eloquentia gymnasia .

Fra-

Fraternę sunt Caritatis tabernacula, ex quibus micant amoris lampades, ex quibus dilectus oritur ex dilecto.

Confratres igitur (si Deo placere cupiunt) & spiritualibus gaudere fructibus, ad quę eorum diriguntur instituta.

In primis debent leges suas, & statuta à Nobis approbata seruare, nec ab ijs vlllo modo deflectere.

Diuinum præterea officium, diuinąsq; laudes, ac preces iuxta ritum Romanum, congruo tempore, & assiduo studio persolvere.

Sanctum Eucharistię Sacramentum, absteris ante per sanctam Confessionem animi sordibus, frequenter accipere.

Oblationes, & eleemosinas sedulo præstare, & custodire.

Et si in aliqua Ecclesia erectę fuerint Cōfratrig, oblationes, & eleemosinas sub duabus clauibus asseruari curent, itaut vna clavis apud Parochum, alia apud Officialem, vel Massarium remaneat.

Præterea non audeant stabilia, & mobilia pretiosa, vlllo modo distrahere.

Capellanos non audeant assumere, nisi à Nobis approbatos.

Officiales non rixa, & odio, non amore, & precibus, sed virtute, & meritis eligant, à Nobis postea quoque approbandos, iuxta decretum Sac. Congregationis Episcoporum,

Supplicationes suas nunquam sine præsentia Sacerdotis

dotis faciant, qui tamen sine stola incedat, nisi fuerit etiam Parochus Confratrum.

Quoties ad solemnes conuocantur, curent iisdem frequenter interesse, & qua decet pietate, & humilitate laudes Deo canere, & supplices preces Deo præbere.

Amictum, nec domi, nec alibi, quam in schola relinquant, & quocumque casu recedant, apud Confratriam dimittant.

Eleemosinas non queritent absque nostra licentia, & acceptas in usus pios distribuunt.

In eorum Oratorijs, & Ecclesijs, feria quinta maioris hebdomadæ Sacramentum in sepulchro non asseruent, neq; eadem die Sacrum celebrari permittant.

Administratores in libros rationum accepta, & expensa omnia redigi curent, singulis mensibus à deputatis officialibus recognoscendos, & à Nobis ex Decreto Sac. Conc. Trid. quoties visum fuerit.

Deniq; Confratrie, quæ habent redditus Ecclesiasticos, Seminario subsidium ex ijs annum persoluant.

DE TERTIARIIS:

Sororibus Societatis S. Vrsulæ, Et Pijs Domibus Puellarum.

Quamuis laudabile existimemus mulieres Tertiarias, sub habitu Religionis Sancti Francisci, Sancti Dominici, seu alterius permissi Ordinis in hac Civitate, cælibem vitam vel castam ducere.

Volumus tamen, illas habitum non suscipere absque expressa licentia nostra, & non ante annum ætatis suæ quadragesimum.

Deinde cum primùm licuerit eas in communi vitam agere, nec alium viuendi modum, & formam tenere, quàm quæ à Lateranensi Concilio, & alijs Apostolicis Constitutionibus desideratur.

Interim quidè prædictæ Mulieres è domo non exeant, nisi ex causis necessarijs, & tunc (quoad poterunt) associatæ.

Si vt ægrotis inseruiant, vel vt alia charitatis opera exerceant, Domos Laicorum adeant, non audèant ibidem vllò modo pernoctare.

Quo tempore vel occasione morbi alicuius, vel in Paschate Resurrectionis Sacrum Eucharistiæ Sacramentum susceperint, de manibus Parochi, sub cuius Parochia habitant, illud recipiant.

Qui illarum negotijs temporalibus à Nobis in Visitatione deputati fuerunt, earumdem necessitatibus, sicuti in Domino expedire iudicauerint, consulant.

Insuper quoniam iuxta antiqua instituta Ecclesiæ in hac quoquæ Ciuitate, sic Virginitatis cultus extollitur, vt vsquè ab anno 1584. plures mulieres sub tutela Sanctæ Ursulæ extra Claustra Viduæ quidem castam, Virgines ducant in carne præter carnem cælestem potius quàm terrenam vitam, illibatum Virginitatis florem custodiant.

Sicuti nos tale pium institutum magnopere commendamus, sic mulieres huiusmodi vitam eligentes

hortamur, vt posthabitis omnibus humanis commodis, & curis soli Deo placere studeant, cui soli sponsæ destinantur.

Regulas autem Societatis à Prædecessoribus nostris approbatas studiosè obseruent.

Et quoad Puellas, quæ in locis pijs educantur, illæ quotidie missæ Sacrificio intersint, manè, & vesperè, congruis horis orent in Choro.

Singulis mensibus, expiatis per Confessionem peccatis, sumant Sacræ Eucharistiæ Sacramentum.

Oneribus, & obligationibus suis spiritualibus satisfaciant.

Priores, seu Administratores earum necessitatibus temporalibus succurrant.

Libros reddituum, datorum, & acceptorum conficiant, credita, & legata exigi curent.

Bona stabilia, & mobilia pretiosa nullo modo alienari permittant.

Claustra diligenter custodiri faciant.

Non patiantur puellas otio vacare, aut nugis, & iocis, sed precibus primum, deinde suis artificijs, & ministerijs.

Deputati omnes, saltem quolibet mense conueniant, & sæpius, prout opus fuerit.

DE PVERORVM EDUCATIONE.

Mitiores, & nimis indulgentes Parentes filios suos vanissima quadam libertate, & infelici perdunt

perdunt educatione, nescientes Puerorum ingenia, & præcipitis ætatis ceruices seuera disciplinæ freno ferroquè plerumq; cohibendas.

Huiusmodi vitium corrigere potest Præceptorum probitas, scientia, & custodia, sine quibus cæca sæpè apparet natura, improbus, & rudis animus.

Vt igitur ex præceptorum probitate, & scientia rectam educandi filios rationem firmemus. Decernimus, vt nullus in Diœcesi nostra educandi, edocendi, & custodiendi pueros curam suscipiat, nisi coram Vicario Generali fidei professione emissa, & cum illi constiterit de vitæ, & morum probitate.

Et subinde à prædicto Vicario licentia obtenta quotannis renouetur.

Suscepto munere eum in Domino hortamur, vt verbis, & exemplo puerorum animos instruat ad pietatem in Deum, ad reuerentiam in Parentes, ad verum cultum omnium virtutum.

Non obliuiscatur obscœnitatem verborum prohibere, cum ad turpem loquendi licentiam, sequatur & turpe factum.

Vnde eleganter Diuus Hieronymus ad Demetriadem.

Nunquam verbum inhonestum audias, aut si audieris, irascaris. Perditę mentis homines vno frequenter, leuiquè sermonè tentant claustra pudicitię.

Ab improborum etiam, & impudicorum hominum consuetudine multo diligentius eos auertat, nemo enim ignorat, quantum virium ad corrumpendos mo-

res habet, malorum contactus.

Semel saltem in hebdomada Christiana Doctrina suos erudiat.

Tanquam mundarum apium Curator impuritatem nesciat, ne ab illarum aculeis pungatur.

Parentes & ipsi valde contendant liberos non otio vacare, sed in mandatis Domini ambulare, poenitentiae lauacro sepius mundari, & Sanctissimo Eucharistiae Sacramento singulis saltem mensibus instaurari; non ludos sequi, & vanitates, sed bonis moribus, & Christianis praeceptis imbui, ad noua semper virtutum opera properantes.

Haec sunt, quas parari, opes à Parentibus filiis Deus iubet, non pecuniarum thesauros, nec infarcitos auro argentoque saccos, aut superbas, & praereminentes domos, non denique fundos interminabiles, & notitiam possessoris sui excedentes, qui consortes pati indignum aestimet, & vicinitatem iniuriam putet.

Deus illa parari filiis iussit, per quae in aeternum viverent, non per quae in aeternitate morerentur.

DE MULIERIBVS IN ECCLESIA DEGENTIBVS.

Tales optamus in Ecclesia se praebere Mulieres, quales instruxit Apostolus. Itaque velato capite, & clauso pectore in Ecclesiam conueniant.

Induant armaturam pudoris, circumducant vallum

li in verecundiæ, murum sexui suo struant, qui nec suos emittat oculos, nec admittat alienos.

Soli Deo pateant, & placeant, à quo omnis gloria.

Quantum resoluti crines occupare possunt, tanta sit velaminis regio.

Ex earum etiam ore modestiæ, decorisq; specimina semper prodeant. Ex habitu simplex cultus, & honestus.

Omnes genuflexæ Sacris toto animo aduertant.

Meminerint tandem, quæ familiæ, & præsertim puellarum Nobilium curam habent, ne diutius, quam par, sit extra domum maneant.

DE DOMIBVS HOSPITALIBVS.

Amplissimam hanc Ciuitatem, nulli pietate fecundam, in vniuersos pauperes liberalia semper contulisse subsidia comperimus, pluraquè pia loca, & nosocomia, diuersis morborum generibus accommodata erexisse.

Propterea nostri Pastoralis Officij iudicamus nonnullis legibus Synodalibus, præter eas, quas in nostris visitationibus iam præscripsimus, & impofterum præscribemus in Domino, talium locorum administrationem instruere. Inde primum præcipimus, vt qui valetudinaria huiusmodi obtinēt, vel administrant, ea omninò præstent, quorum causa illa sunt instituta, domos, ædificia, Ecclesiasquè iunctas sarciant, & restituant; rusticas ædes, & agros sæpius præsertim cir-

cum

cumeant: bona deperdita vel occupata, aut perperam, & iniuste alienata recuperent. Omnia denique exequantur, quæ à Sacro Tridentino, ac Viennen. Concilijs præcepta fuere.

Nemini liceat bona huiusmodi Domorum immobilia, seu mobilia pretiosa vendere, permutare, in emphyteusim dare, seu quouis modo alienare, nisi seruatis, quæ statuta sunt à Sacris Canonibus, & cum Sanctæ Sedis Apostolicæ auctoritate. Qui secus fecerit, arbitrio nostro punietur, & contractus rescindetur.

Mandamus propterea ex Sacri Concilij Tridentini auctoritate, vt Administratores rationem nobis singulis annis rerum administratarum reddant, à qua nullum Priuilegium, nulla consuetudo eos potest eximere. Volumus quoque, vt rationes in codices rectè atque ordine confectos referantur, quo certius, & clarius accepti, & expensi ratio subduci, & iniri valeat.

Hospitalium Priores, Massarij, Præfecti, quacumque nuncupatione designati, deligantur fide, charitate, & industria perspicui, sacrilegij instar ducât, vllam cum mendicis, qui quæstus causa, vel morbum, vel egestatem simulant, pactionem inire, & ob id domo hospitali illos recipere.

Curæ habeant, ne quid Peregrini, & Pauperes qui hospitio accipiuntur, aduersus Christianę pietatis rationem, bonosque mores admittant.

Non faminas solum à Viris, sed pueros à maioribus natu separent.

Non

Non falsas, non ementitas personas subleuent, sed vera inopia, veraquè ægritudine pressis, sint subsidio.

Iners, & inutile, seu vagum hominum genus, hospitali pariter diuersorio excludatur (vera ægritudine cessante) Tales autem homines cum conualuerint, erunt admonendi, vt abiecto perditæ ignauix studio, alicuius artis exercitio, honestum sibi vitæ comparent subsidium, in timore Domini.

Ius eleemosinas petendi pro sustentatione Nosocomij, piè exerceri permittimus; cui tamen petendi eleemosinas munus mandabitur, non sit alienus, sed ex ipsa Diœcesi, fama, & existimatione probatus.

Hoc ipsum munus gratis suscipiat, & pietatis studio, aut ea saltem mercede sit contentus, quæ illi constituetur, reiecto omnino pacto de ipsarum eleemosinarum parte obtinenda.

Seminario nostro contribuere mandamus huiusmodi domos, quæ præter bona laicorum data in titulum, commendam, seu administrationem, habent etiam redditus ex beneficijs Ecclesiasticis annexis pro rata ipsorum.

DE MONTE PIETATIS.

CUm salutare hoc Montis Pietatis exercitium, insigni Dei pietate ad pauperum commodum, & ad Christi fideles ab ingentibus Hebræorum vsuris eximendos, erectum fuerit, Leonisque X. & Pauli III. Summorum (Glor. record.) Pontificum directum, & con-

confirmatum: Nostræ superest prouidentia, de peculio, eleemosinæ eiusdem Montis, rectaque illius administratione iudicare, cum huiusmodi loca etiam si ad Laicos pertinerent, & exemptionis priuilegio essent munita, ad Episcopalem ex Concilio Tridentino curam attineant.

Hæc eo maiori Nobis est oneri, quod in primæ huius montis exordio, Episcopalis protectionis auspicium, & potestas, ac Domini Iudicis Sapientum fuit expostulata.

Itaque ut muneri nostro ea, qua decet parte, respondeamus, opus est Nos ea hic memorare, quæ in vniuersum Reipublicæ commodo, & digno huic Ministerio præcipue prodesse existimamus, nam quibus specialis in dies animaduersio debetur, & Magistratus Ciuitatis, & optimorum Præsidentium studio, qui singulis mensibus huic de more pio officio incumbunt, & inde coram Nobis singulis mensibus congregantur, satis cautum esse putamus.

Qua propter Pauli V. S. M. Summi Pontificis Constitutionem ante oculos primum proponimus, qui pœnam excommunicationis ipso facto eum subire sancit, quicumque pecunias, tam præsorte ab ipsa Montis erectione constitutas, quam pro dicto sortis augmento adactas in alios, quam in pauperum usum absque Sedis Apostolicæ licentia conuertere, aut distrahere, sub quouis prætextu, vel colore, etiam cum obligatione, infra quodcumque breue tempus restituendi, ausus fuerit, à qua nequit, nisi à Romano Pontifice absolui.

In.

In mutuanda deinde sub pignore pecunia, pauperioribus semper Sanctimonialium monasterijs, pijsquè locis consuli, & sine mora subueniri mandamus.

In acceptanda pariter ad redditum pecunia, priorem locum pauperes, piaquè loca sibi vindicare.

Amplius pignora, seu deposita rerum pignorandarum sint eius generis, quæ vèditionis exitum facile inueniant, vt sine damno Monti possit satisfieri. Res autem Sacræ nullo modo accipiantur absquè licentia nostra.

Exacto tempore soluendi, illicò, nullo cuiusque respectu, sub præconis voce, plus offerenti pignora diuendantur, & si quid superest, Domino pignoris soluatur, iuxta Decreta Congregationis eiusdem Montis.

In gemmis, Lapillis, ac margaritis pignorandis, securæ cautiones sumantur, & eiusdem Montis capitula, & Congregationis ordines strictè seruentur.

Officiales omnes, decretis horis, ad suum accedant ministerium, & requisiti, prompto animo, de suis actis reddant rationem.

Pignorum libri rectè describantur, pignora ipsa diligenter custodiantur.

Singulis annis computus fiant generales datorum, & acceptorum eiusdem Montis, illud præ cæteris cauendo, vt si quid forte lucri deductis impensis Monti superfit, in pauperum beneficium succedat, quibus absquè denarij statuti responsione, etiam pro notabili summa, iuxta Summorum Pontificum Constitutiones, mutuari desideramus.

Caveant summopere Præsidentes, atque etiam Officiales, ne gratiæ causa, plus pecuniæ cuiquam commodent, quam per legem Montis liceat, neque quibus non licet, veluti Aleatoribus, Meretricibus, & cæteris personis infamibus, vel etiam filiis familias, aut alijs suspectis hominibus, quod in malos usus pecunias sint conuersuri, iuxta antiquissimas Montis ordinationes.

Commodo huius montis Hebræi quoque omninò priuentur; Et quia quandoque Hebræi ad obtegendum factum in dandis pignoribus Monti Christianorum opera vtuntur, nec Christiani illam præstare erubescunt, ideo statuimus tam ipsos Hebræos, talia committentes, quam Christianos grauissimis pænis arbitrio nostro subiectos, & ne fraus aliqua fiat, Præsidentes, ac Officiales super huiusmodi excessibus valde inuigilare mandamus.

Opera pia, quæ Præsidentibus ex varijs causis iniunguntur, vel pro maritandis puellis, vel pro certis elemosinis erogandis, vel pro Missis, & Diuinis Officijs celebrandis, sedulo, debitisque temporibus præstent, nec nõ tabella omnium præstandorum impressa, huius rei gratia, memoriæ causâ, publicè in eodem Montis loco apponatur.

In cæteris tam Montis ordinationes, quam Decreta Congregationis lata, & ferenda, nostrarumque Visitationum studiosè seruentur.

DE CVRA MISERABILIVM
PERSONARVM.

FEriunt persæpe aures, & cor nostrum miserabilium voces, neque solum illorum gemitus, & clamores, qui palam stipem, & alimenta quæritant, sed multò magis eorum, qui pudore, ac verecundia à mendicando deterrentur.

Bonus Pastor vocat, & quærit Oves; Custodis ratio præuenire debet, excitare magis, quàm expectare quæsituros.

Vniuersæ igitur Diœcesis Parochis districtè præcipimus, vt prima die Nouembris, & Maij vniuscuiusque anni schedulam subscriptam pauperum suorum, pupillorum, Orphanorum, Viduarumquè deferant; illud præ cæteris animaduertentes, si quæ nobiles puellæ, si qui morbo incurabili affecti, si qui vinculis sint mancipati.

Ipsi quoquè Parochi pro suis facultatibus pauperi subsidium ferre non negligant, vt suo exemplo ab alijs quoquè feratur.

Caueant autem, ne per culpam, aut errorem eos describant, & indicent, qui verè auxilio non egeant, aut alios omittant, qui subsidium mereantur.

Duos probos viros, & totidem fæminas probatæ vitæ secum in visitatione assumant, vt vtriusquè sexus indigentibus tutius, & commodius consuli possit.

Nostræ etiàm Diœcesis fideles hortamur, vt liben-

ter, & ipsi egenis subueniant, scientes Dominum Iesum Christum pro terrenis, ac vilibus opibus, æternis, ac pretiosis nos ditare voluisse, sic tamen, vt non perirent humanæ diuitiæ, sed manerent, fieretque nobis in pauperes pietas, thesaurus in Cælo, thesaurus in Terra.

DE IVDÆIS, ET IVDÆORVM CONSVETVDINE.

QUosdam non pudet effrictæ frontis Christianos, in eam vilitatem, sordisque labem incidere, vt cum liberæ sint filij, familiaritate tamen, interdum etiam conuictu, cum ancillæ liberis impudenter iungantur, eius profus immemores, quod à Spiritu Sancto in Diuinis Scriptaris imperatum est.

Eijce Ancillam, & filium eius, non enim hæres erit filius ancillæ cum filio liberæ.

Quæ pars fidelis cum infideli? & quæ societas lucis ad tenebras?

Nos ergo, ne Christiani Nominis dignitas vilescat, neque impura Iudæorum proles cum purissima Christi sobole indignè misceatur, eaque etiam vitentur scandala, quæ ab occulto, & in Christianam Religionem eorumdem Iudæorum hostili odio fluere solent. Decernimus, ac statuimus, vt nemini liceat, cuiuscumque sit sexus, artis, conditionis, vel præminentiae sub quouis prætextu, etiã ad breuissimum tempus, eibum cum Iudæis sumere, aut cum illis ludere, nec minus

minus Synagogas eorum intrare, vel Domos frequentare, nec famulatum, aut alia seruitia eis præstare, seu bona aliqua illis familiariter communicare, aut in suam domum eos recipere, vel deniquè medendi causa quempiam ex illis aduocare, sine expressa nostra, vel Vicarij Nostri Generalis, aut R. Patris Inquisitoris respectiue licentia, sub pænis à Pontificijs Constitutionibus Nostreis, & Sancti Officij Decretis inflctis.

Portent Iudæi solitum signum distinctæ sectæ, etiam extra Ciuitatem, in Diœcesi Nostra, vbi moram traxerint.

Non prodeant in publicum triduo maioris hebdomadæ, dum silent Campanæ. Ostia claudant, & fenestras prospicientes domos Christianorum.

In festis Nostreis quidquam seruile publicè non agant, nequè cum ijs contractus ineatur.

In Testes non recipiantur contra Christianos.

Ad monasteria monialium, vel eorumdem atria nullo modo accedant.

Illorum Synagogæ procul sint à nostris Ecclesijs, nec nouæ erigantur, dirutæ non reedificentur.

Non vtantur in dictis Synagogis vmbellis, alijsquè ornamentis ritus Ecclesiæ, nequè habeant libros nuncupatos (Thalmud, magazor,) & alios eiusdem generis prohibitos.

Et quia Iudæi nullis Dei, & Ecclesiæ beneficijs mansueti, quæ illos fere cum filiis suis cohabitare humanissime sustinet, rebusquè ad vitam necessarijs iu-

uare,

uare, & ad veritatis lumen allicere studet, adhuc de suo pristino odio, & scelere nihil remittentes, Dominum Iesum Christum in Cælo triumphantem, suamquæ Ecclesiam vbiquè oppugnare vellent, & in Christianam Religionem horrenda facinora quotidie magis audere non desinūt, ideo contra huiusmodi criminum reos Nos quoquæ meritò inuehentes, Constitutionum Apostolicarum tùm Gregorij Decimertij, tùm Clementis Octauī S. M. & aliorum Summorum Pontificum pœnas eis infligemus, & maximè si aut deridere, aut peruerso dogmate fidem Catholicam impugnare præsumpserint.

DE IVDÆORVM AD FIDEM CONVERSIONE.

Diuinæ misericordiæ opera in dies magis ostendunt, ac patefaciunt, nolle Deum petire aliquem, sed omnes saluos fieri, & ad agnitionem veritatis venire.

Ex hoc sacro Diuinæ Clementiæ vbere peccatorum pœnitentiæ profluit, & infidelium vbiquè terrarum oritur resipiscentia.

Vt autem Nobis faciliior via adstruatur ex Iudæis quoquæ in Euangelio liberos procreandi, & per Sanctum postea Baptismi Sacramentum in Domini nostri familiam adoptandi, vtquæ muneri nostro Pastoralī in his, quæ ad eorum curandam salutem pertinent, quantum imbecillitati nostræ licet respondeamus.

De-

Decernimus, vt ad tenorē, & formam Constitutionum Summorum Pontificum Nicolai iij. & Gregorij xij. vir aliquis religiosus, siue Sæcularis, siue Regularis, morum honestate, doctrinæ experimento, & prouida circumspeditione insignis Iudæos vtriusquē sexus salutaribus monitionibus erudiat, & quantum in Domino poterit, non contumeliosè, sed perhumaniter, non in duritie sermonis, sed in spiritu scripturarum, & lenitatis, à perfidiscorum sententijs diuellat.

Et quoniam (vt ait Apostolus) qui Euangelium annuntiant, de Euangelio viuere debent, Volumus, vt Concionanti congrua eleemosina in singulos menses, de pecunijs ab vniuersitate hebræorum conferendis, præstetur, ad præscriptum Bullæ Gregorij xij.

Conueniant autem Iudæi vtriusque sexus, semel saltem in singulos menses, die, & loco à Nobis deputatis, vel deputandis ad audiendam Concionem, ad tenorem eiusdem Constitutionis Gregorij xij, & pariter Edicti nostri, quod alias promulgauimus, sacræ supremæ in Vrbe Sancti Officij Congregationi parentes.

Et ne sub inani bonorum amissionis timore à Christiana fide abhorreant, & pro fluxis, ac terrenis seruandis opibus, amittant æternas, intelligant primò Iudæi omnes, Deum quos elegit, & nutrire, iuxta illud Dauidis Regis.

Dominus regit me, nihil mihi deerit, in loco pascuæ ibi me collocauit.

Sed nec ignorent, Paulum Tertium Glor. record.
Pon-

Pontificem plurima Neophytis priuilegia elargitum, tum quoad bona, tum quoad lura Ciuitatum, in quibus eos Sacri Baptismatis vnda regenerari contigerit.

Cuius Constitutionis verba publicè, & Italico sermone ab eo, qui ad eos Concionem habebit, declarari mandamus, saltem bis singulis annis, videlicet post Festum Paschatis Resurrectionis, & Mense Nouembri, ante primam Concionem.

Parochi, sub quorū Paræcijs Neophyti degent, sæpè erga illos sua exhibeant officia; Nosquè tum de illorū moribus, & indigentijs, tum de eorundem in Catholice Religionis doctrina progressu certiores reddant.

Ipsi Catechumeni non nisi bene de fide instructi baptizentur, & facto super hoc per plures menses periculo.

Deniquè caueant fide, & baptismo donati, ne quid Iudaicarum superstitionum retineant, neuè amplius cum Iudæis familiaritatem, aut consuetudinem habeant.

Baptizati Iudaismum odio prosequantur, nec amplius sequantur, aliàs post monitionem Canonicam, vt hæretici, puniantur.

Multò minùs nullo pacto sub grauissimis pœnis audiant Iudæi cum Catechumenis ipsis, & Neophytis consuetudinem habere.

Recenter baptizati curæ alicuius probi Viri saltem per annum tradantur, qui illorum vitam instruat ad Christianam pietatem, moresquè, & ritus Sanctæ Religionis nostræ.

Qui

Qui præfunt Catechumenis studeant illorum bona recuperare, & maximè fæminarum dotes, iuxta præscriptum Constitutionis Pauli Tertij summi Pontificis.

Demum recolant animo ad Euangelij lucem vocati illud Diui Pauli Apostoli ad Ephesios.

Eratis aliquando tenebræ, nunc autem lux in Domino, vt filij lucis ambulate.

DE VSVRIS, ET FOENERATORIBVS.

NOxium auaritiæ germen, Vfsura, licet sæpius Apostolica falce succisum, nouo tamen semper foetu multiplicat; adeo vt nobis quoquè laborandum sit, vt è Diœcesi nostra (quantum à Deo dabitur) extirpetur.

Illud igitur in primis vniuersim monemus, quod si quis mutuum quid dederit, aliquid plus, quam dederit sperans, siue illud triticum sit, siue vinum, siue oleum, siue quodlibet aliud; foenerator est improbandus.

Cambia omnia, census omnes ijs legibus contrahantur, quas contra vsurariam prauitatem statuit Summus Pontifex Pius V. suis peculiaribus Constitutionibus. Quilibet alij contractus, qui quouis modo fictè, seu simulatè concipiuntur, tanquam ab Ecclesia damnati, à nostra Diœcesi remoueantur.

Societates, tam animalium, quam aliarum rerum salua sorte, quam capitale vocant, non contrahantur nisi seruata forma Constitutionis Sixti V. Incip. De testabilis auaritiæ; pacta omnia, præter adiecta, omnino sint irrita.

Nullus etiam pecuniam quærenti, animalia, frumentum, aut alias quasuis merces carius vëdat, vt statim, seu modico interiecto tempore, ipse ab eodem per se, vel interpositam personam vilius emat.

Pacta omnia, quibus res exiguo pretio pignori datur ad tempus, quo elapso, si res redempta non sit, libera cedat pretium dâti, eiquè pro illomet pretio empta sit, prorsus damnamus.

Societatem, qua quis pecuniam, animalia, resquè alias confert, alter verò industriam, & operam, sincere, & bona fide, & sub æquis conditionibus celebrare quisquè contendat, iuxta Iuris dispositionem, & constitutionem Sixti V.

Contractus, pacta, conuentiones, cæteraq; omnia, quæ vsuram, quouis modo sapiunt, adeo nulla, & irrita sint, vt ne iuramento quidem firmentur, & tam ipsi fænerantes, quam Notarij, Proxenetæ, lucri participes, & Ministri tanti criminis, pœnis, ac censuris à Sacris Canonibus, & Pontificijs Constitutionibus inflictis, etiam ex officio puniantur.

Et quoniam abusu quodam introductum in Diocesi nostra comperimus, vt quandoquè ab indigente pecunijs res alteri vendatur, cum pacto tamen recuperandi ipsam rem venditam intra certum tempus, sic tamen vt venditor adhuc sub colore locationis in possessione remaneat, & ementi respondeat de conuenta pensione, non ad rationem eius, quod vere ex fundo colligitur, sed ad rationem eius, quod ex suis pecunijs interim affeçtat lucrari.

Nos,

Nos, vt huic malo pro salute animarum, ea quæ decet vigilantia occurramus, decernimus, & declaramus, vt quicumquæ ea mente, & consilio sic, vt supra, contraxerit, vt animum non habeat emendi, sed mutuum potius pecuniarum, sub emptionis specie colorandi, & obtegendi, & ex eo fructus taxatos, seu conuentos percipiendi, illicitè transigere, imo in vsuræ labem turpius incidere, & cum homines forte decipere ambiat, tamen se ipsum potius perdere, nec Deum videntem omnia, & renes, ac corda scrutantem fallere.

Quod si quis emerit, animo verè emendi, & dominium in se trāsferendi, prout exterior cōtractus facies demonstrat, & interim pensiones à venditore exeget, hunc iurè facere, nec vsuræ peccato infici iudicamus.

Similiter, quia solent nonnulli pecunias ad mercimonium concedere cum fideiussione, ea lege quidem, vt eas præstare videantur ad dimidium lucri, & damni, non ignorantes tamen eum, qui pecunias accipit haud cum illis esse mercaturum, nec lucri, aut damni computum habiturum, sed in suos potius vsus conuersurum, recipientes nihilominus, iuxta stylum quemdam huius Ciuitatis, octo plerumquæ pro centenario, & anno, ex prædictis pecunijs.

Huic quoquæ scandalo pro animarum pariter salute consulentes, statuimus, & decernimus eum, qui non ignorans accipientem non fore cum suis pecunijs mercaturum, eidem nihilominus pecunias ad mercandum

concefferit, & inde octo pro centenario, & anno, vel aliud certum lucrum recipiat ab omni damno tutum, vsuræ crimine seipsum coinquinare, quasi ex mutuo lucrum expectantem.

Tùm autem negotiationem, seu Sociationem illam ad mercandum licite fieri, & exerceri quoties, qui pecuniam accipit, verè eam exercet, & iuxta damnum, vel lucrum eiusdem mercationis, lucrorum, vel damnorum partem alteri communicat.

Deniquè monemus contrahentes, vt peritos consulant Sacerdotes, aliosquè sapientes in timore Domini, ne, quod facilè fit, in vsurariam labem incidant.

Norint tandem Parochi, ac Confessarij, Vsurarios manifestos, nec viuos ad Ecclesiæ Sacramenta, nec vita functos ad Ecclesiasticam sepulturam esse admit- tendos, nisi prius realiter, aut tuto facto deposito satisfecerint, aut saltem pro viribus cautionem dederint restituendi, & eos qui sepulturæ Ecclesiasticæ ipsos tradiderit, excommunicationis sententiæ ipso facto subiacere.

Quoniam verò fucatis coloribus, vsuraria pestis plerumquè proserpit, ijdem Confessarij cæteriquè, quibus cura imminet animarum, sedulo caueant, ne in pænitentium sibi subditorum contractibus sub census, locationis, societatis, aut aliquo quouis honesto nomine, Vsurarum venenum lateat, & ita se gerant, vt de Diœcesis nostræ foro vsuram defecisse verè dici possit.

Quod si fœnerari quis voluerit, fœneretur Domino;

Do-

Domino autem fœneratur, qui miseretur pauperis: Felix certe vsura, vbi paululum quid danti pauperibus centuplum à Domino retribuitur. Vsura quippe mundi, centum ad vnum, Deus vnum accipit ad centum, idemquè ipse fit, & Executor, & Debitor.

DE NOTARIIS, ET CANCELLARIIS
CVRIÆ EPISCOPALIS.

Notarius Episcopalis Taxationes à Prædecessoribus nostris confectas, à Nobis approbatas, vsuquè confirmatas omninò teneat, & obseruet.

Quod si casus accidunt, quorum in taxatione prædicta ratio habita non fuerit, tunc si causa civilis sit, ea percipiat emolumenta, quæ statuta Ciuitatis concedunt.

Sin verò causa fuerit criminalis, feruet formam Al-
dobrandinæ Cōstitutionis, donec aliud peculiari con-
stitutione fori Episcopalis à Nobis fanciatur.

Quæ pecuniæ impofterum ob caufas occurrentium delictorum exigentur, apud Depositarium à Nobis eligendum reponantur.

Clerici porrò omnes, & Ecclesiasticæ personæ, quæ nostræ Jurisdictioni subsunt, & quæ apud forum nostrum iudicia, seu causas, tam Ciuiles, quàm Criminales agere consueuerunt, quique iuxta Sacrorum Canonum, & Sacri Concilij Tridentini leges, nostrum Tribunal petere tenentur, ad aliud iudicium, & forum minime confugiant, sub pœnis à sacro Concilio impostis,

tis, & iuxta alias Prædecessorum nostrorum Synodales Constitutiones.

Notarius, & Cancellarius pro tempore eligendi, & eorum substituti, sub Officij initium iurent ad formam præscriptam.

Et quatenus nunc exercentes munus non iurae-
rint; Volumus eos ad iurandum teneri coram Vicario
nostro Generali.

DE TRANSGRESSORIBVS SYNODI ET PÆNIS SANCITIS.

HVius nostrę Synodi Decreta ab omnibus, & sin-
gulis, ad quos spectant, obseruanda manda-
mus, quippe quæ ex Sacris Canonibus, & Vniuersa-
libus Concilijs, & Tridentino maximè, ac Summorum
Pontificum Constitutionibus, & Sacrarum Congre-
gationum Sanctionibus hausta sunt.

Transgressores, & Inobedientes obnoxios declara-
mus pænis, quæ à Iure Pontificio, & prædictis omni-
bus Constitutionibus irrogantur, & quæ à nobis, vt su-
pra, expressè feruntur.

Quas vero arbitrio nostro reseruauimus, pro rerum
ipsarum usu, & opportunitate declarabimus.

Et si forte de iisdem decretis nostris aliqua subori-
retur ambiguitas, tota eius rei interpretatio ad nos
spectabit.

Hæc ipsa Decreta, omni qua possumus reuerentia,
Sanctæ Matris Romanæ Ecclesiæ auctoritati, & censure
laacri, demisso, ac obsequentissimo animo subijcimus.

F I N I S.



LECTÆ, & publicata fuerunt superscripta Constitutiones, & decreta, alta, & intelligibili voce, de mandato Eminentissimi & Reuerendissimi D. Cardinalis Episcopi superscripti, in secunda sessione partim, partim vero in tertia, habitis in Cathedrali Ecclesia Ferrariensi, Generali Diocesana Synodo congregata, in medio iusdem Ecclesia, & in loco ad id parato, vigore edicti aliàs pro Synodo facienda, & celebranda publicati, coram ipso Eminentissimo, & Reuerendissimo D. D. Laurentio Tituli SS. Ioannis, & Pauli S. R. E. Presbytero Card. Magalotto, Dei, & Apostolica Sedis gratia Ecclesie prædictæ Episcopo, præsentibus, adstantibus, audientibus, & intelligentibus Per Illustribus, & Admodum RR. DD. Archipresbytero, Prapósito, Archidiacono, Primicerio, Thesaurario, Decano, & Canonicis Cathedralis, Vicarijs foraneis, Plebanis, Viceplebanis, Parochialiumq; & aliarum sine cura Ecclesiarum Rectoribus, Capellanis, Altaristis, & alijs tam Ciuitatis, quam Diocesis Clericis, Anno à Natiuitate Domini Nostri Iesu Christi Millesimo, sexcentesimo trigesimo Septimo Indictione quinta, die verò decima octaua mensis Iunij, quæ fuit Octaua solemnitatis Sanctissimi Corporis eiusdem Domini Nostri, Pontificatus autem Sanctissimi in Christo Patris, & Domini Nostri D. Urbani Diuina prouidentia PP. VIII. anno XV. Præsentibus ibidem RR. DD. Pellegrino Chesio Mutinen. Diocesis, Carolo Masino, Lucio Riuerio Ferrarien. & Marco Pocciante Clericis. & alijs multis testibus ad prædicta specialiter

liter adhibitis, vocatis, & rogatis.

Et ne aliquis miretur in presenti volumine plurimas reperiri cassationes, additiones, & correctiones, sciendum est, illas omnes manu propria vigilantissimi Præsulis, qui in similibus vix sibi met plenè satisfaciebat, præ nimio zelo gloriæ Dei, & salutis animarum sibi commissarum, ante Decretorum publicationem fuisse conscriptas, & folia quæcumque in eodè volumine colligata, esse ea ipsa Originalia, quæ, ut præmissum est, lecta, & publicata, subindeque mihi Cancellario infrascripto sic attestanti fideliter consignata fuere: In quorum fidem.

Ego Ioannes Baptista Bardellius q. Francisci Clericus
 Argentanus Rauennaten. Diocesis Notarius
 publicus Ferrarien., & Curie Episcopalis
 Ferrariæ Cancellarius, & Archinista, de
 prædictis rogatus hic me subscripsi &c.

Locus

✠
 Signi:

LAVS DEO.